

# *NDI U TAVHA HA DUVHA*

 Kha ri kotamise zwifhaṭuwo zwashu. Murena, musi ri tshi kuvhangana fhano nga aya matsheloni a Mvuwo avhudi, ri vhona lurere luṭuku lu tshi vhanyuludza ndila yalwo ya u bva, ḡotshi dzi tshi khou fhufhela ngomu nahone dzi tshi wana mukovhe wadzo, zwiṇoni zwi tshi khou imba u nga ri mbilu dzazwo dzi do balea nga dakalo, nga nthani ha uri hu na Mvuwo. Ri tenda ūri Wo vusa Yesu vhafuni, mihwaha minzhi yo fhiraho, ḡamusi, huno ri takalela ili ḡuvha la tshihumbudzo.

<sup>2</sup> Huno i ri hu de Mvuwo vhukati hashu roṭhe, ḡamusi. Ngavhe riñe, sa vhalanda Vhawe, ri tshi pfesesa Ipfi Lawe, zwauri ro vha ri kha vhuṭama Hawe tshifhingani itsho, huno zwino ro vuwa Nae nahone ro dzula roṭhe kha mafhethu a Tađulu.

<sup>3</sup> Fhaṭutshedza tshumelo fhano kha thaberenakele, na kha mashango ane ya ya, nga ulu luṭingo.

<sup>4</sup> Fhodza vhalwadze vhothe na vha ḡhupheaho. Ngavhe hu tshi vha Mvuwo yavho, na vhone, na ekisodo ya u bva kha vhulwadze u ya kha nungo. Huno avho vho faho tshivhini na phambuwoni, ngavhe vha tshi tshila ḡamusi nga kha Kristo. Huno ri do U renda, ngauri ri zwi humbelia nga Dzina Lawe. Amene.

<sup>5</sup> Zwa vhukuma ndi dzhia iyi i pfanelo i mangadzaho, matsheloni ano u vha fhano Jeffersonville, Indiana, na itshi tshivhidzo tshihulwane, kereke yo ḡala nahone ho imiwa, na u mona hoṭhe na nn̄da, na kha dzipuloto na huīwe na huīwe. Kha vhoinwi vhatthu vha re kha ḡhingo kha lushaka lwoṭhe, ndi matsheloni o nakaho fhano.

<sup>6</sup> Nga awara ya vhuṭanu nga matsheloni aya, khonani ḡhukku yanga i re na khana tswuku yo fhufhela fasiṭereni huno ya nkarusa. Ho vhonala hu tshi nga mbilu ḡhukku yawe i do pađuwa, i tshi ri, “O vuwa.” Tshifhinga tshothe ndo elekanya nga ha itshi tshiṇoni tshiṭuku sa khonani kha nn̄e, ngauri ndi a tshi takalela.

<sup>7</sup> Vhunga lungano lwa maitele nga hatsho lu tshi ri, “Tshiṇoni tshiṭuku tsha muronzhe tsho Mu vhona a tshi khou tambula kha tshifhambano, he tshivhi tsha Mu vhea hone.” A hu na zwiīwe, tshiṇoni tshiṭuku tsho vha tshi si na tshivhi. Ene o vha a sa tei u fela tshiṇoni tshiṭuku. “Fhedzi tsho fhufhela tshifhambanoni huno tsha lingedza u kokodzela zwibigiri nn̄da, nga mulomo watsho muṭuku, huno tsha tswukisa khana yatsho yoṭhe.” Huno iyo ndi ndila ine nda ḡoda yanga i tshi ralo, na yone-vho, sa tshiṭangu, tsha u lingedza u tsireledza itshi Tshithu tsha vhugala tshe A tshi fela.

<sup>8</sup> Ndi tshi limuha uri tshifhinga tshashu tsho pimiwa fhano, nga maānda kha idzo khonani dzine dza khou thetselesa

ngomu nga ulu lutingo, ndi do takalela uri ni dzhieie tshenzhemo yanu matsheloni ano kha tshi—tshifanyiso tshe tshiñwe tshifhinga tsho fhiraho tsha dzhiwa nga khamera, tsha bono le nda vha naþo fhano kha thaberenakele, la u tutshela Indiana, u ya Arizona; he nda vha ndi tshi khou yo tangana, nga tshivhumbeo tsha phiramidi, na Vharuñwa vha sumbe. Ndi sa divhi zwi no do bvelela ngavhuya, musi ndi tshi swika henengei, ndi tshi elekanya uri ho vha hu magumo a vhutshilo hanga, uri a hu na we a kona u kondelela muthuthubo; huno nñe ndi na ngoho ya uri noþe ni a divha nga ha iyo nganea. Huno zwenezwo kha Sabino Canyon, nga mañwe matsheloni a u rali, musi ndi kha thabelo, ho vha na banga lo vhewaho tshanðani tshanga, huno ha pfi, “Ili ndi Ipfi, nahone Banga la Ipfi.”

<sup>9</sup> Ngavhuya, Vharuñwa vha bvelela sa zwe zwa porofitiwa. Huno nga tshifhinga tshenetsho tshithihi, tshikhuvhugu tshihulwane tsha Tshedza tsha tuwa he nda vha ndo ima, huno tsha sudzulutshela nþha maela dza furaru muyani, nahone u mona na mutengelele, vhunga phapha dza Vharuñwa, huno tsha ola ngomu lutomboni tshivhumbeo tsha phiramidi kha tshigwada tshenetsho tshithihi tsha Vharuñwa vhe vha bvelela.

<sup>10</sup> Saints yo dzhia tshifanyiso, ndilani yoþe u bva Mexico, musi tshi tshi sudzuluwa devhula ha Arizona, he Muya Mukhethwa wa amba uri ndi do vha ndo ima, “maela dza fuiþa devhulavhubvaðuvha ha Tucson.” Huno tsha dzhena ngomu muyani, huno magazini wa *Life* wa hwala zwifanyiso, “Tshiñwe tshithu tshi mangadzaho kule kha mufhe, hune ha sa do vha na mutsidi, hune hu sa do vha na u ðimuwa ha tshiñwe tshithu; maela dza furaru u ya nþha, na maela dza fumbilisumbe u buðekanya,” na u ða henefho nþha u bva he avho Vharuñwa vha vha vhe hone.

<sup>11</sup> Zwino, vho vhudzisa, uri vha divhe. Saints, muñwe wavho ngei Tucson, a þoda u divha ndeme yatsho-vho, fhedzi a tho ngo vha vhudza. Vhoiñwi noþe no i divha, no vhudzwa yone phanda. Fhedzi yo vha i si yavho; yo vha i ya vhoiñwi.

<sup>12</sup> Huno ngauralo henefho A amba na nñe, huno a ri, “Mapfundo A Sumbe a do pfuñululwa. Zwiphiri zwa sumbe, tshiphiri tsha kasumbe tsha Bivhili, tshe tsha vha tsho valwa u bva tshee shango la tehwa, tshi do dzumbululwa.” Huno riñe, nangwe ri tshigwada tshitþku tsho tukufhalaho, tshi tshi vhambedzwa na shango loþhe, ro diphina nga idzi phaþutshedzo, ri tshi pfa izwo zwiphiri. Mbingano, thalano, mbeu ya ñowa, idzi mbudziso dzo fhambanaho dzothé, dzo dzumbululwa tshoþhe kha riñe, hu si nga muthu, fhedzi nga Mudzimu, Ene muñe, we a vula izwo zwiphiri zwa sumbe; zwa zwe Tshivhidzo tsha vha tshi zwone, ndila ye Tsha vha tshi kha Kristo ngei u rangani, na ndila ine Tsha do dzumbululwa nga ðuvha la u fhedzisela.

<sup>13</sup> Huno zwino, musi itshi tshi tshi gonya, ri na tshifanyiso nnða kha lubaba. Fhedzi, zwenezwo, ndi na tshifanyiso tshi re

hone hafha, arali ni tshi dzhiela nzhele, sa magazini wa *Life* wo vha u natsho. Fhedzi ndi a mangala uri vhathetshelesi vhanga, vha vhonalaho fhano, vho no vhuya vha sedza itsho tshifanyiso, ni a vhona, ni a vhona, nga ndila ine tsha tea u vha ngayo.

<sup>14</sup> Inwi ni a elelwa, uri ndo vha ndi tshi khou rera musi bono li tshi da, nga ha thoho ya Bugu ya Nzumbululo, he vhahatuli vha kale, he ra vhona Yesu kha Nzumbululo ya 1. Musi ri tshi thoma u pfunulula Mapfundo A Sumbe... kana—kana Zwikhathi Zwa Tshivhidzo, kha ndi ralo, zwenezwo phanda ha u pfunululwa ha Mapfundo A Sumbe. Kristo o vha o ima e na “mavhudzi a no nga wulu, matshena.” Huno ndo ni talutshedza hezwo, zwauri vhahatuli vha England vha kale, na vhahatuli vha kale-kale, musi vho ya banngani, u anelwa ngomu, ndango khulwane yavho yo newa vhone. Vho ambara wigi tshena, sa zwe ya vha i zwone, kha thoho dzavho, u sumbedza ndango khulwane yavho.

<sup>15</sup> Zwo ralo, arali ni tshi do rembulusa tshifanyiso nga ndila *iyi* na sedza, hu na khonadzeo ya uri inwi ni nga tshi vhona u bva kha vhathetshelesi, ndi Kristo. Vhonani maAwe o sedzaho *hafha*, a tshi tou vha o fhelelaho sa zwine a nga vha zwone; o ambara wigi tshena ya Vhumudzimu Vhuhulwane na Muhaṭuli wa maṭadulu na lifhasi. Naa ni kona u vhona maAwe, ningo, mulomo Wawe? [Tshivhidzo tshi ri, “Amene.”—Mudz.] Itonu rembulusa itsho tshifanyiso kha *iyi*, nga ndila ye vha vha vhe natsho; nga ndila *iyi*, ndila ine tsha tea u vha ngayo. Huno inwi... Naa ni kona u tshi vhona? [“Amene.”] Ene ndi Muhaṭuli Muhulwane. A hu na muñwe nga nnda Hawe. Huno iyo ndi thaluso yo fhelelaho hafhu, khwaṭisedzo ya uri uyu Mulaedza ndi Ngoho. Iyi ndi Ngoho. Ndi ngoho. Nahone hu si u Mu ita Muthu wa vhuraru, fhedzi Muthu onoyo fhedzi!

<sup>16</sup> Nga mutshena, ni a vhona, ni vhona ho swifhalaho, tshifhatu Tshawe, ndebvu Dzawe, na maAwe. Huno dzhielani nzhele, U khou sedza... Kha Ene hu bva itshi Tshedza tshi penyaho thungo ya tshanda tsha u la, kha he A sedza hone. Huno kha tshifhambano, afho ndi hone he A sedza, kha tsha u la, he A farela muitazwivhi. Nga Tshedza tsha mvuwo Yawe, ri kha di ya phanda nga Dzina Lawe.

<sup>17</sup> Ndi a tama, matsheloni ano, uri ndo vha ndi tshi tou vha na tshifhinga tshinzhi tsha u—u tshi shumisa kha izwi zwiitea zwine ha sa vhe na u timatima na zwiñku, uri zwo sumbedzwa kha miwaha yo fhiraho ya furaru, kana miwaha ya furaruthanu, henehfa kha itshi tshivhidzo; u bva tsha ngei fhasi kha mulambo, musi Tshedza tshenetsho tshithihi tsho tsela fhasi ngeno Jeffersonville, nga 1933, huno tsha amba ayo maipfi, “Vhunga Yohane Mulovhedzi o ruñwa u ranga phanda u da ha Kristo ha u thoma, Mulaedza wau u do ranga phanda ha vhuvhili.” Ri kha tshifhinga tsha vhufhelo, huno ri a zwi vhona. Ri a mangala nga tshiñwe

tshifhinga uri ndi ngani zwi songo phađalala kha lifhasi; khamusi nga tshiñwe tshifhinga ri ðo vha na tshikhala tsha u ɬatutshedza hezwo, arali Mudzimu a tshi funa.

<sup>18</sup> Zwino ndi ɬoda vhoinwi ni tshi fhenda kha—kha Bivhili dzañu, vhunga tshifhinga tshothe ri tshi tenda uri Ipfi li fanela u ða u thoma, u vhalwa ha Ipfi. Tshifhinga tshothe ndi a li vuala Hélo, ngauri Li... Maipfi anga ndi ipfi la muthu, li ðo kundelwa; fhedzi Ipfi la Mudzimu li nga si kundelwe na kathihi.

<sup>19</sup> Zwino ri khou ya u—u vuala kha Mañwalo Makhethwa, linwalwa. Huno ri ɬoda inwi ni tshi fhenda, u thoma, kha mafhethu mararu Bivhilini, e nda nanga u vuala khao. Linwe lao li kha Nzumbululo, ndima ya 1, na ndimana ya vhu<sup>17</sup> na ya vhu<sup>18</sup>; afha ndi hone He a bvelela “mavhudzi Awe o tshena vhunga wulu; huno milenzhe Yawe i tshi nga musinaseñha.” Huno zwenezwo ndi ɬoda inwi ni tshi wana, Bivhilini dzañu, Vharoma 8:11. Ndo nanga, matsheloni ano, mafhethu mararu ane nda ðo vuala khao, kha Mañwalo Makhethwa, u itela Mulaedza wanga namusi, we Murena a u vhea kha mbilu yanga u itela mvuwo. Huno zwenezwo ndi ɬoda inwi ni tshi ralo, nahone, kha Marko 16:1 na 2. Henefho ndi ðo kokodza ɬatutshedzo yanga—yanga.

<sup>20</sup> Zwino kha Nzumbululo 1:18, ri vuala aya Maipfi, 17 na 18.

*Huno musi ndi tshi mu vhona, nda wela milenzheni yawe sa mufu. Huno a vhea tshanda tshawe tsha u la kha nne, a tshi ri kha nne, Ni songo ofha; ngauri Ndi wa u thoma na wa u fhedza:*

*Ndi nne uyo a no tshila, huno ndo vha ndo fa; huno, vhonani, Ndi a tshila hafhu, Amene; huno ndi na khii dza lufu na vhudzulavhafu.*

<sup>21</sup> Huno kha Vharoma ndima ya vhu<sup>8</sup> na ndimana ya vhu<sup>11</sup>, ri vuala izwi.

*Fhedzi arali Muya wa uyo o vusaho Yesu vhafuni u tshi dzula kha inwi, uyo we a vusa Kristo vhafuni na ene u ðo hanyisa mivhili yanu i faho nga Muya wawe u dzulaho kha inwi.*

<sup>22</sup> Huno zwino kha Marko ndima ya vhu<sup>16</sup>, ndima ya mvuwo, ndima ya vhu<sup>16</sup>, ndimana ya 1 na ya vhu<sup>2</sup>.

*Huno musi sabatha yo no fhira, Maria Magdalena, mme...na Maria mme a Yakobo, na Salome, vho disa mishonga i difhaho, uri vha ðe nahone vha mu dolise yone.*

*Huno nga matshelonitsheloni a ðuvha la u thoma la vhege, vha da tshaloni ðuvha li tshi khou ɬavha.*

<sup>23</sup> Zwino, linwalwa langa matsheloni ano, ndi ɬoda u dzhia u itela linwalwa: *Ndi U ɬavha Ha ðuvha.* Huno u itela ɬohoho, ndi ɬoda u shumisa, “Maanda a hanyisaho.”

<sup>24</sup> Zwino, ni a qivha, vho inwi khamusi no vha ni tshi khou pfa radio na vhashumeli vho fhambanaho vha tshi amba. Huno Murathu Neville washu a qivhaleaho a tshi khou amba nga matsheloni ano thoho yawe ya Mvuwo, nga ha mvuwo. Huno ndo elekanya uri khamusi ndi do i dzhia nga ndila thu-thukhu yo fhambanaho, hu si u vha o fhambanaho, fhedzi u tou inga two engedzeaho zwituku, khamusi nga liñwe sia, u itela vho inwi. Mañwalo, sia liñwe na liñwe line na ya na Mañwalo, A qivhadza Yesu Kristo tshifhinga tshothe. Ni nga si kone u tutshela kule nazwo, nga inwe ndila-vho. A a Mu qivhadza tshifhinga tshothe.

<sup>25</sup> Zwino, vhunga shango qamusi kha tshu-tshumelo ya tshihumbudzo, kana, katukuçuku, kha la United States na thungo iyi ya lifhasi, matsheloni ano, zwivhidzoni nahone tshifhinga tshothe, hu khou takalelwa tshihumbudzo tsha-tsha gundo liñulwanesa le muthu a vhuaya a vha naļo.

<sup>26</sup> Ndi a elekanya, vhunga Mutshidzi musi A tshi fa, kana vhunga lutshetshe musi A tshi bebwaa, O vha a si nga koni u vha fhano nga nda ha u da ngomu ha lifhasi. Huno musi A tshi fa, zwa vhukuma O pfumelela tshivhi tshashu. Fhedzi, naho two ralo, ho no di vha na vhuskie vunzhi havhudi vhuçuku ho no bebiwaho, huno ho no di vha na vhathe vhanzhi vho no tambulaho nahone vha fela budo la vhukuma, fhedzi a hu athu vha na muñwe we a kona u qivusa hafhu u swika duvhani la qamusi.

<sup>27</sup> Zwino, iyo ndi vhege khulwanesa kha qivhazwakale, munyanya muhulwanesa wa zwifhinga twothe, iyi Mvuwo ndi he A sumbedza zve A amba. Muthu a nga amba zwithu, fhedzi a si zwone kokotolo zwine zwi nga tendiwa, nga hohe, u swika two no sumbedzwa uri ndi Ngoho. Huno vhunga Mudzimu, We a ri, "Lingululani zwithu twothe; ni farese izwo zwi re zwivhuya," A nga si ni vhudze u ita tshiñwe tshithu tshine A sa do ita Ene mune. Ngauralo O sumbedza uri uyu o vha e Nnyi we a fela tshivhi tshashu.

<sup>28</sup> Huno, zwino, a si duvha la tshihumbudzo fhedzi, la aya maluvha othe mahulwane a Mvuwo, na minadzi ya Mvuwo, na mivhudja ya pinki, na zwiñwe-vho, zve ra dzhena khazwo, nahone munyanya mukhethwa; zwine zwa vha uri two luga, fhedzi itshi a si tshithu tsha vhukuma nga iyo ndila.

<sup>29</sup> Vhunga vhathe qamusi vha tshi khou lingedza u ri, "Ri tea u tanzwa milenzhe lüthihi nga ñwaha, nga—nga Lavhuña, huno nga Lavhuñanu ri tea u dzhia tshilalelo," na pfunzo dzothe dzo fhambanaho dza... Vha taña khani nga ha uri tshi tea u vha nga ili duvha kana ilo duvha, kana arali hu tshi tea u vha duvha la sabatha kana duvha la u thoma la vhege; kana... Izwi zwithu twothe zwi tou vha maitele fhedzi. Naa tshiñwe tshazwo tshi do ni farisani, arali kana no Hadzima kana ni songo Hadzima, arali hu si na Vhutshilo kha inwi? I tou vha

fhedzi tshihumbudzo. Zwine, a hu na tshithu tshi hanedzanaho nazwo, fhedzi vhone zwa vhukuma vho vuledza maitele avho, fhedzi vha litsha tshithu tshihulwane.

<sup>30</sup> Sathane ha londi uri ni wa vhurereli hani, kana uri no luga hani kha Pfunzo yaṇu. Arali na pfukiwa nga uvho Vhutshilo, ni nga si bvelele, naho two ralo. A hu londwi uri ni wa vhurereli hani, uri ni muvhuya hani, no vha wa zwivhidzo zwingana kana ni ḫo vha khazwo, a zwi vhuedzi na tshithu nn̄dani ha musi no bebwa hafhu.

<sup>31</sup> Ngauralo-ha, arali Mudzimu o vusa Yesu vhafuni, naa O Mu vusela u itela tshihumbudzo? Huno aya ndi matsheloni a mvuwo ḫu—duvha ḥihihi fhedzi kha ḥiwa, kana ḥiwe ḫuvha line ngalo ra takalela iyi? Kana, ri vhatikedzi vha mvuwo Yawe? Naa zwi ambanī kha nne? Naa zwi ambanī kha inwi? Zwino ri a tenda, nga lutendo, zwauri O vuwa vhafuni, fhedzi izwo zwi na mushumo—de na nne? Izwo ndi zwa miñwaha ya zwigidi zwivhili yo fhiraho.

Zwino u wana ili ḥiwalwa!

<sup>32</sup> Vhunga ndo vha ndo neta, tshanda tshanga tshi tshi khou mmbaisa, nga n̄thani ha dzhekiseni dze muongi a nnea dzone. U itela, ḥivi ya seli ha lwanzhe zwino, vhunga ni tshi zwi ḫivha, nga mađuvha a si gathi, huno ndi fanela u vha na idzi dzhekiseni, nne na murwa. Huno nga kholera, biso la tshirulwane, na tshiñwe na tshiñwe, ndo vha ndo neta nga maanda, zwi tshi khou nndwadza. Zwine, Kesare u ḥoda ni tshi vha na idzi dzhekiseni ni sa athu ya kha luñwe lushaka. Huno O ri, “Kesara mu neeni zwi re zwa Kesara, fhedzi zwenezwo neani Mudzimu zwine zwa vha zwa Mudzimu.”

<sup>33</sup> Huno musi ndo vha ndo dzula heneffo, ndi tshi khou mangala uri ndi ḫo ambani na avha vhathetshelesi vho lindelaho matsheloni ano; vhane nda vha livhuwa nga maanda, nahone vhanna na vhasadzi vha no ḫo vhea vhutshilo havho kha mutualadzi wa zwine na ḫo amba. “Naa ndi tea u zwi ita hani? Naa ndi tea u dzhiani u itela ḥiwalwa?”

<sup>34</sup> Huno zwenezwo musi ndo vha ndo dzula heneffo, kaṭukuṭuku ndo eđela, vothi ḥanga ḥa khoṭha-khoṭha, nnda nga thungo ya phanḍa ya nn̄du. Hu si na muthu heneffo nga nn̄da ha nne muñe, u ya nga hune nda ḫivha. Nda thetshelesa. A tho ngo tou zwi wana nga ndila yone. Nga murahu ha tshifhinganyana, vothi ḥa lufhera lwa phuraivete, hune nda rembulutshela ngomu ha vhugudelo hanga, ḥa khoṭha-khoṭha, huno muñwe muthu a dzulela u dzinginyisa vothi. Huno nda—nda ya vothini huno nda vula vothi, huno, nda mangala, musidzana wa—wa lunako, muṭuku, wa mavhudzi a tshirulwane, wa maṭo madala o ima heneffo, a tshi nga dzuvha liṭku ḥa Mvuwo; o ḫuzalaho hafha o ntsedzaho zwino.

<sup>35</sup> A nn̄nekeda garaṭa. Huno yo vha i...A hu na zwiñwe, ndi humbulela uri musi ndi tshi swika hayani hu ḫo vha na garaṭa

dza Mvuwo, na zwiñwe-vho; nga nn̄da ha nthihi fhedzi, ya musi ndi tshi ተwa hayani, ye nda vha ndo no i wana. Huno a ri, “Mukomana Branham, iyi i bva kha baba na nne.” O vha a tshi ተoda u vha na ngoho ya uri “nne” ndo vha ndi khayo. Huno khotsi awe vha athiraithisi, vho dzula kha wilitshea, vho rumela iyi garaṭa. Musi ndo i dzhia huno nda livhuwa mufunwa muṭuku, musi a tshi rembuluwa huno a ተwa vothini, nda vula iyo garaṭa.

<sup>36</sup> Huno nga tshivhumbeo tsha iyi garaṭa nda kokodza liñwalwa ስanga. Ngauri, kha garaṭa ho vha hu na Marko Mukhethwa 16:1 na 2, የuvha እና ተavha, የuvha እና vha ሲ tshi khou ተavha. Zwenezwo nda humbula nga ha hezwo, nahone zwenezwo ተhoho ya “u hanyisa,” ha Yesu Kristo u vuswa vhafuni, nda kokodza ተhoho yanga.

<sup>37</sup> Zwino, የuvha, kha u ተavha ha የuvha. Zwo ralo, ho vha hu na tshifhinga tshe shango ስያ vha ሲ ክha swiswi tshothe. የ uvha ሲ si na tshivhumbeo, nahone ሲ si na tshithu. Huno እና vha እና tibiwa nga mađi ሽothe, huno ሲ henefho kha dzingamufhe wo swifhalaho, wo nzwinzwimalaho, wa swiswi. Huno Muya wa Mudzimu wo vha wo alama n̄tha ha mađi, huno wa ri, “Kha hu vhe na tshedza.” Mudzimu o vha e na tshi itisaho u ita hezwo, ngauri fhasi nga dasi ha ayo mađi ho vha hu na mbeu dze A vha o dici zwala, huno dzo ዕ tea u vha na itsho tshedza tsha የuvha uri dici tshire.

<sup>38</sup> Huno Tshedza tsha u thoma tshe tsha vhuya tsha ገnewa liphasini tsho vha tshi Ipfi እና ambiwaho ስya Mudzimu. Tshedza tsha u thoma tshe tsha vhuya tsha kwama liphasi tsho vha tshi Ipfi እና ambiwaho ስya Mudzimu. O ri, “Kha hu vhe na tshedza,” huno ha vha na tshedza. Itsho tsha shandukisela swiswi kha tshedza, u itela u dici tsiko ya dakalo na vhutshilo kha liphasi. Zwenezwo, Muya wa Mudzimu, musi U tshi sudzuluwa nga lufuno na u pfela vhutungu, nga እነ የuvha lihulwane, የuvha ስያ u thoma ስያ mapfuvhi a tsiko kha liphasi; የuvha እና ተavha huno ስያ swielā u buđekanya, masana alob, huno a omisa mađi a bvaho kha liphasi, huno wa ita dzingamufhe n̄tha. Huno, ለwa tshifhinga tshalo tsha u thoma, እና vha ሲ ስያ dici dakalo na vhutshilo kha liphasi, nga mbeu. Iyo yo vha i awara khulwane.

<sup>39</sup> Fhedzi, oo, ho vha hu si tshithu, uho u ተavha ha የuvha, vhunga u ተavha ha የuvha nga ayo matsheloni a Mvuwo. Nga tshino tshifhinga, የuvha ሲ tshi khou fhufhela ngomu lutomboni, እና dici u ተavha huhulwane ha የuvha u fhira misi yothe; ngauri ho da mafhundo mahulwane nga uhu u ተavha ha የuvha, u fhira he ha ita kha u ተavha ha የuvha ngei u rangani. Uhu u ተavha ha የuvha ho dici mafhundo, a uri, “O vuwa! O hanyiswa a tshi bva vhafuni, vhunga O fulufhedzisa. O vuswa vhafuni.”

<sup>40</sup> Lwa u thoma የuvha ሲ tshi ተavha, kha Genesi, እና vha ሲ tshi khou dici mulaedza wa uri hu ዕ vha na vhutshilo kha liphasi, vhutshilo vhu faho.

<sup>41</sup> Fhedzi nga tshino tshifhinga, musi duvha li tshi ṭavha, ho vha hu na u ṭavha ka—kavhili; huñwe, Murwa, u ṭavha. Ho vha hu...hu si ḍ-u-v-h-a li tshi ṭavha fhedzi, ho vha hu M-u-r-w-a we a vuswa u disa Vhutshilo Vhu Sa Fheli kha Mbeu yothe ya Mudzimu yo fulufhedziswaho ye nga u ḋivhela phanda A i vhona i kha lifhasi.

<sup>42</sup> Di—ḍivhazwimela ya vhutshilo yo tshilaho ngei murahu ngei u rangani i si tsha vha na ḍ-u-v-h-a la u i disa kha vhutshilo; hu si u fhira, namusi, musi vharwa vha Mudzimu vha kha lifhasi, zwi dzhia Tshedza tsha M-u-r-w-a u vha disa kha Vhutshilo Vhu Sa Fheli, vhanangiwa Vhawe vhe A vha ḋivha shango li sa athu tehwa. O vha khetha kha Ene muñe shango li sa athu tehwa.

<sup>43</sup> Huno nga matsheloni a Mvuwo, zwenezwo, kha iyi tshika huñwe fhethu ho vha hu na mivhili yashu nga itsho tshifhinga, ngauri riñe ri buse la lifhasi. Huno ngei Tađulu, ho vha hu na Bugu ya nyelwelwo, huno zwiṭaluli Zwawe zwe vha zwi Khae, a tshi zwi ḋivha uri ngauri uyu Murwa wa Mudzimu o vuwa, U do vusela Vhutshiloni murwa muñwe na muñwe we a odeinelwa phanda kha tshino tshifhinga tshihulwane. O zwi ḋivha uri zwi ḍo ralo. Huno uho ho vha u ṭavha ha ḫuvha ha vhugala-de ho engedzeaho u fhira he ha vha hu zwone ngei u rangani, nga tshifhinga tsha musi hu tshi bvelela lwa u thoma.

Zwino, kha uhu u vund̄iwa huhulwane ha Luswayo lwa Mvuwo!

<sup>44</sup> Zwino, namusi ri na lufhiha, luswayo lwa Mvuwo. Vhathu vha rumela mulaedza, nga tshavho, nahone u tikedza itsi tshikwama tshihulwane kana vhudidini, u itela uri madokotela na saintszi ya mishonga vha shume kha tshiñwe tshithu, u lengisa kana u thusa lufhiha. Vhone vha luswayo, lune ra lu vhidza luswayo lwa Mvuwo, musi ri tshi rumelana mulaedza. Fhedzi musi ri tshi ṭanganedza mulaedza, ulwo luswayo lu a vundea, ngauri luswayo ndi tshine tsha vha na mulaedza wo voxwaho nga ngomu.

<sup>45</sup> Huno zwino, Luswayo lwa Mvuwo lwa ngoho, kha uhu u ṭavha ha ḫuvha, lwo vundea; huno tshiphiri, tsha Vhutshilo ha nga murahu ha lufu, tsho dzumbululwa. Phanda ha itsho tshifhinga, ro vha ri sa zwi ḋivi. Shango lo phuphudzika swiswini, la phuphudzika u mona hothe, u humbulela ha muthu. Theori dzo vha dzi vhukati ha mbilu ya muthu, maitele o itwa. Vhathu vho luvha zwifanyisamudzimu. Vho luvha ḫuvha. Vho luvha tshaka dzothe dza midzimu. Huno tshaka dzothe dza vhathu vhe vha ita dzimbilo, vhothe vho dzhena tshaloni, huno vha dzula tshaloni.

<sup>46</sup> Fhedzi Luswayo lwa vhukuma lwo vundea, huno Uyo We a vhuya a tshila vhunga riñe ri tshi tshila, o fa vhunga riñe ri tshi ḍo fa, o vuswa vhafuni. Ndi matsheloni-de nandi! Na

kathihi a ho ngo vha na a fanaho nao, kha ḋivhazwakale ya shango. Tshiphiri tsho ḋivhadziwa tsha uri Ene o vha e mvuwo na Vhutshilo vhuvhili hazwo.

<sup>47</sup> Huno O amba, musi A tshi da nga ayo matsheloni, “Ngauri Ndi a tshila, inwi ni ḍo tshila-vho.” O vha a sa tou vha fhedzi mulaifa wa mvuwo, fhedzi Mbeu iyo yothe ye ya vha yo ditika nga pfulufhedziso khulwane ya Mudzimu yo vha i ya mutikedzi wa iyo mvuwo i isaho kha Vhutshilo. Ngauri, O ri, “Ngauri Ndi a tshila, inwi ni ḍo tshila-vho.” Uho ho vha hu u vundiwa ha Luswayo. Ngauri O ḋiswa n̄ha, ngauralo muñwe na muñwe a re kha Kristo u ḍo ḋiswa n̄ha Nae.

<sup>48</sup> Kha uhu u Ḷavha ha Ḷuvha ha vhugala, Mudzimu o sumbedza, kana o khwañhiseda, Ipfī Ḷawe. Maswiswi oþhe na u timatima he ha vha hone ḥhalukanyoni dza vhatzu two tusiwa, ngauri hafha ho vha hu na Uyo We a vhuya a tshila, a la, a nwa, nahone a vha na vhutama na vhatzu, we a ri, “Ndi na maanda a u vhea vhutshilo Ḥanga phasi; Ndi na maanda a u vhu vusa hafhu.” Huno zwino Ho ngo ita tshitatamennde fhedzi, fhedzi O zwi sumbedza uri ndi Ngoho. Oo, itsho ndi tshithu tsha vhugala-de nandi!

<sup>49</sup> N̄ne ndi na ngoho ya uri matsheloni ano na riñe, vha no zwi tenda, a ri koni u pfesesa uri itsho tsho vha tshi tshithu tshihulwane-de. Ngauri O vuwa vhafuni, na riñe ro no di vuwa vhafuni, ngauri ro vha ri Khae.

<sup>50</sup> Dzhielani nzhele zwino. Vhunga swiswi lo tiba lifhasi, huno mbeu dzo kundelwa u tshila nga nn̄da ha u Ḷavha ha ḋ-u-v-h-a, huno swiswi lo tiba lifhasi. Huno zwino M-u-r-w-a o Ḷavha, huno swiswi loþhe lo ngalangaliswa nga itshi Tshedza, musi Tshi tshi phadalala kha dzitshaka, kha vhatzu, uri, “Ene haho fhano, fhedzi O vuwa!” Ndi tshone-tshone tshitatamennde-de nandi! O sumbedza Ipfī Ḷawe. O no sumbedza uri Lo ralo, u vha la ngoho, ngauri zwino O no kunda lufu, vhudzulavhafu, na tshalo.

<sup>51</sup> Vhuraruthihi ha diabolo; lufu, vhudzulavhafu, na tshalo; ngauri Sathane ndi musimuli wa lufu, ndi ene mune wa vhudzulavhafu, na tshone tshalo. Huno uvho ho vha vhu vhuraruthihi ha Sathane, hu vhangwaho nga tshithu tshithihi, itsho tsho vha tshi lufu. Lufu, iwe u ya tshaloni; huno ni muitazwivhi, ni ya vhudzulavhafu. Tshoþhe tshenetsho tshithu tshithihi, vhuraruthihi ha Sathane, he ha vha vhu lufu. Ulwo lwo fara muthu vhuthubwani iyi miñwaha yoþhe.

<sup>52</sup> Fhedzi zwino vhuraruthihi ha ngoho ha Mudzimu, vhu re Uho ho vhonadzwaho kha Kristo, We a vha e Vhutshilo, huno a vunda Tswayo nahone a kunda swina, huno a vuwa, uyo Mudzimu muthihi wa ngoho a tshilaho. “Ndi n̄ne We a vha o fa, huno N̄ne ndi a tshila u swika lini na lini, huno ndi na khii dza lufu na vhudzulavhafu.” Mudzimu, kha Muthihi, o ita Muthu,

huno a dzula vhukati hashu, huno a kunda swina līnwe na līnwe. Huno o no sumbedza uri vhuraruthihi ha Sathane ho kundiwa, na uri vhuraruthihi ha Mudzimu ho dīvhadziwa, ngauri ndi Mudzimu fhedzi o vhaho na maanda a u vhuisa Vhutshilo murahu hafhu. O vha e uyo Imanuele. Mudzimu o vhonadzwa namani.

<sup>53</sup> A zwi mangadzi O kona u amba heneffo, Mateo ndima ya vhu27, “Maanda othe ngei Tađulu na kha liphasi o nekedzelwa tshandani Tshanga. Ndi a ni ruma uri ni vhe thanzi Dzanga, kha shango lōthe.” O kunda zwe the lufu, vhudzulavhafu, na tshalo. A si izwo fhedzi zve A ita; huno a bva, gundo, e na maanda othe Matadulu na kha liphasi. Zwe the zwa vha zwi Khotsi, zwe the zwa vha zwi Muya Mukhethwa, na zwe the zwa vha vhuya zwa vha hone, zwe vha zwi Khae. “Maanda othe ngei Tađulu na kha liphasi o nekedzwa N̄ne.” Tshiñwe na tshiñwe-who a tshi na maanda. O tshi kunda.

<sup>54</sup> Zwino! Huno zwenezwo, a si izwo fhedzi, O ruma Ipfi kha vhafunziwa Vhawe, Vhawe vha tendaho. “Ni songo ofha, ngauri Ndi N̄ne we a vha o fa, huno a tshilaho hafhu u swika lini na lini. Huno Ndi na khii dza lufu na vhudzulavhafu; Ndo no di zwi kunda. Ni songo tsha ofha, ngauri Mbeu ya Mudzimu iñwe na iñwe yo odeinelwaho phanda, yo tiwaho i do da kha Vhutshilo musi itsho Tshedza tshi tshi phadalala kha liphasi, tsha Mafhungo-madifha a vhugala. Kha tshikhathi tshiñwe na tshiñwe, I do bveledza tshiliñwa tshe Mudzimu a I odeinela u tshi ita.” O vuwa vhafuni.

<sup>55</sup> Oo, itsho ndi tshithu tshi mangadzaho-de tshi re tshone, “N̄ne ndi a tshila, kana ndo hanyiswa.” Ipfi li amba, ipfi hanyiswa, ipfi la Tshigerika li amba uri itsbo ndi tshiñwe tshithu tshi no “itwa tshi tshilaho nga murahu ha lufu.”

<sup>56</sup> Vhunga mbe—mbeu i no dzhena ngomu ha liphasi, i tea u fa, tshipida tshiñwe na tshiñwe tsha mbeu. I tea u sina, tshipida tshiñwe na tshiñwe tsha mbeu. Huno tshipida tshiñwe na tshiñwe tsha vhutshilo, he ha vha vhu kha mbeu, vhu tea u bvelela hafhu.

<sup>57</sup> O “hanyiswa.” A si izwo fhedzi. “Huno u do rumela Vhutshilo honoho vhuthihi he ha hanyisa N̄ne, Maanda e A nn̄disa ndi tshi bva tshaloni, Ndi do A rumela kha inwi, u ni hanyisa, uri hune Nda vha hone n̄ne heneffo na inwi ni vhe hone.”

<sup>58</sup> Kha Luka, ndima ya vhu24, ndimana ya vhu49. O ri, “Vhonani, Ndi rumela pfulufhedziso ya Khotsi kha inwi; fhedzi inwi tshesani, kana lindelani, muđini wa Yerusalem, u swika ni tshi ambadzwa Maanda a bvaho N̄tha.” U sumbedza uri Ho ngo kokodza fhedzi mbuelo dzothe khazwo, fhedzi O kovha idzo mbuelo.

<sup>59</sup> U da u rengulula, kana u disa kha Vhutshilo, idzo Mbeu dzo tiwaho dze Mudzimu a dzi vhona shango li sa athu tehwa huno a vhea madzina avho kha Bugu ya Vhutshilo. Huno vha hafha kha liphasi, vha si na fhulufhelo; O da hu si u vha fhedzi

Phaṭhutshedzo, fhedzi u kovha Phaṭhutshedzo na Mbeu yo tiwaho iñwe na iñwe. Zwino, arali Mbeu yo vha i siho kha liphasi, yo vha i si nga tshili. Yo do tea u vha kha liphasi, nahone ya medzwa. A hu londwi uri Yo vhulungwa swiswini tshifhinga tshilapfu hani, I do bvelela musi M-u-r-w-a a tshi penya Khayo. Dzhielani nzhele zwino, U da u I kovha na riñe.

<sup>60</sup> A zwi mangadzi Mafhungo-mađifha e mafhungo mavhuya. Ipfi leneļo *Mafhungo-mađifha* li amba “mafhungo mavhuya.” Mafhungo mavhuya, mini? Arali munna o fa u itela riñe, ayo ndi mafhungo mavhuya. Arali Kristo o bebwā, ayo ndi mafhungo mavhuya. Fhedzi na kathihi ho vha hu si mafhungo, na kathihi a ho ngo vha na mafhungo a fanaho na aya mafhungo, a uri, Uyo We a ita pfulufhedziso o khwaṭhisēdza pfulufhedziso, ya uri, “U a tshila u swika lini na lini, huno u na khii dza zweño lufu na vhudzulavhafu, tshandani Tshawe.” Swiswi lothe lo dzinginyiselwa kule. Ho vha hu si tshe na swiswi līne li nga vhonevi, ngauri Murwa o vha o no vuwa tshalonī. Ho vha hu si na, “Zwo luga, U do da, kana A nga di da.” O no di da, Mafhungo-mađifha, mafhungo mavhuya!

<sup>61</sup> Dzhielani nzhele, Mulaedza wonoyo wa Mafhungo-mađifha, Wone une, ndi wa u sumbedza vhathu uri O vuwa. “Iyani ni vhudze vhafunziwa Vhangā uri nne Ndo vuwa vhafuni, huno Ndi do ṭangana navho, u khwaṭhisēdza izwi khavho.” Oo Mudzimu, nga ndila ine kha ili quvha la u fhedzisela ha do vha na Tshedza hafhu kha liphasi! “Huno Ndi do sumbedza vhafunziwa Vhangā! Iyani u vha vhudza uri A tho ngo fa, nahone Nne a thi maitele, fhedzi Nne ndi Kristo a tshilaho. Ndi do ṭangana navho. Isani uyu Mulaedza kha vhafunziwa Vhangā, wa uri Nne ndo vuwa vhafuni,” Mafhungo-mađifha, mafhungo mavhuya.

Inwi ni ri, “Naa izwo ndi zwone?”

<sup>62</sup> Vhaheberu 13:8 yo ri, “Ha shanduki mulovha, namusi, na lini na lini.” Riñe, maļaifa Awe, ri tea u sumbedza urī Vhutshilo Hawe vhu kha riñe zwino, maļaifa a vhuno Vhutshilo. Vhutshilo, na kathihi a ho ngo vha na vhutshilo ho tshilwaho vhunga hone; O vha e Murwa wa Mudzimu. Huno O fa, huno izwo zweño vala; fhedzi musi A tshi vuwa hafhu vhafuni, nga matsheloni a Mvuwo, zwenezwo riñe, sa vhalanda Vhawē, ri qewa ndaela nga Ene u ya shangoni loqhe huno ra disa aya mafhungo mavhuya kha muthu muñwe na muñwe, a uri U a tshila. Huno ri nga zwi ita hani nga Ipfi fhedzi? Ngauri zweño waliwa, “Mafhungo-mađifha ho ngo da nga Ipfi fhedzi, fhedzi nga kha maanda na u vhonadzwa ha Muya Mukhethwa, u sumbedza uri U a tshila.”

<sup>63</sup> Zwino, arali hu na mañwe mafhungo-mađifha, vhunga Paulo o amba na tshiñwe tsha zwigwada, “Nne ndo mangala nga maanda zwauri no rembulutshela kha mañwe mafhungo-mađifha.” Zwine a hu na mañwe, fhedzi

mafhungo-madifha a u diitisa, kha nganea ya khumbulelo ya dinomineisheni, ni tshi rembulutshela kule ha ayo mafhungo mavhuya.

<sup>64</sup> “Huno ngauri Ndi a tshila, na inwi ni a tshila. Huno Ndi tshila kha inwi, huno mishumo ine Nda ita,” Yohane 14:12, “mishumo ine Nda ita i do talusa Nne muqe kha inwi.” Ndi Mulaedza-de nandi! A zwi mangadzi, ro vha na shango la swiswi la theolodzhi, fhedzi nga tshifhinga tsha nga madekwana hu do da Tshedza hafhu. Hu do vha na mvuwo nga tshifhinga tsha nga madekwana. Hu do vha Tshedza nga tshifhinga tsha nga madekwana.

<sup>65</sup> Zwino, ndeme yeneyo ya Mulaedza we wa rumelwa, wa uri, “O vuwa vhafuni,” riñe malaifa Awe, riñe vhane ra kovhekana mvuwo Nae, ri wana dzimbuelo kha izwi, nga u sumbedza shango zwauri U a tshila. Ri nga si kone u zwi ita nga ipfi fhedzi. Ri nga si kone u zwi ita nga mañwe maitele a muthu. Ri vhonisa fhedzi kokotolo tshine ra sumba tshone.

<sup>66</sup> Nne ndi a ofha ñamusi zwauri vhanzhisa vhashu a ri khou isa vhathu kha Kristo. Ri khou vha isa kha tshivhidzo, kha theori. Fhedzi ri fanela u vha isa kha Kristo. Ndi Ene fhedzi, nahone Ene fhedzi a re na Vhutshilo. “A re na Murwa u na Vhutshilo.”

<sup>67</sup> Huno arali vhutshilo ha munna o faho vhu tshi nga pangwa kha inwi, ni do tshila vhutshilo honoho vhuthihi he a tshila.

<sup>68</sup> Arali malofha a munna o vha e a luniwe lushaka, huno inwi no dzhia malofha kha muñwe munna huno na tshintshela malofha a muñwe munna ngomu ha muñwe, u do vha zwa vhukumakuma wa ulwo lushaka lwa malofha.

<sup>69</sup> Huno arali maya wañu u re kha inwi u tshi dzhiiwa wo fa, huno inwi no doliswa nga Vhutshilo he ha vha vhu kha Kristo, vhu kha inwi! Vharoma 8:11 yo ri, “Arali Muya wo vusaho Kristo vhafuni, u tshi dzula kha inwi, U do hanyisa na muvhili u faho wañu,” Vhutshilo honoho vhuthihi, eneo maanda mathihi, eneo malaifa mathihi, e A vha e nao fhano kha lifhasi, a bvaho kha Mudzimu. O ni rengulula, Mbeu ye ya divhelwa phanda nga Mudzimu, vhe madzina avho a ñwalwa kha Bugu ya Ngwana ya Vhutshilo shango li sa athu tehwa.

<sup>70</sup> Huno itsho Tshedza tsha Mafhungo-madifha a mvuwo, u khwathiswa ha Ipf! Naa ro zwi ñivha hani uri O vha e Kristo? Ngauri O sumbedza zwe A amba nga hazwo. Naa ndi do ñivha hani Mulaedza wa awara? Mudzimu u a sumbedza zwe A fulufhedzisa, nahone U amba nga hazwo. Iyo ndi thaluso, ya uri riñe ri malaifa Nae kha mvuwo. U sumbedza zwe A amba nga hazwo.

<sup>71</sup> Zwe A fulufhedzisa u ita kha Kristo, O sumbedza kha mvuwo. Zwe A fulufhedzisa u ita maðuvhani a Mushe, O zwi sumbedza. Zwe A fulufhedzisa maðuvhani a Enokho, O zwi sumbedza. Kha maðuvha othe a vhaapostola, O zwi sumbedza.

<sup>72</sup> Zwino nga lino ḋuvha, U sumbedza zwe A amba, ngauri vhone vha tshipida tsha iyo Mbeu ye ya vha yo imelwa kha Bugu ya Vhutshilo ye A da u i rengululela murahu kha Mudzimu hafhu. Oo, ndi Mulaedza-de nandi!

<sup>73</sup> Nga matsheloni a Mvuwo, Ho ngo vuwa fhedzi, malaifa Awe o vuwa Nae. Ene... O vha e kha Kristo kha u vhambiwa Hawe. O vha e Khae kha mvuwo Yawe. Riñe ri malaifa Awe, ro hanyiswa nga murahu ha u vha vho faho swiswini.

<sup>74</sup> Shango lo swifhalaho la u sa tenda, hune zwivhidzo na dzidinomineisheni, na zwinwe-vho, zwa ri kokodzela nda. Huno hu na tshiñwe tshithu ngomu hashu tshi no khou vhidzelela, "Oo, ri ṭoda Mudzimu! Ri na ndala na ḋora la Mudzimu." Ro vha mirado ya Methodisi, Baphuthisi, Vhapentekostała, Vhpuresbiterieni, na vhañwe-vho, huno ho vha hu tshi kha di vha na tshiñwe tshithu tsho khakheaho, ri tou vha ro kundelwa u Tshi wana. Huno nga khathihi fhedzi, musi ro vha ri tshi kha di pupudzika swiswini, mvuwo khulwane ya da kha riñe nga u vhonadzwa ha Ipfi la Mudzimu lo fulufhedziswaho.

<sup>75</sup> Vhunga, O vha e u vhonadzwa ha Ipfi la Mudzimu lo fulufhedziswaho. "A thi nga litshi myua Wawe ngei vhudzulavhafu, nahone Ndi nga si tende Uyo mukhethwa Wanga a tshi vhone u sina." O Li vhonadza, Ipfi la Mudzimu liñwe na liñwe le la fulufhedziswaho Khae. O zwi sumbedza musi A tshi vuwa nga matsheloni a Mvuwo.

<sup>76</sup> Zwino, avho vhe vha vhuya vha pupudzika swiswini na u tendeleka u mona hothe, arali vha tshi tea u ḫanzwa milenzhe nga ili ḋuvha, kana arali vha tshi tea u vhulunga liñwe ḋuvha, kana u ita inwe sethe ya milayo, izwo zwithu zweño zwo fhira. Ngauri, ho vha na mvuwo ya vhugala ye ya nyadza tshithu tshiñwe na tshiñwe tshe muthu a vhuya a ita, u ñaña huiwe na huñwe ho itwaho nga muthu.

<sup>77</sup> Na kathihi a hu athu, u swika nga itsho tshifhinga, muthu we a kona u vhea vhutshilo hawe fhasi huno a vhu doba hafhu. O nyadza iyo tsumbedzo ya saintsi ye vha vha vhe nayo, nga u vuwa hafhu.

<sup>78</sup> Musi vha tshi amba, zwauri, "Yesu Kristo a si a sa shanduki mulovha, namusi, na lini na lini," uri, "Maanda Awe a si a sa shanduki," uri, "Mafhungo-madifha Awe a si a sa shanduki," ngeno Bivhili i tshi ri Ha shanduki! Mudzimu o nyadza dinomineisheni inwe na inwe, ndaela inwe na inwe, huno O sudzuluwa e na Muya Mukhethwa Wawe, vhunga O fulufhedzisa, nahone a zwi sumbedza riñe, zwauri U a tshila.

<sup>79</sup> Riñe ri vhatikedzi vha mvuwo Yawe, ro hanyiswa nga murahu ha u fa shangoni, tshivhini na kha dziphambuwo. "O ri hanyisa rothe Nae, ra vuwa Nae, zwino ro dzula kha mafhethu a ṭadulu kha Kristo Yesu." Hawe hu disa...

<sup>80</sup> Muya Wawe u disa Vhutshilo Hawe honoho vhuthihi hafhu kha lifhasi. “Arali Muya wa Mudzimu, we wa vusa Kristo,” muvhili, muvhili wo doliswaho; arali Muya wa Mudzimu wo dolisa uyo muvhili nga ndila ine, musi iyo Mbeu i tshi wela ngomu ha lifhasi, O tou sa Mu tendela uri a awele heneffho. Hai. O Mu hanyisa nahone a Mu vusa. “Uyo Muya wonoyo muthihi,” nga mishumo yeneyo mithihi, nga Maanda eneo mathihi, nga zwiga zwenezwo zwithihi, “u kha inwi, U do vusa na inwi-vho.”

<sup>81</sup> Ndi do takalela u ni vhalela Luñwalo luñtuku hafha. Ndi do takalela inwi ni tshi fhenda luñwe Luñwalo lune nda vha nalwo lwo ñwalwaho hafha fhasi. Lu nga di ni thusa zwiñtuku. Lu wanala Buguni ya Levitiko, ndima ya vhu23, ndimana ya vhu9 u swika kha ya vhu11. Thetshelesani nga vhuronwane. Kha mulayo, mulayo wa Levitiko, Mudzimu a tshi khou amba na Mushe. Thetshelesani. Zwithu izwi zwothe ndi zwifanyiso zwino, huno ri do ima hafha lwa zwikhathinyana zwi si gathi uri ri dzhene kha itshi tshifanyiso.

*Huno MURENA a amba na Mushe, a ri,*

*Ambo na vhana vha Israele, huno u ri khavho, Musi  
inwi... dzhena ngomu ha shango line Nda ni nea,...*

<sup>82</sup> “Kha fhethu, vhuimo, he Nda ni nea. Zwino iwe amba na vhana vha Israele, zwaauri musi ni tshi swika afha huniwe fhethu he Nda ni fulufhedzisa uri Ndi do ni dzhia, musi ni tshi swika heneffho kha lino shango.” Zwino a tshi amba nga lwa mvelo hafha, a tshi fanyisa zwa muya.

*...huno ni tshi do kana khano yalo (no tanganedza  
zwe Nda ni vhudza zwone), zwenezwo ni do disa  
khulané ya zwiranzhe zwa khanó yanu kha tshifhe:*

*Huno u do dzungudza khulané phanda ha MURENA,  
uri i tanganedzelwe vhoiñwi: nga matshelo nga  
murahu ha sabatha tshifhe u do i dzungudza.*

<sup>83</sup> Arali hu tshi do vha na inwe nyitelatherelo khethwa-vho, i tea u da nga ñuvha la sabatha, le la vha li ñuvha la vhusumbe la vhege, line la vha Mugivhela. Fhedzi no no zwi dzhiela nzhele, kha itshi tshihumbudzo, u i dzungudza nga ñuvha la u thoma la vhege?

<sup>84</sup> “Khulané, ye ya vha i yone ya u thoma ya mbeu yanu ye na zwala, musi i tshi aluwa huno ya vhibva, inwi ni tumula iyi khulané huno na i isa kha tshifhe. Huno na mu tendela u i dzhia huno a i dzungudza phanda ha Murena, u itela u tanganedzwa hanu, uri no tanganedzwa. Inwi no da na khulané yanu, huno u tea u i dzungudza phanda ha Murena, nga...”

<sup>85</sup> Hu si nga sabatha, ñuvha la vhusumbe; fhedzi nga ñuvha la u thoma, line ra li vhidza Swondaha, S-u-n-d-a-y [Nga Tshivenda, “S-w-o-n-d-a-h-a.”—Muñal.]

<sup>86</sup> A hu na zwinwe, ilo ndi i-ipfi la Tshiroma, le vha li vhidza ñuvha la ñuvha la mudzimu wa ñuvha. Fhedzi nga ndila ye la shanduka!

<sup>87</sup> A li tsha vha s-u-n [Nga Tshivenda, “d-u-v-h-a.”—Mutal.]. Ndi S-o-n d-a-y [Nga Tshivenda, “d-u-v-h-a l-a Mutwa.”], duvha la Murwa, line iyo thoro ya Goroi (Iyo ya u thoma ya Mudzimu yo vuwaho vhafuni) i do tea u dzungudziwa nga nthā ha tshivhidzo, uri ri Mbeu Yawe; huno iyo ndi yone Mbeu ya u thoma ya avho vho edelaho, yo dzungudzwaho nga duvha la u thoma la vhege. Nga Swondaha, A vuwa. A taṭaisa uri salani, huno a gonya Nthā, vhatu vha hone.

<sup>88</sup> Dzhielani nzhele, Yo vha i thoro ya u thoma ya Goroi ya Mudzimu yo vuswaho vhafuni, thoro ya u thoma ya Mudzimu ya Goroi. Nga Maanda a hanyisaho a Mudzimu, Mudzimu o hanyisa vhutshilo Hawe, a Mu vusa vhafuni, huno O vha e Zwiranzhe zwa avho vho edelaho, Tshiranzhe. O vha e iyo Khułane.

<sup>89</sup> Izwo ndi ngazwo vho do tea u dzungudza iyo khulané, ngauri yo vha i yone ya u thoma ye ya vhibva. Huno yo dzungudzwa sa tshihumbudzo tsha ndivhuwo kha Mudzimu, hu tshi tendwa zwauri vhańwe vhothe vha do da. Tsho vha tshi tshiga.

<sup>90</sup> Huno, ḥamusi, ngauri O vha e Murwa wa Mudzimu wa u thoma u vhibva nga vhudalo, u vha kha Mudzimu, O fulwa kha lifhasi huno a dzungudzwa nga nthā ha vhatu. Oo, ndi ngudo ya vhugala hani! Nga Maanda a hanyisaho, Uyo wa u thoma! Naho, O no—O no di fanyiswa; nahone zwifhinga zwinzhi, vhunga ri tshi do zwi vhona ngavhuya, uri O fanyiswa. Fhedzi itshi zwa vhukuma tsho vha tshi Tshiranzhe tsha avho vho edelaho. O dzungudzwa nga nthā ha Mbeu yo fulufhedziswaho ye ya vha i na pfulufhedziso ya Vhutshilo.

<sup>91</sup> O dzungudzwa nga Duvha la Pentekoste, “musi hu tshi da mubvumo u bvaho Tađulu u no nga muya u dzungudzaho, wa maanda u vhudzulaho,” huno wa dzungudzwa nga nthā ha vhatu, vhatu vha pentekoste vhe vha vha vhe nthā ngei Pentekoste, vho lindela uri Phaṭhutshedzo i de.

<sup>92</sup> Huno u dzungudziwa hafhu, ri a limuha, nga duvha la u fhedzisela, u ya nga Luka 17:30, nga duvha la Murwa hafhu, “nga duvha line M-u-r-w-a wa muthu a do dzumbululwa,” kana u dzungudzwa hafhu nga nthā ha vhatu.

<sup>93</sup> Zwino, Murwa-muthu ndi Nnyi? “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ḥama, huno a dzula vhukati hashu.” Huno arali pfunzo yothe ine ra vha nayo, na khwāthiso ya Ipfi la Mudzimu; nga Ipfi la Mudzimu, nga zwiga, nga zwimangadzo, zwine ra zwi vhona ḥamusi, uri kha Bugu ya—ya Luka hafha, iyo ine ri kha di bva u tou redza khayo, kana yone—yone ndima ya vhu17 ya Luka na ndimana ya vhu30; na Maleaxi 4, na Mańwalo o fhambanaho e ra a ḫowela, a uri ijo Ipfi li a dzungudzwa hafhu nga nthā ha vhatu, uri maitele o

faho a muthu o fa, huno Murwa wa Mudzimu u a tshila hafhu nga ndovhedzo ya Muya Mukhethwa henefha vhukati hashu, nahone u khou ri n̄ea Vhutshilo.

<sup>94</sup> Vhunga Kristo o vha Ene wa u thoma u vuwa, kha vhaporofita vhothe, na vhañwe-who; naho o fanyiswa kha mafhethu manzhi, O vha e Zwiranzhe zwa avho vho edelaho. Kha Muselwa, u da ha Kristo, a tshi bva kha tshivhidzo, hu do tea u vha na Khulane i no dzungudzwa hafhu mađuvhani a u fhedzisela. Yawee, n̄nenñe!

<sup>95</sup> U dzungudzwa ha khulane! Naa khulane yo vha i mini? Iyo ya u thoma u vibva, ya u thoma ye ya sumbedza uri ndi goroi, yo sumbedzaho uri ndi khulane.

<sup>96</sup> Haleluya! N̄e ndi na ngoho ya uri ni a vhona zwine n̄e nda khou amba nga hazwo. Yo dzungudzwa nga n̄ha ha vhathu. Huno lwa u thoma hu do da, u itela tshikhathi tsha Muselwa, u itela mvuwo ya u bva kha vhudinomineisheni ho swifhalaho, hu do vha na Mulaedza, wa uri u vibva nga vhudalo ha Ipfi ho vhuya murahu hafhu nga Maanda Alo nga vhudalo, nahone li tshi dzungudzwa nga n̄ha ha vhathu, nga zwiga zwenezwo zwithihi na swimangadzo zwe A ita ngei murahu.

<sup>97</sup> “Ngauri Ndi a tshila, inwi ni a tshila-vho,” a tshi khou amba na Mufumakadzi Wawe. “Ngauri Ndi a tshila, inwi ni a tshila-vho.” Ndi mvuwo-de iyo ye ya vha i yone! Huno ndi mvuwo-de iyi, ya u hanyiswa u bva vhafuni, “u itwa vha tshilaho kha Kristo Yesu,” nga Maanda a hanyisaho a Mudzimu.

<sup>98</sup> O dzungudzelwa khavho. Ipfi, zwe A vha e zwone, o dzungudzelwa murahu khavho nga Duvha la Pentekoste, Ipfi lo vhonadzwaho. Zwino, huno vhunga ndi tshi amba, Li do tea u dzungudziwa hafhu nga duvha la u fhedzisela. Zwino, sa tsumbo...

<sup>99</sup> Inwi ni ri, “Zwo luga, zwino, lindelani lwa muniti, Mukomana Branham. Ndi a d̄ivha tshivhidzo tshe...” Zwo luga, ndi a ralo, na n̄e-vho. Ni a vhona?

<sup>100</sup> Fhedzi zwino, sa tsumbo, mini-ha arali—arali ro vha ri tshi khou yo humela murahu ngei Tucson masiari a ñamusi, zwino, huno muñwe na muñwe washu o vha e na... o vha a tshi khou yo dzhena nga yone—yone Cadillac khulu, ntswa-ntswa? Huno zwidzulo zwe the two itwa nga mukumba wa—wa nyala ya tsadzi, mukumba u re mutetesa, mutete nahone u leluwaho u dzula khawo; huno bodo dza fuloro dzo vha dzi labi la siliga; tshidiraivelu tsho lukiwa nga nikelerahone tshi na mikungelo ya daimane khatsho tshothe; huno nzhini yo vha yo lingululwa nga ndila ya vhukhanikhe u vha kokotolo nzhini yone-yone; huno malinga o vha... othe o vha e na dziberini nahone o girisiwa; huno mathaela othe o vha e a dzivhaho phantshara nahone a sa thuthubi; huno othe o vha o lingululwa nga lwa saintsi.

<sup>101</sup> Dzone dzo vha dzo no sukumedzelwa kule ha mutalo wa u tumekanya zwipiда zwadzo, dzone dzothe, huno dzothe dzo daла piтиrolo. Ayo ndi maanда a u gidima, piтиrolo, ngauri i kha okhutheini. Fhedzi zwino musi ni tshi khou yo dzi bvumisa, naho vhuvhili hadzo dzi tshi vhonala dzi tshi fana, fhedzi hu na iñwe yadzo ine ya sa vhe na iñwe ḥhase-vho, mañwe maanда a u dugisa.

<sup>102</sup> “Zwo luga,” inwi ni ri, “maanda a kha piтиrolo, Mukomana Branham.” Fhedzi a thi londi uri hu na maanda mangafhani kha piтиrolo; nndani ha musi hu na ḥhase heneffo ya u vhonadza ayo maanda, nndani ha musi hu na maanda heneffo a u khwathisa uri iyo ndi piтиrolo, i nga di tou vha zwao madi. U swika...

<sup>103</sup> A hu londwi uri vhоратеолоджhi vha amba zwingafhani, uri inwi no vhekanya zwavhudи hani tshivhidzo tshañu, uri ni na pfunzo nngafhani, uri ni takalela Bivhili hani; u swika iyo Khulane ya u dzungudza, u swika Muya Mukhethwa u tshi да kha uyo muthu u hanyisa iлo Ipfi! Piтиrolo i imela Ipfi. Ndi Ngoho; fhedzi, hu si na Muya, I nga si sudzuluwe.

<sup>104</sup> Riñe ro ombedzela nga maandesa Mashumele huno ra sa ri tshithu kha Nungo dza u тuтуwedza. Zwi ṫoda Maanda a Mudzimu a тuтуwedzaho, Maanda a Yesu Kristo a muwo kha Tshivhidzo, u vhonadza na u khunyeledza uri *Iyi* ndi piтиrolo. A nga di vha kanini ya piтиrolo; a nga di vha a tshi kha di vha madi, ni a vthona. Fhedzi tsumbedzi yazwo fhedzi, ndi, vheani uvhu Vhutshilo khayo, huno Vhu do sumbedza uri kana ndi piтиrolo kana hai.

<sup>105</sup> Huno musi ni tshi lingedza u vhea Muya Mukhethwa kha dinomineisheni, inwi nga maanda ni khou lingedza... Inwi ni nga wana mithuthubo; ni do tshinya nzhini yanu, nga u i dadza nga khaboni.

<sup>106</sup> Fhedzi, oo, nne ndo takala nga maanda uri hu na Maanda a okhutheini a zwigidi zwa fumi, Ipfi la Mudzimu na Muya Mukhethwa u A funga, na u vusa Maanda a Mudzimu ngomu ha vhutshilo ha munna, kana vhutshilo ha musadzi, kana ngomu ha tshivhidzo. Ayo o sukumedzela iyo Cadillac ndilani hangei fhasi, fhasi ha Maanda a тuтуwedzaho a Muya Mukhethwa e a vhuya murahu huno a dzungudzwa nga ntha ha vhathe nga Ḷuvha la Pentekoste, a tshi Mu ita a sa shanduki mulovha, ḥamusi, na lini na lini.

<sup>107</sup> Ho vha na Khulane ya u thoma ye ya da i tshi bva kha vhaporofita vhothe, ye ya vha i Murwa wa Mudzimu, Khosi ya vhaporofita vhothe.

<sup>108</sup> Ho no vha na zwivhidzo, zwivhidzo, miselwa, miselwa, zwivhidzo, miselwa, miselwa.

<sup>109</sup> Fhedzi hu tea u da Muñwe! Haleluya! Hu tea u da Muselwa wa vhukuma! Hu fanela u da Muñwe ane a sa vhe na Mashumele fhedzi, Nungo dza u тuтуwedza Dzawe, a ita uri itshe

Tshivhidzo tshi tshile, tshi sudzuluwe nga Maanda a mvuwo Yawe. U swika ri tshi da afho fhethu, u swika ri tshi wana afho fhethu, naa zwi farisani u pholisha zwipida zwa vhukati ha linga? Naa zwi farisani u nea wa musadzi vhuary ha u bvisa maonyeonye kha tshifhaṭuwō kana mushumo wa u renga na u rengisa, ngeno hu si na Nungo dza u ṭuṭuwedza khazwo? A hu londwi uri Mashumele a sumbedza u vha e one zwingafhani, hu tea u vha na Nungo dza u ṭuṭuwedza u ita uri Li shume.

<sup>110</sup> Izwo ndi zwe A sumbedza! Haleluya! Izwo ndi zwe Mvuwo ya sumbedza. O vha e si Ipfi fhedzi, fhedzi O vha e Mudzimu Ene munę, Nungo dza u ṭuṭuwedza, kha Ipfi. Izwo two ita muvhili wa Yesu Kristo (u rothole, u ome, na u fa, tshaloni) uri u dzinginyele ngomu ha Vhutshilo huno wa vuva hafhu, huno wa kungulusela tombo kule. “Ndi nne We a vha o fa,” o fa nga maanda u swika duvha li tshi amba uri O fa, nwedzi wa ri O fa, naledzi dza ri O fa. Mvelo yothe ya ri O fa. Huno zwino shango lothe li tea u limuwa uri U a tshila hafhu. O vha e si Mashumele fhedzi, Ipfi la Mudzimu, O vha e Nungo dza u ṭuṭuwedza u Li sumbedza.

<sup>111</sup> Huno vhunga Ene, e Muhwe, Muselwa u tea u da, ngauri Ndi tshipida Tshawe. Huno A nga vha fhedzi u vhonadzwa ha u khunyelela ha nzumbululo dzothe dze vhaiwe-vho vha dzi amba nga ha Muselwa; U tou vhonadzwa fhedzi. Arali a tshi ita tshihiwe tshithu tsho fhambanaho na Muhwe, a si Muselwa. Ngauri, Ene ndi nama ya nama Yawe, shambo la shambo Lawe; Vhutshilo ha Vhutshilo Hawe, Maanda a Maanda Awe! U Ene! Vhunga munna na musadzi vhe vhathihi, huno musadzi o dzhiwiha kha lurumbu Lwawe; O dzhia Muya, Muya wa tthisadzini, Khae. Nama i bvaho kha lurumbu Lwawe, yo ita Mashumele na Nungo dza u ṭuṭuwedza vhuvhili hazwo, Mufumakadzi. Muya Wawe na nama Yawe, huno two vhewa fhethu huthihi, huno zwa ita Mashumele na Nungo dza u ṭuṭuwedza. U swika tshivhidzo kana vhathu...

<sup>112</sup> Aya mabantsinyana othe a Mvuwo, na vhujambo, na zwivhidzo zwihulu, na mukhavhisso, zwi do kundelwa nahone zwa lovha.

<sup>113</sup> U swika itsho Tshivhidzo tshi tshi vha Nungo dza u ṭuṭuwedza na Mashumele vhuvhili hazwo; huno Muya wa Mudzimu, wo Mu sudzulusaho, u ita zwithu zwe A ita! Arali O rwa kha silindere dza fumirathi, na Muselwa u do ralo. Amene! Ngauri O amba, kha Yohane 14:12, “A tendaho kha Nne, mishumo ine Nda ita na ene u do ita-vho. Ndi do mu nea vhulisa ha Nungo dza u ṭuṭuwedza Dzanga, kha Mashumele awe, ane shango la sa do kona u lwa nao; huno Ndi do mu vusa hafhu nga duvha la u fhedzisela.” Uyo ndi Mulaedza wa Mvuwo, Nungo dza u ṭuṭuwedza na Mashumele, zwo ṭangana! Mashumele a si na Nungo dza u ṭuṭuwedza, a hu na zwivhuya; zwo ralo Nungo dza u ṭuṭuwedza, dzi si na Mashumele.

<sup>114</sup> Inwi ni nga kona u zhamba na ṭavha mukosi, huno na tshina n̄tha na fhasi, zweṭhe zwine na ṭoda u ita, huno na hana ili Ipfi, a zwi nga farisi tshithu. Ni khou sokou bbumisa u mona hoṭhe kha dzi—dzipisitini dza... Ni na ṭhase heneffo ya u dugisa, fhedzi a hu na piṭirolo ya u zwi dugisa ngayo.

<sup>115</sup> I do shuma fhedzi musi zwi tshi da fhethu huthihi. Amene! Ngauralo, muřwe u do dzula a dzika, huno Muřwe u do gonya n̄tha. Itsno ndi tshone tshithu fhedzi tshi re hone khazwo. Naho zwo ralo, zweṭhe zwi nga di vhonala zwi tshi fana, zweṭhe zwi amba uri ndi zwone zwivhidzo, zweṭhe zwi amba uri ndi zwone Muselwa. Fhedzi Muřwe u na Mashumele *na* Nungo dza u ṭuṭuwedza, Zwi a zwi khunyeledza, zwe A amba uri ndi Ngoho.

<sup>116</sup> I nga si tou sudzuluwa, a hu londwi uri Mashumele ndi mavhuya hani, u swika Nungo dza u ṭuṭuwedza dici tshi da. Musi Nungo dza u ṭuṭuwedza dici tshi da, uyo Mulilo u itwa uri u tumane na iyo okhutheini kha piṭirolo. Huno musi Iyo i tshi thuthuba, i vhanga u fhisa, huno u fhisa uho hu sudzulusa mutshimbilo muřwe na muřwe, nyito iñwe na iñwe, ngauri Ha shanduki mulovha, qamusi, na lini na lini. Iyo ndi mvuwo. Ayo ndi Maanda a Mudzimu a vhukuma, Mashumele na Nungo dza u ṭuṭuwedza. Dzhielani nzhele, “Ndi Muya u no hanyisa.” Ndi—ndi Ṭhase i no dugisa. A si gese i no dugisa; ndi Ṭhase i no dugisa gese. Ni a vhone?

<sup>117</sup> “Ni nga si kone u ita tshithu ni si na Nne; fhedzi nga Nne ni nga kona u ita zwithu zweṭhe.” Vhunga Ene e Ipfi, Ndi Khotsi a no khou tshila. “Khotsi o Nthuma, ngauralo Ndi ruma inwi. Vhunga Khotsi o Nndugisa huno a Ntsukumedzela ngomu ha tshiñwe na tshiñwe, Ndi ita fhedzi izwo zwine zwa takadza Mudzimu. Zwino, vhunga O Nthuma, ngauralo Ndi a ni ruma na Mashumele eneo mathihi, huno zwi dzhia Nungo dza u ṭuṭuwedza dzenedzo nthihi u Li shumisa. Huno izwi zwiga zwi do tevhela avho vha no amba zwauri vha na Mashumele. Zwa Nungo dza u ṭuṭuwedza zwi do dzhia fhethu Haļo.”

<sup>118</sup> Paulo o ri, “Mafhungo-madifha o da kha riñe hu si nga Ipfi fhedzi,” nga kha piṭirolo fhedzi, “fhedzi na nga Ṭhase,” u ita uri A sudzuluwe. Khezwo. O da kha riñe nga uyo mukhwa.

<sup>119</sup> Ndi Muya wonoyo muthihi, we wa Mu vusa, we wa hanyisela mutendi wa ngoho kha Vhutshilo Vhu Sa Pheli. Zwino elelwani, nga khonadzeo... Zwino sedzesani, musi ri tshi khou bva kha tshifhinga tshashu. Dzhielani nzhele, “Muya wonoyo muthihi,” zwino, Vharoma 8:1. Zwino kha ri tou vhala ulwo hafhu, kha Vharoma 8:1, huno ri do vhone zwine ulwo lwa amba. Zwo luga. Nahone hu si Vharoma... Ndi khou amba, 8:11, ni mpfarele.

<sup>120</sup> Kha Vharoma 8:11, “Fhedzi arali...” Heneffo hu na thaidzo. Heneffo hu na u fasha Hawe.

*Fhedzi arali Muya wa uyo* (Mudzimu, Muya Mukhethwa) *we a vusa Yesu vhafuni u tshi dzula kha inwi, . . .*

<sup>121</sup> Zwino, khezwo, “Arali Muya wa Muhwe u tshi dzula kha Muselwa!”

<sup>122</sup> Musi Mudzimu a tshi ita muhwe Wawe wa u thoma, O ita muhwe u thoma, huno o vha e munna na musadzi vhuvhili havho, muyani; a mu vhumba nga buse la lifhasi, u mu ita matheriala. Huno dzhielani nzhele musi A tshi ita Efa, a tshi bva kha Adamu, Ho ngo dzhia tshinwe tshipida tsha vumba, O dzhia kha tshenetsho tshipida tshithihi tsha vumba; Ipfi lenelo lithihi, ngauri Adamu o vha e Ipfi lo ambiwaho. Ni a vhonā? O dzhia khae, huno zwenezwo a dzhia . . . O vha e na mya wa tshinnani na tshisadzini. Huno A ūusa mya wa tshisadzini kha Adamu, huno a u vhea kha Efa; ngauralo u kha di vha tshipida tsha mya wa Adamu, ndi nama ya Adamu. Zwenezwo, ho vha hu mya wa Adamu, nungo dza u tuṭuwedza, dze dza hanyisa mashumele a muvhili wawe.

<sup>123</sup> Ngauralo Muselwa na ene u fanela u vha nama ya nama Yawe, na shambo la shambo Lawe. Zwenezwo iyi nama i faho i khou yo vha hani nama Yawe? Ri do swika khazwo nga muniti, ni a vhona. Naa zwi itwa hani? Hani? Naa ndi ifhio iyi tshanduko khulwane? Dzhielani nzhele.

*Zwino arali Muya wa uyo* (Mudzimu) *we a vusa Yesu vhafuni u tshi dzula kha inwi, uyo we a vusa Kristo vhafuni u do hanyisa na mivhili yanu i faho nga Muya wawe u dzulaho kha inwi.*

<sup>124</sup> Yawee, nñenne! O tiwaho Uyo, a hu na zwiñwe, vhunga Mbeu i re kha lifhasi, Iyo ye ya vha i na Vhutshilo khavho. Vhunzhi havho vho fa; vho vha tshi tou vha mbeu yo sinaho; madi na zwithu two vha fhisela nnnda. Fhedzi, ni a ñivha, ho vha hu na Mbeu i re henefho yo lugelaho Vhutshilo. Mudzimu o zwi ñivha uri Yo vha i henefho.

<sup>125</sup> Zwino, Avho vho tiwaho ndi vhone vha u thoma u hanyiswa nga Muya Mukhethwa, ngauri Muya Mukhethwa u da u vhila Vha Wone une. Zwino, izwi two tsa zwino, huno ivhani na ngoho ya uri ni a zwi fara nga ndila mbuya.

<sup>126</sup> Zwino, vhunga ñuvha lo ruñwa u budekanya lifhasi, hu si u disa matombo, e a vha e tshika na one, kha vhutshilo, two vha zwi si zwa u disa tshika yothe kha vhutshilo, fhedzi two vha zwi zwa u disa tshipida tsha tshika tshe tsha vha tsho valelwa u mona na vhutshilo.

<sup>127</sup> A si vhathu vhothe vha no do tanganedza Kristo. Oo, hai. Fhedzi avho vhe Mudzimu a vha odeinela phanda Vhutshilo, vha nga ngomu nduni ya inwe tshika ya lifhasi, uyo ndi Ene ane A da u mu hanyisa. Ndi Vhone.

<sup>128</sup> Iyo, zwino, iyo tshika i do vha heneffo ḫuvhani, huno ya ri, “Oo, ili ḫuvha la kale li khou fhisa nga maanda!” Ilo tombo, li ri, “Ili ḫuvha la kale li khou fhisa nga maanda!” Fhedzi iyo mbeu ḫukhu, ya ri, “Ilo ndi lone line nda khou li ṭoda,” huno i thoma u fhufhela kha vhutshilo. Yo hanyisa itsho tshipiqa tsha tshika. Ngauri, ḫuvha a lo ngo rumelwa u hanyisa tombo, hu si u hanyisa tshika, fhedzi u hanyisa vhutshilo ha mbeu.

<sup>129</sup> Zwino, Muya Mukhethwa u a da zwino. A hu na zwiñwe, A wo ngo rumelwa . . . Naa ndi ngani hu si vhathe vha no do U ḫanganedza? A wo ngo rumelwa khavho.

<sup>130</sup> Munna o mmbudza, “A thi tendi. A thi londi zwine na do amba. Arali ni tshi do vusa vhafu, kana tshiñwe tshithu, huno na fhodza vhalwadze; huno na Li sumbedza, nga inwe ndila; ndi kha di vha ndi sa Li tendi.”

<sup>131</sup> Nda ri, “Zwa vhukuma hai. Inwi ni a sa tendi. A zwi ambi tshithu kha inwi. A lo ngo vhuya la rumelwa kha inwi. Lo rumelwa kha avho vha no do tenda.”

<sup>132</sup> Mulaedza u ya kha mutendi. Kha avho vha lovahao, Ndi vhutsilu; fhedzi kha avho vha re kha Kristo, na tshipiqa tsha iyo Mbeu, Ndi Vhutshilo.

<sup>133</sup> Nganea yanga ḫukhu i songo pholishwaho nga ha rabulasi a tshi vhea gumba fhasi, kana gumba la goni fhasi ha phambo. Ni a vhona? Ilo goni lituku, zwa vhukumakuma, lo vha li—lo vha li tshivhumbwa tshi vhonala tshi sa pfesesesi, tshiñuku. Musi yuu rabulasi o no ita itsho tshithu tshe a ita, u vhea ili gumba la goni fhasi ha iyi phambo ya kale. Huno yo thothonya tshikukwana tshe tsha vhonala tshi tshi seisa, humo tsho vha tshi—tsho vha tshi tshinoni tshi sa pfeseswiho, tshiñuku. Tsho vha tshi sa fani nazwo. Mithenga yatsho yo vha i sa fani na miñwe yothe, humo tsho—tsho tou . . . Tsho vha tshi tshinoni tshi sa pfeseswiho, tshiñuku. Huno zwikukwana zwiñwe zwothe zwe tshi limuwa sa tshinoni tshi sa pfeseswiho. Huno phambo yo tshimbila u mona hothe . . .

<sup>134</sup> A tsho ngo takalela nndyo ye ya vha i tshi khou tshi kanzwa ngayo. Tsho tou sa takalela uho u pala dzharatani ya ḫulu. Tshone, a tsho ngo vha na mushumo na hezwo. Ngauralo tsho mangala uri ndi ngani tsho do tea u vha itsho tshi sa pfeseswiho u mona heneffo, nahoh zwo ralo. Ni a vhona? Nahone na kathihi a tshi athu thetshela tshiñwe tshithu tshe . . . Tshi tou la zwo edanaho u ita uri tshi tshire, ngauri a tsho ngo takalela muthetshelo watsho, ni a vhona. Ngauri, tsho vha tshi si tshikukwana, tsha u tou thoma. Ni a vhona?

<sup>135</sup> Huno pha—phambo yo do ita kukuliko, nahone, ni a divha, “Mađuvha a mađembe o fhira. A hu na tshithu tsho rāloho. Ivhani murađo wa tshivhidzo.” Zwo tou sa rwa nga ndila yone, kha tshinoni tshiñuku. Ngauralo tsho tevhela phambo u mona hothe u swika mma vhatsho . . .

<sup>136</sup> Goni ḥa kale lo zwi ḫivha uri lo vhetshela makumba manzhi, huno ho vha hu na lithihi le ḥa vha li siho. Lo zwi ḫivha uri i lo goni lo vha li huńwe fhethu, ngauralo li thoma u bva u li zwima. Huno ḥa mona nga n̄tha ha thodzi ya thavha, na fhasi ngomu magovhani, na nga n̄tha huńwe na huńwe he ḥa vha li tshi nga vha hone. Nga tshino tshifhinga, lone, ndi tshifhinga tsha uri lone li bebiwe. Ndi tshifhinga tsha uri lone li thothonyiwe. Ha pfi, “Khamusi funguvhu lo dzhena huno ḥa doba gumba ḥanga; khamusi ḥianga. A thi ḫivhi. Tshirwe tshithu tsho doba gumba ḥanga. Fhedzi ndi a ḫivha . . . Ilo gumba li kha thalukanyo yanga. Ndi na murwa huńwe fhethu. Ndi tea u mu zwima.”

<sup>137</sup> Na Mudzimu u a ralo. Ndi ilo Goni Lihulwane. Mihumbuloni Yawe O zwi ḫivha uri U do vha na Tshivhidzo. O zwi ḫivha uri U do vha na vhathu. A hu londwi tshe tsha vha kuvhatedza, a hu londwi uri vho thothonyiwa fhasi ha mini, U khou zwima. U khou zwima vha re Vha Ene muńe.

<sup>138</sup> Huno ḥińwe ḫuvha, nganea i bvela phanda, ili goni ḥa kale ḥa fhufha nga n̄tha ha dzharata ya ḫulu. Lo vha li tshi khou sedza huńwe na huńwe, huno ḥa mu wana. Oo, u itela iyo mvuwo, u limuwa uri ene zwa vhukuma o vha e si tshikukwana, itali. O vha e goni! Huno tshifhinga tshothe o funzwa u sedza fhasi, u ḥoda tshilumi kana tshińwe tshithu dzharata ya ḫulu. Fhedzi a pfa luzhambo, lwe lwa ri, “Sedza n̄tha thungo ino!” Huno a sedza nga n̄tha hawe, huno ho vha hu na tshivhumbwa tshi re na phapha dza fithi dza fumińa, tshi re na maanda a fhiraho a zwikukwana zwothe zwe zwa vha zwi hone dzharata ya ḫulu, huno tsha ri ene ndi murwa watsho.

A ri, “Mma, naa ndi nga swika hani khavho?”

<sup>139</sup> Ha pfi, “Itou fhufha, thoma u babamedza phapha dzau, ngauri u goni.”

<sup>140</sup> Ni a vhona, lo zwi ḫivha uri li na murwa huńwe fhethu. A hu londwi uri o aluswa kha mini, li na murwa huńwe fhethu.

<sup>141</sup> Huno Mudzimu u a ḫivha! Haleluya! U na Tshivhidzo tsho tiwaho, tsho odeinelwaho phanda! O ḫivha uri U na vharwa na vhananyana, na Muselwa, vho lindelaho huńwe fhethu; musi Muya Mukhethwa u tshi thoma u fhufha nga n̄tha hayo, iyo Khulane yo dzungudzwaho. Yawee, nnenne! Ha shanduki mulovha, namusi, na lini na lini. Hu si ḥuńwe lungano lwa khumbulelo, fhedzi lwa vhukuma!

<sup>142</sup> A hu londwi uri ndi vhangana vhe vha lingedza u mu vhudza, “goni,” ho ngo ḫivha zwe goni ḥa vha li zwone. Naho zwo ralo, o vha e goni. O vha a si nga zwi pfesesi u swika o no vhona tshirwe tshithu tsho mu vhonisaho, tshe a tshi vhonisa, kha ndi ralo.

<sup>143</sup> Huno musi ri tshi vhona, hu si dinomineisheni, hu si Ph.D., hu si LL.D., hu si mudzulatsini muvhuya; fhedzi murwa wa Mudzimu o vhumbwaho nga tshifanyiso tsha Mudzimu, e na Maanda a Mudzimu a u ḥuńuwedza u fhindula khumbelo ya

lino ḫuvha, ya uri Ha shanduki mulovha, namusi, na lini na lini, a hu na phambo i no khou yo ni fara. U zwima Mme awe. Ndi ene goni, tsha u tou thoma. U a limuwa. Ili goni la vhukuma li limuwa mbidzo ya Ipfi la Mudzimu. Ndi ngani? Ndi ene goni. Goni kha goni! Ipfi phanda ha mutheo, Ipfi kha Ipfi! Ipfi, lo tiwaho, kha Ipfi lo ḫwalelwāho awara. Inwi ni a limuwa vhuimo hanu. U a Li zwima.

<sup>144</sup> Uyu zwenezwo, uyu muvhili wa ḫifhasi, u a hanyiswa nahone wa diswa nga Muya wa Mudzimu u hanyisaho kha u thetshesela Ipfi la Mudzimu.

<sup>145</sup> Nga u t̄avhanya. Musi a tshi ḫoda u ḫivha uri a nga ya hani hangei nae, o vha o no funzwa uri a nga si kone u ita hezwo. “Inwi ni nga si kone u swika n̄tha u fhira lune ni nga fhufha.” Ndi tshikukwana. Ni a vhona?

Fhedzi ili goni lo ri, “Izwo a zwo ngo ralo.”

“Zwo luga, sedzani zwikukwana!”

<sup>146</sup> “A hu londwi zwine zwikukwana zwa vha zwone, iwe u goni. Itou thoma u tharamudza idzo phapha, huno u wane nyonyoloso ḫukhu khadzo. Thoma u ya n̄tha!”

<sup>147</sup> Ipfi kha Ipfi! “Mishumo ine Nda ita na inwi ni do ralo-vho. A tendaho kha N̄e, mishumo ine Nda ita na ene u do ralo-vho.” Ni a vhona? “Ngauri Ndi a tshila, na ene u a tshila.” “Huno arali Muva we wa Mu vusa vhafuni u tshi dzula kha inwi, U hanyisa muvhili wanu u faho.” Ni a vhona?

<sup>148</sup> Naa U itani? Zwino thetshesani, uri ni zwi ḫivhe. Huno iyi Muwo, ndi ḫoda uri i ambe zwo engedzeaho kha inwi u fhira zwe inwe Muwo-vho ya vhuya ya ita. Ni a vhona? Ndi ḫoda inwi ni tshi zwi vhona. Ri a zwi ḫivha zwe Ya Mu itela zwone; fhedzi ndi ḫoda inwi ni tshi zwi vhona, hu si i do, Yo no ni itela zwenezwo zwithihi. Ni a vhona? Naa I itani? I hanyisa muvhili u faho. Uyu muvhili u faho une ra dzula khawo, I a u hanyisa, nga mañwe maipfi, i a u disa kha Vhutshilo.

<sup>149</sup> Zwino, inwi we na vhuya na tshimbila ni na sigara khulu mulomoni wanu, na tshiñwe na tshiñwe, kana paka ya dzisigarete; na vhoiñwi vhasadzi vhe na vhuya na vha na mavhudzi mapfufhi, no penndwa, huno na bvela phanda, na ambara dzishothi, na zwithu zwa u ralo; nga u t̄avhanya, Tshiñwe tshithu tsha zhamba, huno na sedza hafha phasi huno Tsho vha tshi Ipfi. Ni a vhona, Lo hanyisa wanu... Inwi na ri, “A hu tshe na shothi dzanga, a hu tshe na halwa hanga, a hu tshe na u zwifha, a hu tshe na u tswa, a hu tshe na *itshi, itsho*.” Ni a vhona? Muva we wa Mu vusa vhafuni, u tshi dzula kha inwi, u do vhuisa na mivhili yanu i faho, buse la ḫifhasi, kha ndango. Inwi ni a vhona? Naa ndi mini? Ndango kha mini? Kristo. Naa Kristo ndi nnyi? Ipfi. Hu si theolodzhi, fhedzi Ipfi!

<sup>150</sup> Zwenezwo inwi ni amba, zwauri, “Izwi zwithu, oo, ndi elekanya uri zwo luga vhasadzi vha tshi ambara zwileke.”

<sup>151</sup> Ngeno, Ipfi lo ri, "Hai." Ni a vhona, Li a ni hanyisela kha Izwo. Ni a vhona? Ni kokodzelwa Khało. Ni a vhona, ndi inwi, zwenezwo. Li vha... Inwi ni vha tshipida tsha Ipfi. Lo disa muvhili wañu, hu si...

<sup>152</sup> Zwo luga, inwi ni ri, "Zwo luga, zwino, i ri ni ndi ni vhudze tshiñwe tshithu. Mufunzi wanga..." A thi londi zwe mufunzi wañu a amba; ndi zwine Ipfi la amba! Arali ni tshi ḥodou vha tshikukwana, iyani phanda nae. Fhedzi arali mufunzi a tshi amba lwo fhambanaho na ili Ipfi, zwenezwo a si mukanzwi wa magoni; uh-huh, ene ndi mukanzwi wa dziphambo, ni a vhona, hu si wa magoni. Ni a vhona? Goni li la Zwiliwa zwa goni. Ni a vhona? Zwi a hanyisa!

<sup>153</sup> Bivhili yo ri zwo khakhea u ita hezwo, huno munna na vhañwe-vho na zweithe zwine na ita, zwo khakhea. Hu pfi, "Maduvha a madembe o fhira." Iyi Bivhili yo amba uri Ha shanduki mulovha, ñamusi, na lini na lini. Arali vha tshi ri, "Izwo ndi u vhala muhumbulo. Huno ndi luñwe lushaka lwa u vhala ḥhalukanyo, uvhu vhutalukanyi. Huno aya mabono othe na zwitħu, ndi vhuta fuṭafuṭu," ni a vhona, ndi vhone zwikukwana. A vha ñivhi zwine Zwiliwa zwa goni zwa vha zwone.

<sup>154</sup> Fhedzi, mukomana, musi ni tshi pfa ulwo luzhambo, hu na Tshiñwe tshithu kha inwi! Inwi ni goni, tsha u tou thoma. Ndi ngani? Inwi ni iyo Mbeu, ya uri mvuwo ya M-u-r-w-a yo bvelela, na Khułane yo dzungudzwaho kha lifhasi, u ni ita uri ni limuwe zwauri ni goni huno hu si tshikukwana tsha dinomineisheni. Inwi ni a zwi vhona? Hah!

<sup>155</sup> "Arali Muya we wa Mu vusa vhafuni," Ipfi, Nungo dza u ḥtuwedza dza Ipfi, "u tshi dzula kha inwi, U hanyisa na muvhili wañu u faho." Zwino ri vha hani ñama ya ñama Yawe na shambo la shambo Ławę? Ngauri, nga u tħavħanya, musi ri tshi kha di vha vhaftazwivhi, vha faho, vho lugelaho u fa, iyi mivhili, U hanyisa uyo muvhili. Naa ndi mini u hanyisa? "Hu ñisa kha Vħutshilo." Muya we wa vhuya wa takalela u nwa, u gidima u mona hothe, u ita vhupombwe, na izwi zweithe, u a hanyiswa; mulandu, tshithu tsho fa, huno inwi ni a vuswa. U hanyisa muvhili wañu u faho.

<sup>156</sup> Ngauralo-ha, mivhili yanu ndi thembele ya Nungo dza u ḥtuwedza, ngauri (ndi ngani?) u bva u rangani inwi ni tshipida tsha Mashumele. Oo! Ngeyo mvuwo yanu. Ngetsho Tshivhidzo kha mvuwo, Nae. Iyi mivhili zwa zwino i a hanyiswa. Ni a vhona, no no pfa; ni a tenda. Ho ni shandukisa u bva kha dinomineisheni u ya kha Ipfi. Ni a vhona?

<sup>157</sup> Nungo dza u ḥtuwedza, arali Dzi tshi da nħa ha madi, a do tou ita mithuthubo; "Maduvha a madembe o fhira." Pomp-pomp-pomp, "Oo, ndi tenda Bivhili," pomp-pomp-pomp, "fhedzi heneffo—heneffo a hu na..." Pomp-pomp-pomp! Ni a vhona?

<sup>158</sup> Fhedzi musi A tshi kwama iyo okhutheini ya tshigidi tshithihi, “Whrrrrr,” u ḫutshela kule, inwi ni a vhona. Hani, nnenne, Nungo dza u ṭuṭuwedza dici kwama Heļo! Fhedzi Dzi tshi kwama tshikukwana, a zwi nga farisi. Fhedzi musi Dzi tshi kwama goni, li a bva. Amene! Nungo dza u ṭuṭuwedza na Mashumele! Ni a vhona zwine nda amba? Ndi uri, arali e goni la ngoho zwino, u do “pfesesa.”

<sup>159</sup> I ri ni ndi ni onyolosele Luňwalo luťuku hafha. Ndi elekanya uri a ri tsheeho kha founu, fhedzi ri kha di vha fhano. Yohane Mukhethwa 5:24, Yesu o ri, “Ane a pfa Ipfi Łanga, huno a tenda We a Nthuma, u na Vhutshilo ha lini na lini.” Zwino sedzani, ndi tsa nga tshiṭaraṭa huno nda dzhia izwo nga ndila yo buletshedzwaho fhedzi, zwine Ła vha zwone, hu si na pfeseso ya maya... Hu si u Łi ita uri li ambe tshithu-vho, fhedzi u tou amba zwine Ła amba, ni a vhona, ipfi li re lone henefho, nga Tshigerika, kha vhubvo, li ri, “A no pfesesa Ipfi Łanga.”

<sup>160</sup> Zwino, u sumbedza uri izwo ndi zwone. Ndi a tsela phasi hafha, huno khoyu o kambiwaho u a da nga thungo ha tshiṭaraṭa, huno e na mufumakadzi wa muňwe munna zwandani zwawe, huno a tshi khou semana, nahone a tshi khou dzhia Dzina la Mudzimu nga fhedzi, na tshiňwe na tshiňwe-vho nga u ralo. “Ni ri, naa no zwi pfa zve mureri a amba? Naa no ralo?” “Iina, ndo Łi pfa!” Izwo a zwi ambi uri u na Vhutshilo Vhu Sa Fheli. Ni a vhona? Ni a vhona?

“Ane a pfesesa Ipfi Łanga,” uyo a re goni!

<sup>161</sup> “Zwino, Mukomana Branham, ndi ḫoda Luňwalo lwo engedzeaho u fhira holwo.”

<sup>162</sup> Zwo luga, “Nngu Dzanga dici pfa Ipfi Łanga. Mutsinda a dici nga mu tevheli.”

<sup>163</sup> Vhunga kha mafhundo a *Mbingano Na Thalano*, lila ḫuvha. Musi Muya Mukhethwa wo no mmbudza hezwo, ndo da nda zwi amba nga ndila ye A mmbudza zwone.

<sup>164</sup> Muňwe mufumakadzi a re mushumeli a nkhambekanya nga vhuhali, zwitšku. A ri, “Ndi a humbulela uri inwi ni dzhia fhethu ha Mudzimu?”

Nda ri, “Hai, mufumakadzi.”

<sup>165</sup> Ha pfi, “Zwo ralo, inwi no vha vhudza uri tshivhi tshavho tsho hangwelwa.” Ha pfi, “Ngafhi?” Ha pfi, “Mudzimu ndi ene fhedzi a re na maanda.” Ni a vhona, muňwe Mufarisei. Ni a vhona?...?

<sup>166</sup> Nda ri, “Inwi ni a vhona, uri ni kone u zwi ḫivha, zwauri, Yesu o vhudza Petro na vhaapostola, nga murahu ha musi o no vha na nzumbululo ya uri O vha e Nnyi.”

O Mu vhudza, “Iwe u Kristo, Murwa wa Mudzimu.”

<sup>167</sup> A ri, “Wo fhatutshedzwa iwe,” ni a vhona, “murwa wa Yona; ḫama na malofha na kathihi a zwo ngo u dzumbululela

Ili, fhedzi Khotsi Anga a re ngei Tađulu o Li dzumbulula. Kha ili tombo Ndi do fhata Tshivhidzo Tshanga; khoro dza vhudzulavhafu dzi nga si Tshi kunde. Huno Ndi u nea dzikhii; tshiñwe na tshiñwe tshine wa vhofha kha liphasi, Ndi do tshi vhofha ngei Tađulu; tshine wa vhofholola kha liphasi...”

<sup>168</sup> Iyo ndi nzumbululo Khethwa ya Ipfi lo itwaho ñama. Arali Lo vha li ñama nga ilo duvha nga Murwa, Muhwe, Ndi ñama namusi ñga Muselwa. Ni a vhona? “Ane zwivhi zwawe na hangwela, khae zwo hangwelwa; ane zwivhi na mu vhalela zwone, khae zwo vhalelwa.”

<sup>169</sup> Zwino, tshivhidzo tsha Katolika tsho doba izwo huno tshi zwi isa kha vhotshifhe vhatsho, fhedzi izwo ndi zwa ñama.

<sup>170</sup> Sedzesani, ho vha hu Ipfi la maya, lo dzumbululwaho le la zwi ita!

<sup>171</sup> Itsho ndi tsho itisaho uri A vha vhudze u ya u lovhedza nga “Dzina” la Khotsi, Murwa, Muya Mukhethwa. O zwi ñivha uri vho zwi ñivha uri O vha e Nnyi.

<sup>172</sup> Ndi tshi khou amba na mureri muñuku lila duvha, o ri kha nne, a ri, “Zwino, Mukomana Branham, ndo bva nahone nda vha murado, nda ya kha tshivhidzo *tshikenenene*, tshivhidzo tsha Pentekoste.”

<sup>173</sup> Hune, vha Pentekoste zwino vho no thoma u dzhia kokisi lo itaho tshitendeledzi, ni a ñivha. No no zwi pfa hezwo, ndi a humbulela; tshinnkwa tshi si na dini, mudzimu wa ñwedzi, ni a ñivha. Huno vhothe vho tshi tanganedza nahone vha khou tshi ðzhia. Uyu munna o ri... Tshivhidzo tshawe—tshawe tsho ya khae; a ri, “Tshine nda tshi fhañtshedza tsho fhañtshedzwa.” Zwino, naa izwo a si zwine tshifhe a ri, ene “u na maända a u tshi humisela murahu kha muvhili wa Kristo”? Ni a vhona, vha tshi tou vha vha rathi vha dazeni nthihi na hafu ya tshiñwe, vha tshi tou fana.

<sup>174</sup> Huno a ri, “Ndi ñoda u ni vhudzisa tshiñwe tshithu.” O vha a tshi khou lingedza u tinya ilo fhungo la ndovhedzo Dzinani la Yesu, ngauri uyu o vha e munna we a ri ho vha—ho vha hu mulwanakristo o itaho izwo. A ri, “Naa ni a elekanya uri hu na ñhodea tshothe ya uri munna u tea u lovhedzwa nga Dzina la Yesu Kristo?”

Nda ri, “Ee, muñe wanga.”

<sup>175</sup> A ri, “Nga murahu ha musi o no lovhedzwa nga dzina la ‘Khotsi, Murwa, na Muya Mukhethwa’?”

<sup>176</sup> Nda ri, “Ee, muñe wanga. Ha athu lovhedzwa, na luthihi. Ni a vhona? Ha athu lovhedzwa, na luthihi; a hu na Dzina. Uvho ndi vhuimo.” Nda ri, “A i limuiwi.” Nda ri, “Ndi ngani—ndi ngani Petro...”

<sup>177</sup> A ri, “Zwo ralo, zwino, i ri ni ndi ni vhudze tshiñwe tshithu.” A ri, “Zwino, kha Mishumo 10:49, o ri, ‘Musi Petro a tshi kha di amba maipfi aya, Muya Mukhethwa wa wela khavho.’”

<sup>178</sup> “Fhedzi,” nda ri, “o rembuluwa huno a ri, ‘Naa muthu a nga dzivhisa mađi uri avha vha si lovhedzwe?’”

<sup>179</sup> A ri, “Zwo luga, no vha ni tshi khou amba hangei, tshifhinganyana tsho fhiraho, nga ha Mishumo 19, he Paulo a fhira nga kha khunzikhunzi dza nga n̄tha dza Efeso, a wana vhañwe vhafunziwa.” Huno ha pfi, “Malandu,” ha pfi, “vho vha vha songo lovhedzwa nga dzina la Khotsi, Murwa, na Muya Mukhethwa.”

<sup>180</sup> Nda ri, “Hai, vho vha vho lovhedzelwa ‘kha tshanduko,’ hu si u itela khangwelo ya zwivhi. ‘Kha tshanduko,’ ngauri Yesu o vha a sa athu ñivhadzwa. Tshiñthavhelo tsho vha tshi songo no vhulawa.”

A ri, “Zwo ralo, ndi ngani vho do tea u dovha vha lovhedzwa?”

<sup>181</sup> Nda ri, “Munna we a vha e na dzikhii, o amba izwi, ‘Kha zwi ñivhee kha vho inwi zwauri a hu na ñiñwe Dzina fhasi ha Tađulu le la ñekedzwa vhatu, ñine na fanela u tshidzwa ngalo.’”

<sup>182</sup> Tshidzo i yothe i tshimbila nga Dzina la Yesu Kristo. “Tshine na ita nga ipfi kana nyito, zwi iteni zweþhe nga Dzina la Yesu Kristo.” A hu na ñiñwe dzina, a hu na tshivhidzo, a hu na thevhekano ya zwiimo, a hu na maimo, kana tshithu-vho! Naho zwo ralo, Ndi ene Dzuvha la Sarona, Volenga la Govha, Naledzi ya Mutsho, Alifa, Omega, Murangi na Mukhunyeledzi, Jehovah-jireh, -rapha, -manasseh, othe aya. Ndi ene zweþhe izwi zwithu, fhedzi naho zwo ralo U... A hu na tshidzo kha vhuñwe ha ayo maimo; Jehovah, a hu na tshidzo; Dzuvha la Sarona, naho zwo ralo Ndi ene, a hu na tshidzo; Khotsi, Murwa, kana Muya Mukhethwa, a hu na tshidzo. Fhedzi Dzina la “Yesu Kristo!” Huno zwenezwo Bivhili yo amba, zwauri, “Tshanduko na khangwelo ya tshivhi zwi fanela u funzwa nga Dzina Lawe, u thoma ngei Yerusalem, na u swika kha zwipida zwa mugumoni zwa lifhasi.”

A ri, “Naa ni elekanya uri zwi a ita phambano-vho?”

<sup>183</sup> Nda ri, “Muñe wanga, ndi toða u ni vhudzisa tshiñwe tshithu.” Nñe na ene, na mufumakadzi wanga, ro vha ro dzula tafulani. O tou sudzuluwa. A mmbona, a ya... Nda ri, “Rine rothe ri Vhaarizona; ri dzula fhano. Huno nñe, nahone ri ñivha khoro yashu, na wadi yashu, na zweþhe, na meyara washu, muvhusi, tshiñwe na tshiñwe.”

A ri, “Ee.”

<sup>184</sup> Nda ri, “Zwino, arali ndo ni vhudza, mukomana, u, ‘Ya nga hafha huno na sainela tshiswiþulo tshashu, nga dzina la Muvhusi wa Shango la Arizona,’ naa ni nga ya na zwi saina nga u ralo? Naa ni elekanya uri vha do zwi ñanganedza kha desiki?”

<sup>185</sup> “Malandu,” a ri, “a thi humbuleli.” A ri, “Ndi ngani Yesu o amba izwo?”

<sup>186</sup> Nda ri, “Izwi ndi zwone, ni a vhona. Ndi ngani? Arali ndo ni vhudza u ‘ya na sainela itshi tshiswitu, nga dzina la Muvhusi wa Shango la Arizona,’ na riñe ri vhadzulapo vha Arizona, huno ri tshi ñivha uri Muvhusi ndi nnyi, mulandu, inwi ni do ñivha u zwi saina nga dzina la ‘Sam Goddard,’ ni a vhona.” Nda ri, “Ngauri, ene ndi Muvhusi wa shango. A thi tei u ni vhudzisesa. Inwi ni a ñivha uri Muvhusi ndi nnyi. Huno, musi A tshi ri, ‘Khotsi, Murwa, na Muya Mukhethwa,’ O zwi ñivha uri vha khou ya u lovhedza hani. Vho ñivha uri O vha e Nnyi. ‘Nngu Dzanga dici pfa Ipfi Langa.’ Ni a vhona? Ni a vhona?”

A ri, “Oo, ndi a vhona.”

<sup>187</sup> Fhedzi zwino, tshithu tshi tevhelaho, naa ni do tenda? Ni a vhona? “Ane a pfa Ipfi Langa, huno a tenda Uyo we a Nthuma, u na Vhutshilo ha lini na lini.” Huno musi uvhu Vhutshilo Vhu Sa Fheli vhu tshi dzula kha inwi, Ndi vhukoni.

<sup>188</sup> Musi no ñanganedza uyu Muya Mukhethwa zwino, zwe vha ita ngei Pentekoste; zwo vha zwi mashumele, zwino Nungo dza u tuwedza dzo do tea u da. Vho vha vho no tenda. Ni a ñivha, khonani dzashu mbuya dza Baphuthisi dici a ri vhudza, “Musi ri tshi tenda, ro U wana.” Fhedzi, a vho ngo vha Nawo, naho vho no tenda.

<sup>189</sup> Mishumo 19, vho vha vho no tenda, fhedzi vho vha vha si Nawo. “Naa no ñanganedza Muya Mukhethwa tshee na tenda?” Ni a vhona? Vho vha vhe na Mashumele, zwo luga, ngauri vhaapostola vho...Kana, ndi khou amba, Apolo o vha a tshi khou vha funza nahone a tshi khou sumbedza nga Bivhili, Mashumele, a uri Yesu o vha e Kristo, fhedzi vho vha vha sa athu vha na Nungo dza u tuwedza. Ni a vhona? Izwo ndi zwone. Zwo luga.

<sup>190</sup> [Tshikhala kha theiphi—Mudz.]...-mele, inwi nga khonadzeo ni na muthetshelo, u lindela.

<sup>191</sup> Zwino, musi ni tshi wana Nungo dza u tuwedza, no hanyiswa u bva kha u fa u ya kha u sa fa. Hu ita uri muvhili wothe u langwe nga Ipfi. Hu do ni ita uri ni ite nga ndila yo fhambanaho, ni vphonale nga ndila yo fhambanaho, ni tshile nga ndila yo fhambanaho. Hu do tou ni ita uri ni vhe o fhambanaho.

<sup>192</sup> Zwino sedzani. [Tshikhala kha theiphi—Mudz.]...no hanyiswa. “Inwi no vha no fa tshivhini na dziphambuwoni, na swiswini, O ni hanyisa.” Naa nga mini? “Muya Wawe we wa vusa Yesu,” nga matsheloni a Mvuwo, “vhafuni. Huno arali U tshi dzula kha mivhili yanu i faho,” zwino sedzesani, “Nahone U a hanyisa, u ñisa kha Vhutshilo, u u ita uri u langwe nga Ipfi.”

<sup>193</sup> Zwino, naa ni nga amba hani uri ni na uyo Muya, huno na diposela kule ha Ipfi? Inwi ni khou hanyiswa nga tshiñwe tshithu-vho. Ngauri, U do hanyisela mivhili yanu i faho kha Ipfi. Ngoho, U do ralo.

<sup>194</sup> Inwi ni nga si kone u gidima ni si Nawo. Ni do sokou ita mithuthubo, arali ni sa Li tendi lothe. Arali ni na tshipida tsha pitirolo na tshipida tsha madi, a ni khou do ya huñwe fhethu lini. Ni a vhona? Ni tea u i dzhia phesente dza qana, piñirolo. Arali ni sa khou ralo, ni humisa mulilo, huno inwi a ni na maanda. Ni a vhona? "Fhedzi ndi—ndi a tenda *itshi*, fhedzi a thi tendi *Itsho*," pomp-pomp-pomp-pomp. Inwi a ni khou ya huñwe fhetu.

<sup>195</sup> Fhedzi, oo, musi ni tshi dzhia nga vhuñdalo! I ri ni li funge kha hezwo, Ipfi liñwe na liñwe ndi Ngoho!

<sup>196</sup> Zwenezwo dzhielani nzhele zwino, musi ri tshi vala, dzhielani nzhele itshi. Dzhielani nzhele, tshi tou nga mbeu ñukhu—ñukhu i re mavuni.

<sup>197</sup> Zwino, nga khonadzeo, inwi no vuswa. No vuswa musi ni tshi tanganedza Muya Mukhethwa kha inwi. Inwi ni a vuswa nga tshenetsho tshifhinga. Muvhili wañu nga khonadzeo wo vuswa.

<sup>198</sup> Sedzani mbeu ñukhu. I zwaleni mavuni. I tea u nwa a bvaho kha tshisima Tshawe, madi a no shuluwela fhasi. Huno musi i tshi nwa, i sukumedzela n̄tha u yela Khae, i tshi vha i fanaho lwo engedzeaho vhunga tshivhumbleo tsha mbeu yo dzenahao ngomu mavuni. Ni a vhona?

<sup>199</sup> Tshivhidzo tshi da nga iyo ndila, nga kha u itwa vho lugaho, khethefhadzo, ndovhedzo ya Muya Mukhethwa, zwino tshi khou fhufhuma. Ni a vhona? Muya wa Mudzimu u ña nga kha heyo.

<sup>200</sup> Huno myua wa shango wo ña nga kha mulwanakristo, nga ndila i fanaho, huno zwino u khou fhufhuma nn̄da kha dzangano lihulwane la zwivhidzo, ni a vhona, tshithu tshothe.

<sup>201</sup> Huno muthu u ña nga iyo ndila. Tshiñwe na tshiñwe tshi shuma kha tshikala tshi fanaho, tshi fanaho tsha Mudzimu, ngauri Ha shanduki mulovha, namusi, na lini na lini. Dzhielani nzhele, kha ndila yanu, ni tshi khou alutshela kha mvuwo nga vhuñdalo, no rangwa phanda nga Muya!

<sup>202</sup> Vhunga ñuvha, d-u-v-h-a, li tshi kokodza tshimela tshiñuku tshi no khou nwa kha tshisima tsha Mudzimu, tshi dzulela... Ni a vhona, tshi nga kona u nwa fhedzi kha tshithu tshithihi. Inwi ni shululela mapfura fhasi kha iyo mbeu ñukhu nga tshiñwe tshifhinga; a a tshi vhulaha. Izwo ndi zwone. Inwi ni shela madi a sa eleli, madi a kale ane a sa vhe avhudí, o tshikafhala, a do lengisa nyaluwo. A tshi nga añwi mutshelo. Naa izwo ndi zwone? Fhedzi inwi ni shululela madi avhudí o dzikaho a vhukuma a mvula, amene, a hu na khemikhala dzo itwaho nga muthu khao, itonu a litsa a de a tshi bva mañadulu ngei n̄tha, huno ni sedzese itsho tshimela tshiñuku. A hu na madi a no do aluwa vhunga ayo madi a mvula. Inwi ni shela kolorini na zwithu khao, vhunga ni tshi lingedza u ri nwisa hu si na pimamushonga, nahone, tshithu tsha u thoma ni a ñivha, a vhulaha tshimela.

<sup>203</sup> Iyo ndi yone thaidzo ḥamus. Vha lingedza u vha nea madi a bvaho kha tshisima tsha dinomineisheni, huno a lengisa nyaluwo. Ni a vhona? Fhedzi i ri ni a vhe na . . .

Tshi da hune marotha a nwando a khathutshelo a penya;  
Penya hothe u mona na nne masiari na vhusiku,  
Yesu, Tshedza tsha shango.

Zwenezwo no zwi wana, zwenezwo.

Ri do tshimbila Tshedzani, itsho Tshedza tsho nakaho,  
Tshi da hune marotha a nwando a khathutshelo a penya;  
Itou penya hothe u mona na nne.

<sup>204</sup> Tusa izwi zwisima two itwaho nga muthu kha nne! A hu na tshiñwe tshisima tshine nda tshi ñivha; a hu na nga nnnda ha Malofha a Yesu! Ndi tshenetsho fhedzi Tshisima tshine nda toda u tshi ñivha. I ri Ipfi li dzule kha nne, Murena; Li sheledze nga Muya Wau.

<sup>205</sup> Dzhielani nzhele, zwino, arali uyo Muya we wa vusa Yesu tshaloni, u tshi dzula kha inwi, inwi nga khonadzeo ni na Vhutshilo; ni tshi rangwa phanda nga Muya, u hanyisela Ipfi kha inwi, u Li tenda. Tshithu tshiñuku tshi dzulela u sukumedzela n̄ha musi tshi tshi aluwa.

<sup>206</sup> Dzhielani nzhele, ngei Pentekoste, mivhili yavho yo hanyiselwa kha Vhutshilo vhuswa. Sedzani tshivhalonyana tsha magoswi mañku.

<sup>207</sup> Naa ndi khou ni fareledza nga maandesa? [Tshivhidzo tshi ri, "Hai."—Mudz.] Sedzani, nne ndi kha ñi bva u dudela, izwo ndi, u pfa zwavhuði. Yawee, nñenñe!

<sup>208</sup> Dzhielani nzhele, vho vha vhe magoswi. Dzhielani nzhele. Fhedzi, vho vha vhe na Mashumele. Ni a vhona? Fhedzi vhothe vho vha vho dzula murahu ngomu heneffho, vha tshi ri, "Oo, nne ndi a vha ofha. Oo, nne ndi a ofha u bvela nnnda huno nda ita mbilo, ngauri, oo, avho vhabishopo vhahuluñulu na zwithu ngei nnnda. Oo, nne ndi a ofha u ralo. Avho vhotshifhe na zwithu, nne ndi a ofha u ita iyo mbilo, ndi a ofha uri ndi do ri ndo tenda Khae. Oo, ndi tou vha ndi si nga koni u ita hezwo, inwi ni a vhona."

<sup>209</sup> Fhedzi, nga u t̄avhanya, Nungo dza u t̄uñuwedza dzi a ña. Ee. Huno O itani? Ho ngo qadza fhedzi muya wavho, nga ngomu, fhedzi O hanyisa mashumele avho. Mivhili yavho yo hanyiswa. Vho vha vha si tsha vha magoswi. Vho bvela henengei nnnda vha livhana na tshifhañuwo tsha vhathu. Ee, mune wanga. "Vho inwi vhanna vha Yuda, na vho inwi vha no dzula Yerusalem!" Ngafhi, musi Nungo dza u t̄uñuwedza

dzi sa athu da, o vha a tshi tou vha mashumele. Ni a vhona? “Vhoinwi vhanna vha no dzula Yerusalem, i ri ni izwi zwi divhee kha vhoinwi, nahone ipfani maipfi anga! Avha a vho ngo kambiwa, vhunga ni tshi dzhia vho ralo.”

<sup>210</sup> Nne ndi muñwe wavho. *Itshi* ndi Itsho! Ndi do ni sumbedza tshiné tsha vha tshone. Ndi Luñwalo. *Itshi* ndi Itsho! Huno tshifhinga tshothe ndo ri, “Arali *itshi* tshi si Itsho, i ri ni ndi vhulunge *itshi* u swika Itsho tshi da.”

<sup>211</sup> “Hai, itshi ndi Itsho tshe tsha ambiwa nga muporofita Juele, ‘huno zwi do khunyelela maduvhani a u fhedzisela, u ralo Mudzimu, Ndi do shulula Muya Wanga kha ñama yothe.’” Ni a vhona, Nungo dza u tuñwedza dzi dzhena ngomu ha mashumele. Vho vha vha si tsha ofha.

<sup>212</sup> Vhañwe vha vhoinwi vhathe vthane na ofha uri muñwe musadzi u do ni sea nge na vha na mavhudzi malapfu, kana na litsha u ambara zwidolo; vhañwe vha vhoinwi vhanna vthane na ofha uri dzangano ñanu li do ni posela nnđa musi ni tshi lovhedza tshivhidzo tshanu nga ndovhedzo ya Mañwalo; ni tea u divalela lufherani lwa nga ñtha u swika Nungo dza u tuñwedza dzi tshi da. Izwo ndi zwone.

<sup>213</sup> O vha shandukisa. O vha hanyisa. O vha ita uri vha vhe vho fhambanaho. Vho vha vhe vhathe vho shandukaho, u bva tshifhingani itsho u ya phanda. O vha hanyisa, u bva kha vhutshilo ha kale ha u vha goswi, u ya kha u nga Ndau ya lushaka lwa Yuda. Vhone zwa vhukumakuma vho livhana na vhufelalutendo, vha vhambiwa kha zwifhambano, vha vhambiwa vho ganamiswa, vha fhiswa, vha poselwa bakoni la dzindau. Vho vha vha si tsha vha magoswi, malugana navho. Lufu lwo vha lu si na gundo khavho, na luthihi. Nungo dza u tuñwedza dzo vha dzi kha mashumele. Ee, muñe wanga. Dzo hanyisa muvhili wavho u faho.

<sup>214</sup> Zwino thetshellesani. Ngetshi tshiné tshithu, tsha tsumbedzo. O vha hanyisa nga maanda nga ndila ye vha swika (ni a divha uri mini?) he vha takuelwa ñtha kha mafhethu a Tađulu, huno mivhili yavho i faho ya hanyiswa nga maanda u swika luambo lwavho lu tshi shanduka. Fhedzi O...O hanyisa luambo lwavho. Izwo ndi zwe Bivhili ya amba. Huno, mivhili yavho i faho i tshi hanyiswa, luambo lwavho lwa hanyiswa. Mihumbulo yavho ya hanyiswa. Mimuya yavho ya hanyiswa. Vhutshilo havho ha hanyiswa. Vho hanyiswa, tshothe! Vho lingedza u amba, huno vha si tsha kona u amba dziñwe nyambo dzo engedzeaho dza vhathe. Vho vha vho hanyiswa nga maanda Vhuhoneni ha Mudzimu u swika vha tshi amba nga lulimi luswa, luambo lwa Tađulu. Whew! Ndi Maanda-de a hanyisaho!

<sup>215</sup> “Arali Muya we wa vusa Yesu vhafuni u tshi dzula kha inwi,” oo, haléuya, “U do hanyisa muvhili wañu u faho.” U

do ni ita uri ni ite zwithu zwe na sa zwi ite tshifhingani tsho fhiraho. Vho vha vho ḫala Maanda a hanyisaho tshifhingani itsho. Ni a vhona?

<sup>216</sup> Muvhili waṇu a u tsha langwa nga tshivhi; inwi, lutamo lwaṇu.

U ri, “Bvelani ngeno nn̄da!”

Inwi ni ri, “Valani mulomo waṇu.”

“Oo, ri na tshihulusa . . .”

“Valani mulomo waṇu.” N̄nenne, inwi ni goni!

<sup>217</sup> Naa no no vhuya na vhona uri goni la kale li tshimbila nga u dilanga hani? A li thamuwi vhunga lianga, ni a vhona, kha tshiñwe na tshiñwe tsho faho, na mutumbu wo sinaho wothe u re mavuni. Hai, muṇe wanga. Li tshimbila li tshi dihudza.

“Valani mulomo waṇu.”

“Oo, ngetshi tshiswiṭulo tshavhuđi nga *hafha*.”

<sup>218</sup> “A si tshanga. Ni a vhona, lutamo lwanga lwo no shanduka. Lutamo lwanga lwa zwiliwa ndi lwo fhambanaho. ‘Ngauri muthu a nga si tshire kha shango nga mutumbu wo sinaho fhedzi, fhedzi nga Ipfi linwe na linwe li no bva mulomoni wa Mudzimu.’” Goni la vhukumakuma lo hanyiswaho li tshila nga Heļo. Amene!

<sup>219</sup> Oo, huno O vusa Kristo tshaloni, a tshi khou dzula kha inwi, o hanyisela muvhili waṇu u faho kha Vhuhone Hawe. Inwi ni a Vhu limuwa. Inwi a ni tsha vha mu-la-zwo-sinaho. Inwi ni goni. A ni tođi zwithu zwa shango. Ni murwa na n̄wananyana wa Mudzimu. Ni munyanyani Tshisimani tshine shango la sa divhe tshithu nga hatsho. Ni khou Tshi nwa. Muñwe muthu u a divha... Shango a li divhi tshithu nga hatsho. Ni khou la Mana yo dzumbiwaho ye shango la sa vhuye la divha tshithu nga Hayo, ngauri ni goni. No hanyiselwa n̄tha hune ni nga kona u swika Khayo. Ni nga si kone u swika Khayo *hafha* fhasi, ni tea u namela *hafha* n̄tha. Ni tea u hanyiswa, u takulelwa ngei n̄tha, uri I hanyise.

<sup>220</sup> Naa vho itani? Vho amba nga luñwe luambo. Bivhili yo amba uri vho ralo. “Vho amba nga lulimi luñwe na luñwe fhasi ha Tađulu.”

<sup>221</sup> Naa ni nga elekanya iyo, iyo mivhili i faho ya kale i re ngomu heneffo, na ri, “Zwo ralo, a thi divhi zwino uri kana ndi nga tenda izwi kana hai”?

<sup>222</sup> Nga u ṭavhanya, vho hanyiswa nga maanda u swika tshivhindi tsha Ndau ya lushaka lwa Yuda tshi tshi wela ngomu havho, nga n̄tha ha iyo Khuļane i dzungudzwaho. Oo, ilo Goni li da u vhidza Vha Lone liñe! “Huno a vho ngo funa matshilo avho u isa lufuni.” Amene.

Huno hu khou yo vha na vho engedzeaho vha  
 no do nekedza malofha a vhutshilo havho  
 U itela aya Mafhongo-madjifha a Muya  
 Mukhethwa na muðalo wa luvhundi Wao.

<sup>223</sup> Huno Murwa u tea u—u dzumbululwa hafhu, kha Muselwa nga quvha la u fhedzisela; Maanda a hanyisaho a tea u da, a vha hanyisela nnnda ha idzi dinomineisheni na dzindaela, kha Ipfi li tshilaho la Mudzimu a tshilaho. Oo!

<sup>224</sup> Hai, O vha hanyisela kha Vhutshilo vhuswa. A ri itela zwenezwo zwithihi zwino. Dzhielani nzhele, tshifhingani itsho, vho vha vho hanyiswa kha ayo Maanda a hanyisaho! Zwino ndi...

Thetshelesani nga vhuronwane zwino. Nne ndi khou lingedza u ni sumbedza.

<sup>225</sup> Maanda a hanyisaho o vha a si tuyani wavho fhedzi, fhedzi O vha e hothe-hothe khavho. O...A si Nungo dza u tuþuwedza dici dzhenaþo fhedzi, u hanyisa, fhedzi Dzo hanyisa mashumele. Naa ni a vhona zwine nda khou amba? Vho vha vho hanyiswa nga maanda u swika ndimi dzavho dici tshi thoma u amba nga luñwe luambo. Vho vha vho hanyiswa nga maanda nga Maanda a muwo ya Kristo, u swika vha tshi vhea zwanda zwavho... Vho vha vho hanyiswa nga Maanda a hanyisaho, u swika, musi vha tshi vhea zwanda kha vhalwadze, vha vha na mutakalo. “O hanyisa muvhili u faho wañu.” Vho fhodzwa, nga u vhewa nga tshanda tshavho.

<sup>226</sup> Huno Muya wo hanyisa vhutama havho na Mudzimu, u swika na vhone vho hanyiselwa nga maanda ngomu ha Vhuhone ha Mudzimu u swika, musi muthu o fa huno maya wawe wo no di tuwa, U tshi mu vhidzela murahu kha vhutshilo hafhu. Amene! Vhugala! Zwino ndi khou pfa ndi wa vhurereli.

<sup>227</sup> Izwo ndi zwone, ro hanyiswa! Muwo Yawe yo vha i si ya Ene muñe fhedzi, fhedzi ya ane a funa, kha iyí Mbeu yo tiwaho i re heneffho. U hanyisa, u hanyisa muvhili u faho!

<sup>228</sup> Vho vhea zwanda kha vhalwadze; vha fhola. Vho rabela; Muyani vho vhona bono, vha vhidza vhafu vha dovha vha vha na vhutshilo. Izwo ndi zwone. “Wo hanyisa muvhili wavho u faho.”

<sup>229</sup> Arali U tshi da ngomu hanu; arali zwi tshi vha nga u ralo... Zwino, inwi ni nga di amba uri zwe ralo; fhedzi arali zwi tshi vha nga u ralo, izwi zwiga zwi do tevhela zwezwo, inwi ni a vhona. “U hanyisa muvhili wañu u faho.” U do ni hanyisa.

<sup>230</sup> Zwino, dzhielani nzhele, u hanyiswa Vhuhoneni ha Mudzimu. Ndi ngani? Ho vha hu Muya wa Mudzimu we wa vusa Yesu tshaloni. Huno, Muya wa Mudzimu, “Ndi vha nea Vhutshilo Vhu Sa Pheli,” li bva kha ipfi la Tshigerika, arali no li sedza, Zoe, une wa Vhu tshimbidza nga kha inwi huno zwenezwo ha hanyisa (yavho) na þhalukanyo yavho.

<sup>231</sup> Zwino sedzani. Naa ni nga kona hani u ri uyo Muya u dzula kha inwi? Naho no ita tshiñwe na tshiñwe tshe na elekanya uri tsho luga, ngovhu vhuñanzi hanu ha uri kana ni Nawo kana hai. Arali Muya we wa vha u kha Kristo u kha inwi, U a ni hanyisela kha Ipfi, ngauri ndi Ene Ipfi. Huno arali zwi two, fhambanaho, zwi tshi ni hanyisela kule na Ipfi, zwenezwo a si Muya wa Kristo! . . . a thi londi zwe na ita, u swika Uyo u tshi ni sudzulusela kha Ipfi. “Nngu Dzanga dzi pfa Ipfi Langa, huno do tshila nga Ipfi linwe na linwe,” Ipfi linwe na linwe! Ndo vha ndi tshi khou amba nga ha hezwo lila duvha.

<sup>232</sup> Mme anga, vho no tuwa zwino, huno vho vha vhe musadzi a sa pfeseswiho nga maanda. Huno vho vha vho ralo, ni a divha, vha tshi nga Muindia hafu, huno vhe vha sa pfeseswiho. Fhedzi ngomu henefho vho vha vhe muthu we a vha a sa lori. Fhedzi a thi elekanyi. . . Vho vha na miloro miña kana miñanu, vhutshiloni havho hothe. Fhedzi tshifhinga tshiñwe na tshiñwe vho lora muloro, wo vha u wa ngoho. Vho vha vhe na muloro, wo vha u wa ngoho.

<sup>233</sup> Ndi elelwa nga tshiñwe tshifhinga musi ndi tshi thoma u rera, miñwaha minzhi yo fhiraho. Ro vha ri tshi khou dzula henefha ntha ndilani, henefho nga ntha ha hafha. Ndo vha ndi tshi khou rera henefha kha itshi tshividzo. Huno vha lora muloro, wa uri ndo vha ndo ima hafha nga thungo ya zwięepisi zwiraru. Huno ndo vha ndo ima, ndi tshi khou rerela muńwe na muńwe, uri vha fanela u gonya izwi zwięepisi zwiraru vha sa athu kwama gondo. Huno gondoni hu na mutalo mutshena mułuku u no nga perela, u tshi gidimela ngomu ma—ma—mahothini a Taqulu, u tshi ya kha khoro ya perela. Huno iyo perela yo no tharamudzelwa kha thodzi ya izwi zwięepisi. Arali uyo u si Mulaedza wanga kokotolo ńamusi; u itwa vho lugaho, khethefhadzo, ndovhedzo ya Muya Mukhethwa! Huno ndo vha ndi tshi khou amba zwauri muthu u tea u da nga izwi zwięepisi zwiraru, uri a kone u tshimbila kha ilo gondo. Huno nda amba zwauri. . .

<sup>234</sup> Ho vha na mufumakadzi we a fhira. Zwino, inwi ni a divha lushaka lwa zwienda zwe vhatu vha vha vha tshi ambara miñwaha ya furaruñhanu yo fhiraho. Ho vha na mufumakadzi we a fhira, o vha o ambara phere khulukhulu vhunga ine vha i ambara ńamusi, zwienda zwa miłokela. Huno a fhira. Huno nda ri, “Imani lwa muniti, khaladzi. Ni nga si kone u tshimbila kha ilo gondo nga hezwo.” Huno nda ri, “Inwi—inwi, inwi ni nga si kone u ita hezwo.”

<sup>235</sup> Huno a ri, “A!” A ri, a sedza u mona hothe kha vhańwe vhasadzi vhothe, a ri, “Ni songo mu tenda. Ndi munna a pengaho. Ni a vthona? Ni songo mu tenda. Ndi do ni sumbedza uri ndi nga itwa o lugaho, nda khethefhadzwa, huno nda dala Muya Mukhethwa, huno nda di tshimbila hafho.” Huno ene. . . Nda mu litsha fhedzi a tuwa. A tho ngo kona u ita two

engedzeaho nga hazwo, a tho ngo kona u mu imisa. Huno a fhufhela n̄ha gondoni. Huno a sedza murahu kha murathu, a ri, “Vhonani, ndo ni vhudza!” A thoma u gidima n̄ha, huno a . . .

<sup>236</sup> Inwi ni a divha, vhunga Bivhili yo amba, kha Yesaya, ndima ya vhu<sup>5</sup>, zwauri vha <sup>do</sup> vha na “mitsinga yo tatamudzwaho.” Vha tea u ralo; vho tshingamela nga hangei, ni a vhona. “Vha tshi ḥonga musi. . .” Vha tea u ralo, vha tea u thwista, “Vha tshi khou ḥonga musi vha tshi khou tshimbila, vha tshi lidza zwirethe zwavho; ni a vhona, vhananyana vha Tsioni nga ḫuvha la u fhedzisela.”

<sup>237</sup> Huno a thoma u gonya ilo gondo, a tshi gidima nga maanda u ya nga he a kona. Huno, nga murahu ha tshifhinganyana, ndila ya thoma u vha tsekene na u vha tsekene. A thoma u suvha, a tshi khou ḥonga nga ndila iyo, huno a mbo di vha o ḥuwa.

<sup>238</sup> Huno mme vha ri, “Nzhambo dzo vhifhesaho dze nda vhuya nda dzi pfa vhutshiloni hanga, ho vha hu uyo musadzi a tshi wela ngomu ha idzo khavhu na vhutsi, a tshi khou tsa phasi, phasi nga u ralo.” Ha pfi, nda “rembuluwa u mona hothe huno nda ri, ‘Ni a vhona?’”

<sup>239</sup> O tou thetshelesa tshiñwe na tshiñwe nga nn̄da ha Ipfi lithihi, ni a vhona, tshiñwe na tshiñwe nga nn̄da ha Ipfi lithihi. Ngoho, vhasadzi vha Pentekoste vha nga kona u tshidzwa, vha khethefhadzwa, huno vha ḫala Muya Mukhethwa, huno zwenezwo vha kundelwa. Zwa vhukumakuma. “Muthu a nga si tshile nga tshinnkwa fhedzi, fhedzi nga Ipfi liñwe na liñwe li bvaho.” Ni a vhona? Ni a vhona? Huno o Li kundela. Huno vhunga ndo amba, ni a vhona, o vha a tshi <sup>do</sup> vha o bvela phan̄a a dzhena ngomu, zwo luga, fhedzi, ni a vhona, o kundelwa u thetshelesa; ndi tshi mu vhudza zwe zwa vha zwi phanda. Huno O nwala Mafhungo-madifha nga vhafunziwa, vhaapostola, na Pfunzo ya vhaapostola na vhaporofita, na vhariwe-vho, huno a vha nga thetshelesi.

<sup>240</sup> Zwino dzhielani nzhele aya Maanda a hanyisaho, Zoe, a tshi disa Ipfi, muhumbulo we wa vha u kha Kristo wo vha u kha inwi tshifhingani itsho. Ndi khou lingedza u ni sumbedza, uri, inwi, musi ni tshi vuwa. Musi Mudzimu a tshi vusa Yesu vhafuni, O ni vusa, na inwi. Huno no hanyiselwa kha Vhutshilo, Nae, inwi zwino ni khou hanyiselwa kha Vhutshilo, naho hu uri tshifhingani itsho no vha ni tshiataluli kha mihibumbulo Yawe, fhedzi Mudzimu o vhona vhothe vhe Khae, kha u vuledza, ni a vhona. Musi Mudzimu a tshi sedza fhasi kha muvhili. . .

<sup>241</sup> Muya wo Mu ḫutshela, Ngadeni ya Getsemane. O do tea u fa, muthu. Elelwani, dzikhonani, O vha a sa tei u ita hezwo. Uyo o vha e Mudzimu. Mudzimu o dolisa iyo ḫama, ye ya vha i ḫama ya muthu. Huno Ho ngo. . . Arali O vha a tshi <sup>do</sup> vha o

gonya ngei nthā, vhunga Mudzimu, O vha a tshi do vha a songo fa ulwo lushāka lwa lufu; ni nga si kone u vhulaha Mudzimu. Fhedzi O vha a sa tei u zwi ita.

<sup>242</sup> Fhedzi, elelwani, O ya ngei na inwi ni Khae. Ni a vhona, Mudzimu na kathihi ho ngo fhandekanya Muselwa na Muhwe, nangwe. Ngauralo musi Mudzimu a tshi sedza fhasi kha muvhili wa Kristo, O vhona wa tshinnani na wa tshisadzini vhuvhili havho. Vhothe vho vha vho rengululwa kha uyo muvhili muthihi. Ni a vhona? Ndi vhathihi, Ipfi lenelo lithihi, lenelo lithihi. Ipfi lenelo lithihi, lo amba nga ha Muhwe, li amba nga ha Muselwa.

<sup>243</sup> Zwo ralo, naa Muselwa a nga da hani, huno a kundelwa u vhonadza tshinwe na tshinwe tsho fulufhedziswaho nga ha Ene; huno Muhwe u a da, huno Ha nga vhi Muselwa? Fhedzi musi O ita tshinwe na tshinwe, na u zwi sumbedza nga u vusa Ene muñe vhafuni, ngavhuya, zwenezwo ene—ene Muselwa ha tei u ita zwenezwo zwithihi, a tea u vha kokotolo zwe Ipfi la amba uri U do vha zwone mađuvhani aya a u fhedzisela? Naa Ha tei u vhuya nga kha Maleaxi 4? Naa Ha tei u vhonadzwa vhunga zwe zwa vha zwi zwone mađuvhani a Sodoma? Naa shango a li tei u tou vha kokotolo nga ndila ine la vha ngayo? Naa izwi zwithu a si thaluso yo fhelelaho ya Ipfi la Mudzimu li tshi divhadzwa kha riñe?

<sup>244</sup> Zwo ralo, dzikhonani, ndi a zwi divha uri nne ndi khou ni fareledza, ho sala miniti ya fumiñhanu u swika kha tshiswituño, fhedzi khamusi ndi do fhedza nga itsho tshifhinga. Fhedzi dzhielani nzhele, sedzani hafha, ndi tshithu tsho fhelelaho-de tshine tsha vha tshone. A thi divhi uri ndi do ni vhona hafhu lini. Ni a vhona?

<sup>245</sup> Sedzani, dzhielani nzhele itshi. Fhedzi Mudzimu o vhonela phanda Muselwa kha Muhwe. Haleluya! Ni a vhona, u tshidza Mufumakadzi Wawe, vhunga Adamu, O do tea u tuwa Nae. Adamu o zwi divha zwe a vha a tshi khou zwi ita; Efa ho ngo zwi divha zwe a vha a tshi khou ita, fhedzi Adamu o tshimbila nnda na mufumakadzi wawe. Ni a vhona? Huno Yesu o dzhia fhethu ha Mufumakadzi Wawe huno a vha tshivhi u itela Ene. Elelwani, O vha inwi, O kondelela phanishimennde yanu, uri inwi ni kone u ima fhethu Hawe. O ima fhethu hanu, uri ni kone u ima fhethu Hawe. Ndi lufuno-de nandi! Ndi vhuñama-de nandi! Naa ri nga zwi hana hani? Naa ri nga ita hani tshinwe tshithu nga nnda ha u Mu funa, khonani? Ndi nga twa khazwo lwa dziawara, fhedzi kha ri bvele phanda zwiñuku.

<sup>246</sup> Vhunga tshenzhemo ya pentekoste ñamusi, na u da ha Muya Mukhethwa kha haya mađuvha a u fhedzisela, vhunga zwo fulufhedziswa, zwi nga manweledzo a liñwalo la vhunę. Ni a vhona?

<sup>247</sup> Zwino, inwi ni nga wana liñwalo. Ngoho. Ni a vhona? Inwi ni nga wana liñwalo kha fhethu, fhedzi ilo li kha di vha li

sa ambi uri ndi hanu. Hai, muñe wanga. Muñiwe muthu ngei murahu hangei a nga da huno a hu vhila. Fhedzi musi ni tshi wana manweledzo, iyo i sumbedza uri tshiñwe na tshiñwe tshe tsha vhuya tsha hanedzana nayo tshi a thuthiwa, murahu thwii u bva kha theo. Naa izwo ndi zwone?

<sup>248</sup> Huno musi munna o amba uri u tenda Ipfi, huno zwenezwo musi Muya Mukhethwa u tshi da, Ndi manweledzo a liñwalo. Huno izwo zwi ni nea thendelo, musi ni na ayo manweledzo, uri tshipida tshiñwe na tshiñwe tsha hezwo ndi tshanu, nahone tshiñwe na tshiñwe khao ndi tshanu. Amene! Huno izwo zwi ri nea manweledzo, musi Muya Mukhethwa u tshi da kha ili liñwalo la vhunę le Mudzimu a li vhona hangei murahu shango li sa athu tehwa, huno a vhea dzina lalwo kha Bugu ya Vhutshilo; fhedzi la bebwā nga kha munna na musadzi, nahone la langwa nga tshivhi, nahone la vha na mulandu wa tshivhi. Fhedzi musi ndo tenda Khalo, ndo tanganedza vhunę; fhedzi musi Muya Mukhethwa u tshi da, Wo vha u manweledzo a uri tshiñwe na tshiñwe tshi hanedzanaho na nne, arali kana mme anga vho zwi ita, khotsi anga vho zwi ita, makħulu wanga vha mukegulu vho zwi ita . . .

<sup>249</sup> Vhunga ñwana muñuku, wa tshifakhole we nda mu rabelela, miniti i si gathi yo fhiraho, a ðaho nga kha vhomakhulu. Tshifakhole tsho wela phasi, nahone kha ñwana, nda amba.

<sup>250</sup> Fhedzi musi manweledzo o no da, Wo thutha, ya sia tshiñwe na tshiñwe. Nne ndi muñe wa manweledzo tshifhingani tshenetsho. Amene! Huno sa ngoho vhunga Muya wo vusaho Kristo vhafuni, ndi na manweledzo a vhunę a uri nne ndi tshipida tsha uyo Muvhili, nga manweledzo a Muya Mukhethwa a tshi ita uyo muvhili wa Ipfi u tshila kokotolo vhunga Wo ita Khae, vhunga O fulufhedzisa nga ðuvha la u fhedzisela. Manweledzo! Zwivhi zwanga zweþhe zwe thuthiwa, zwivhi zwanu zweþhe zwe thuthiwa, nga Malofha a Yesu Kristo, huno Muya Mukhethwa u da sa manweledzo a liñwalo la vhunę le Mudzimu a nneña nga tshilidzi, nga u ðivhela phanda. Yawee, nnenñe!

<sup>251</sup> Naa ni tshuwiswa nga mini? A zwi mangadzi O ri, “Ni songo ofha; Ndi nne Ene we a vha o fa huno a tshilaho hafhu; huno Nne ndi a tshila lwa lini na lini; huno ndi na khii dza lufu na vhudzulavhafu.” Ni songo vhilaela nga tshithu. Na lufu a lu khou yo ni vhaisa. Dzhielani nzhele. Zwo naka!

Kha ri Ḷavhanye zwino.

<sup>252</sup> Ndi manweledzo a liñwalo! Mulandu wo lixwa. Tshiñwe na tshiñwe tshi hanedzanaho nawo tsho thuthiwa. Ha-ha-ha! Vhugala! Ndi nga di ita zwa vhutsilu, fhedzi ndi pfa ndi wavhudzi. Dzhielani nzhele. Ni a vhona? Oo, vhunę ha manweledzo, naa ni a limuha zwine iyo ya amba? Naa ni a limuha zwine iyo ya amba, mukomana? A hu na tshithu tshine tshi nga i dzhia kha inwi. Amene. Nne ndi muñe. Amene. Mini . . .

<sup>253</sup> Vhuṇe vhufhio? Ndo no vhulungela muļaifa wanga, wa lufu Lwawe, u swiṭwa, na mvuwo. U vha nne, uri ndi vhe Ene. Zwino, O vha muitazwivhi, uri ndi kone u vha murwa, amene, huno nda fara vhuṇe ha manweledzo. “Ngauri izwi zwiga zwi do tevhela avho vha no tenda,” ni a vhona, vhuṇe ha manweledzo!

Zwino nga u ṭavhanya, hu sa athu... Ri na miniti i ṭodaho u swika ya fumi yo engedzeaho.

<sup>254</sup> Kha ri dzhiele nzhele zwino, nga u ṭavhanya, u hanyisa ha Muya. Ndi khou yo ni sumbedza zwiñwe zwiga uri ni pfesese. Sedzani, zwino sedzesani zwe, aya “Maanda a hanyisaho” a vha e thoho yanga. Nga murahu ha musi Murwa o no vuwa, sedzani uri O ita hani khavho ngei Pentekoste, zwe A ita khavho, zwe ayo Maanda a hanyisaho a ita khavho. O vha hanyisa.

<sup>255</sup> Zwino kha ri dzhiele nzhele zwe A ita kha Stefano. Stefano o vha o dala Maanda a hanyisaho. Naa izwo two vha zwi si zwone? Ni a vhona, o vha o dala Maanda a hanyisaho. Ho ngo mu ita uri a tshuwe. O ri, “Vhoinwi vha mitsinga yo omaho nahone vha songo rubiswaho mbiluni na dzindevheni, vhoinwi tshifhinga tshothe ni pikisa Muya Mukhethwa; vhunga vhokhotsi aṇu vho ita, na inwi ni a ita. Naa ndi ufhio wa vhaporofita we a sumbedzisa u da ha O Lugaho, we vhokhotsi aṇu vha sa mu kande nga matombo?” Yawee, nnenne! Vho ita tshiñwe tshithu khae. Ngoho, o vha o dala Maanda a hanyisaho.

Huno vha ri, “Ri do sunda uyo munna!”

<sup>256</sup> Huno musi a tshi fa, vho mu kanda nga matombo; huno thoho yawe ṭhukhu i ṭungufhadzaho, matombo a tshi khou i devha nga u ralo. A sedza nt̄ha huno a ri, “Ndi vhona Maṭadulu o vulea.” Maanda a hanyisaho o vha a tshi khou shuma. “Ndi vhona Maṭadulu o vulea, huno Yesu o ima kha tshanda tsha u la tsha Mudzimu.” Izwo ndi zwe Maanda a hanyisaho a itela Stefano.

<sup>257</sup> Dzhielani nzhele muniwe muthu, o vha e na aya Maanda a hanyisaho, dzina ḥawe lo vha li Filipo. O vha o dala nga maanda Maanda a hanyisaho. Ô vha e na muṭangano muhuluhulu fhasi ngei Šamaria. Vhodiabolo vho vha vha tshi khou pandelwa. Vhathu vho lovhedzwa nga Dzina la Yesu Kristo. Vho vha vhe na muṭangano wa vhukuma. Huno Muya wa amba nae, oo, dzone—dzone Nungo dza u ṭuṭuwedza dza tsela fhasi, huno Dza ri, “Tutshela iyi mvuseledzo.” Fhedzi vhashumeli vha do ri mini? A zwi iti phambano zwine vha amba. Ni a vhona? O vha o dala Maanda a hanyisaho. O vha e na piṭirolo, na dzone—dzone Nungo dza u ṭuṭuwedza dzi tshi khou wela khae. Ha pfi, “Ibva u ye phangani.”

<sup>258</sup> Huno a wana khombe henengei, huno a i lovhedza nga Dzina la Yesu Kristo; munna muthihi, we a isa Mulaedza fhasi ngei Ethiopia. Izwo ndi zwone? Huno o thetshelesa Mudzimu.

<sup>259</sup> Nga u thetshelesa Mudzimu, arali ni sa athu lovhedzwa nga Dzina la Yesu Kristo na kathihi, zwi iteni, huno ni sedze Maanda a hanyisaho a tshi ni takula-ha. Ni a vhona?

<sup>260</sup> Musi Stefano o no ita itshi tshithu tshihulwane...kana, hu si Stefano. Fhedzi Filipo o ita itshi tshithu tshihulwane, u tutshela iyo mvuseledzo khulwane huno a thetshelesa milayo ya Mudzimu, musi o khunyeledza, nga u dadza...Nga u lovhedza iyi khombe, a tshi thetshelesa Mudzimu, o vha o dala nga maanda Maanda a hanyisaho u swika A tshi mu ḥuwisa. “A do hanyisa muvhili waṇu u faho, arali uyu Muya we wa vusa Yesu vhafuni.” Wo hanyisa Filipo u swika a si tsha vhonwa khamusi maela dza dana na dza fuṭhanu, nga hangei huṇwe fhethu-vho, nga hangei kha liṇwe shango. O hanyisa muvhili wawe u faho. Naa o zwi ita hani? O vha o ḫala nga maanda Maanda a hanyisaho.

<sup>261</sup> Oo, Tshivhidzo tsha Mudzimu a tshilaho, ri nga si kone u ima u mona hafha nga n̄thani ha vhadzia-u-diphina vhanne ra khou vha lela u mona hafha ḥamusi. Ri tea u dala ra rabela ra vuledza, nga Maanda a hanyisaho, u swika kha u hanyiswa nga Muya Mukhethwa! Ri tea u ḥuwisa, liṇwe ḫuvha, kha uho U Takulelwa Ṭaḍulu hangei. Ee, muṇe wanga. Amene! Yawee, n̄nenne!

<sup>262</sup> Mpfareleni ilo liambele. Ndo vha ndi tshi khou elekanya nga ha mme vha no ita izwo zwisagana, zwe ra vha ri tshi anzela u ralo, u itela lushie. Vhaṇwe vha vhoiṇwi vhomme vha kale ni a zwi elelwa. Lushie luṭuku lwa kale lu swika hune lwa tzhema; inwi ni dzhia maṭete a gofhi na tshugela, na zwi putela nga kusagana huno na ita uri lu ku mame, u itela fhedzi u lu fhumudza. A hu na nungo kha hezwo. Zwi do mu vhulaha. Ni a vhona? Iyo khafeini ya kale ngomu heneffo, na zwithu, zwo difhiswaho zwiṭuku u lu ita uri lu zwi mile, zwi khou dzhenisa khafeini khae.

<sup>263</sup> Ro neta nga zwithu zwi no nga hezwo. Humelani murahu! Ni magoni; murahu kha Ipfi la Mudzimu! Ivhani o khwaṭhahoh; a hu na tshire tshi nga vhaisa vhudipfi hanu, ngauralo-ha no vhofholowa kha zwitshele zwa muthu. Tshiṇwe na tshiṇwe tshire nnyi na nnyi a tshi amba tshi hanedzanaho na inwi, itsho tshi disa fhedzi lufuno lwo engedzeaho. Amene. Huno, Maanda a hanyisaho, no ḥuwisa na dzheniswa ngomu ha Maṭaḍulu, goni lo no fhufhāho nga n̄tha ha zwikukwana, kule ngei n̄tha kha mafhethu a Ṭaḍulu kha Kristo Yesu! Oo!

O vha e kha Filipo. Ayo o mu hanyisa, a mu ḥuwisa.

<sup>264</sup> Kha ri dzhie muṇwe munna. Ho vha hu na munna we dzina a vha a tshi pfi Enokho. Zwino, o vha o tshimbila na Ipfi la Mudzimu liṇwe na liṇwe, lwa miṇwaha i ṭodaho u swika madana maṭanu. O vha e na vhuṭanzi, ha uri, “Nne na kathihi a thi athu kundela Ipfi Ṭawé nga tshiṇwe tshifhinga.” O ḫala nga maanda Maanda a hanyisaho musi Nungo dza u ṭuṭuwedza

dzi tshi mu kwama, kha ayo Mashumele, nahone ho ngo vhuya a tea u fa; o tou ya Hayani. O tou thoma u tshimbila. Ene nga maanda o... Vhunga Filipo, o dala nga maanda Maanda a hanyisaho, vhudzuloni ha u ya ngei Gaza na u ya huñwe fhethu, he, vha mu wana n̄tha kha khunzikunzi dza n̄tha henengei. Vhudzuloni ha iyo ndila, o tou tshimbila, oo, a ri, "Nñe ndi munna wa kale, nahoh zwo ralo. Ndi tou vha na Maanda a hanyisaho manzhi, ndi do tou bva heneffo kha lifhasi nga u tou tshimbila."

<sup>265</sup> Ayo ndi eneo Maanda a hanyisaho mathihi ane ra vha nao zwa zwino. Ni a vhona, A do hanyisa muvhili wañu u faho. Naa izwo a si zwone? Ndi Maanda a hanyisaho.

<sup>266</sup> Enokho, e na uvho vhuñanzi ho fhelelaho, ha uri, "Tshiñwe na tshiñwe tshe Mudzimu a mmbudza uri ndi tshi ite, ndo tshi ita. Tshiñwe na tshiñwe tshe nda tshi vhona tshe A ri n̄ne ndi tshi ite, ndo tshi ita." Huno u vha o ñalahlo nga maanda nga—nga Nungo dza u tuñuwedza, kana—kana Mashumele, u swika, musi Maanda a hanyisaho a tshi mu kwama, Mashumele, A tou mu takulela heneffo n̄tha. O tshimbila a bva kha lifhasi, a dzhena ngomu Tađulu.

<sup>267</sup> Zwino, zwino dzhielani nzhele, kha Eliya. Nga murahu... Sedzani, Eliya, uyo muporofita muhulwane, munna nga duvha lawe. Pfarelo. Mukomana, khaladzi, nga ilo duvha o thuthubisa avho vhasadzi vha zwifhañuwo zwo penndwaho, avho Vhojesebele na Vhoahaba. Huno o ima u swika... Huno a hu na muthu, we a vha a tshi nga, o ima nae. Huno o kaidza, huno a tshinyadza, huno a ima heneffo nn̄da, huno Mudzimu o mu londa nahone a mu thusa fhethu huñwe na huñwe. Ni a ñivha, muthu wa kale o mbo neta ñiñwe duvha. A ri, "Nñe ndi khou vha wa kale, ngauralo a thi tou kona u ya phanda." O vha a tshi khou bvela phanda, ndi a humbulela, e na miñwaha ya fuñahe; e wa kale vhukuma, huno a tshi khou tshimbila u mona heneffo, huno o vha o ñalahlo nga maanda Maanda a hanyisaho. Ni a ñivha uri mini? O sedza seli ha Yorodane.

Oo Mudzimu! Ndi kona kañkuñuku u vhona kha ñiñwe sia. A ni koni?

<sup>268</sup> O ñalahlo nga maanda Maanda a hanyisaho, u swika, a tshi vhona goloi yo hungiwaho heneffo, dzinwe bere dza Mulilo na goloi ya Mulilo, yo hungiwaho kha muri heneffo. O tou pfuka mulambo huno a ya Hayani, hu si na u fa. Maanda a hanyisaho a ruma, a vhangela goloi u tsela fhasi i tshi bva Tađulu huno ya mu takulela n̄tha. Nahone ya doba badzhi yawe huno ya i posela murahu u itela Eliya. Izwo ndi zwone.

<sup>269</sup> Zwino, zwenezwo uyo muthu a doba iyo nguvho, tshifanyiso tsha Tshivhidzo hafhu, ni a vhona, a doba iyo nguvho. Zwino, o ita madembe kavhili, zwine zwa vha uri ndi tshifanyiso tsha Kristo na Tshivhidzo. Ni a vhona? Eliya o ita

maña; ene o ita a malo. Ni a vhona, zwino, o vha—o vha e na maanda kavhili, ngauri o a humbela. “Zwithu zwihiwlwane u fhira izwi zwine Nda ita ni do ita-vho.” Ni a vhona? Fhedzi o vha o dala nga maanda Maanda a hanyisaho, na tshinwe na tshinwe, u swika o no ita izwi zwe the, kavhili, zwe Elisha a ita, u fhira zwe a ita. Huno dzhielani nzhele, o tshila vhutshilo vhu re nt̄ha u swika a tshi ḥoda u vha na miñwaha ya fumalo kana fuṭahe, o kalaha huno a—a fa. O fa, huno vha—vha mu bvisa huno vha mu swita.

<sup>270</sup> Ni a divha, zwo ralo, ayo Maanda a hanyisaho ho ngo mutshela. Miñwaha minzhi, minzhī nga murahu ha hezwo, musi ñama yo no sinisa tshoþe marambo awe, o vha e vhidani. Huno vho vha vho hwala munna o faho liñwe duvha, huno vha vhona swina, huno vho tou posela úyu münnna ngomu ñtha ha marambo a Elisha. Ho vha hu na Maanda a hanyisaho manzhisa kha ayo marambo u swika uyo munna a tshi fhufhela vhutshiloni hafhu. Oo!

<sup>271</sup> “A do hanyisa muvhili waṇu u faho.” Naho o fa nahone o sina tshaloni, huno naho zwō ralo ayo Maanda a hanyisaho o vha e kha iyo tshika. Haleluya! Uh! “Uyo wé a vusa Kristo vhafuni u hanyisa na muvhili waṇu u faho.” Ene Eliya ngei murahu. Elisha na Eliya . . .

<sup>272</sup> Elelwani, uyo munna o faho, uyo muporofita, o dala ayo Maanda a hanyisaho, e tshaloni nahone o sina; ho vha hu na Maanda a hanyisaho manzhisa, u swika, vha tshi posela munna o faho khae, a da kha vhutshilo. O vha a tshi kha di kona u vheea zwanda khâ vhalwadze. Ho ngo kona? Amene. Khezwo.

<sup>273</sup> Huno elelwani, riñe ri ñama ya ñama Yawe, Yesu Kristo. “Riñe ri ñama ya ñama Yawe, na marambo a marambo Awe.” Oo, a hu na ndila ya u bva khazwo. Ri khou yo vuwa, huno ndi zwenezwo fhedzi. Inwi ni khou yo vuwa, ndi zwenezwo fhedzi.

<sup>274</sup> Mwuwo i amba zwo engedzeaho u fhira maitele fhedzi. Nahone zwino yo ralo, ngauri mivhili yashu i hanyiswa Nae huno ro dzula kha mafhethu a Tadulu.

<sup>275</sup> Huno uyu muvhili u nga di sina lwanzheni; u nga di sina mavuni; hu nga di si vhe na lēbuladzwa ya milora; fhedzi u khou da. Ngauri, Muya we wa vusa Murena wanga vhafuni wo hanyisa uyu muvhili u faho. Wo hanyisa muvhili wañu u faho. Nahone ri mañaifa a muwo Yawe, pholisi Yawe ya Vhutshilo Vhu Sa Fheli ine nda ambesa nga hayo, ni a ñivha. A zwi mangadzi O ri, "Ni songo ofha." U do zwi ñivha.

<sup>276</sup> Ngauri vhunga Paulo o ri, "Lufu, naa luvholela lwau lu ngafhi? Tshalo, naa gundo lau li ngafhi? Nqe ndo dala Maanda a hanyisaho. Ndivhuwo kha Mudzimu, A no ri qea gundo nga kha Murena Yesu Kristo washu." Ee, mune wanga! Maanda a hanyisaho. Yawee, nnenne!

<sup>277</sup> U a tshila u swika lini na lini, “a sa shanduki mulovha, namusi, na lini na lini.” Vhaheberu 13:8. Dzhielani nzhele, M̄esia, Uyo o doliswaho; na Muselwa Wawe o ralo, Vhomesia, ni a vhona, Uyo o doliswaho.

<sup>278</sup> Dzhielani nzhele, lufu a lu imisi Maanda a hanyisaho a Mudzimu. Lufu lu nga si kone u A imisa. Musi ni Nao, Ndi a U Ya Nga Hu Sa Fheli. A hu na tshithu tshi no khou yo A imisa. Inwi ni nga si kone u A pana; inwi ni nga si—nga si ite tshithu Khao. Inwi ni do tshila vhutshilo hanu ha fhela, izwo zwi kha di vha zwi sa A imisi; a tou vha avhud̄i u tou fana na zwe A vha e zwone.

<sup>279</sup> Dzhielani nzhele, Mushe o dala ayo Maanda a hanyisaho. Naa o vha o ralo? O vha e muporofita we Ipfi la da khae. O vha e tshipida tsha Ipfi. O vha e Ipfi la ilo duvha. Naa izwo ndi zwone? Huno nga murahu ha musi o fa, lwa miñwaha ya mađana a malo; kha Thavha ya Phenyiso, o vha o ima heneffho, e na Eliya. Naa ndi zwone? Maanda a hanyisaho, lufu a lu A t̄usi na kathihi. Hai, hai. “Ndi do u vusa hafhu.” Vharuñwa vha a da; vha mu swiña phasi heneffho govhani. O vha o no sinā nahone a si tsheeteo, marambo awe o vha a si tsheeteo, na tshiñwe na tshiñwe-vho, fhedzi Maanda a hanyisaho o vha a tshi kha di vha heneffho. O mu hanyisa huno a mu disa. Huno o vha e heneffho, o ima heneffho. Dzhielani nzhele.

<sup>280</sup> Inwi ni ri, “Naa izwo ndi zwone, Mukomana Branham, nga murahu ha miñwaha ya mađana a malo?” Yawee, nn̄enñe!

<sup>281</sup> Arali ni tshi do vhala kha Mateo, ndi na Luñwalo, Mateo 27:51. Inwi ni nga ñwala, na lu ñwala phasi. Musi avho vhothe ngei murahu, vhe vha tenda uri U do da... Bivhili yo amba hafha, nga murahu ha musi O no da, vho vha vho edela mavuni. Maanda a hanyisaho o vha e khavho, nahone vho vha vhe tshipida Tshawe, avho vhakhethwa. Vho vha vhe tshipida Tshawe, ngauri vho tenda Khae.

<sup>282</sup> Nga khonadzeo vho vha vhe na uvho Vhutshilo, nga kha tshiñhavhelo tsha nngu, tshipfumelo, tshe na kathihi tsha vha tshi si nga vhuisi muya wa nngu murahu kha muthu. Hani-ha nga ha zwino nga Muya wa Muthu, Mudzimu Ene muñe, kha inwi, ni a vhona, ri na Maanda a hanyisaho o engedzeaho mangafhani! Fhedzi nga kha tshipfumelo tsha tshivhi ngwana yo netshedzwa, nga tshifanyiso. Tshine ra vha natsho a si tshifanyiso; ndi tshifanyiso tshi sa ngiho itsho. Naa ri tshuwiswa nga mini? Huno avho vhatu vhe vha vha vhe na tshifanyiso fhedzi, tsho sumbahō kha mvuwo Yawe, huno vha tsela phasi ngomu tshaloni natsho.

<sup>283</sup> Vhunga Yobo ngei murahu e phasi ha maneto mahulwane awe, nn̄enñe, o dzhielwa tshiñwe na tshiñwe! Diabolo o ri, “I ri ndi vhe nae. Ndi do mu ita uri a U seme kha tshifhañuwo Tshau.” Huno zwenezwo a vhofholowa.

<sup>284</sup> Ha pfi, “U songo dzhia vhutshilo hawe.” Huno o ita (ene) zweþe nga nnða ha u dzhia vhutshilo hawe.

<sup>285</sup> Huno mufumakadzi wawe na ene a mu ɻanutshela. A ri mufemo wawe wo no vha usili khae. Nga mañwe maipfi, ha-ha nga vhi na mushumo nae. Ho ngo vhonala a tshi kha ði mu funa, o tou mu sukumedzela kule. “Yobo, ni a ɻungufhadza! Ndi ngani ni sa tou sema Mudzimu, huno na fa?”

Ha pfi, “Inwi ni amba vhunga musadzi wa tsilu.” Yawee, nn̄enñe!

<sup>286</sup> Ni a vhona, o farelela kha zwenezwo zwe a vha e nazwo. Zwino, o vha e muporofita. A ri, “Nñe a thi muitazwivhi. Ndo ɻetshedza tshiþhavhelo tsho disedzwaho.” Amene. O ðivha he a vha o ima hone. O vha e kha Ipfi. A hu londwi zwe vhañwe vha amba, o vha e heneffo kha Ipfi. Zwenezwo yeneyo awara khulusa... Ha pfi, “Inwi ni amba vhunga musadzi wa tsilu.” A ri, “Murena o ɻea, Murena o dzhia; mulandu, nga li fhaþutshedzwe Dzina la Murena!” Ha pfi, “Ndi da shangoni ili ndi si na tshiñwe tshithu. Ndi da hafha, ndi fhedzi, ndi ðo bva nga ndila i fanaho. Nga li fhaþutshedzwe Dzina la Murena!” O ðzula heneffo, o bva mamota, vhana vhawé vho fa, o vha o rwiwa nga vhushai, huno khonani dzawe dzoþe dza mu tanutshela, mirado yawe ya tshivhidzo, tshiñwe na tshiñwe-vho, a tshi khou ðihwaya nga... Huno muthu o dzhielwaho a ɻungufhadzaho-de nandi! A hu na na muthihi wa vhoiñwi o no ði fhiraho kha izwo. Naho zwe ralo, o farelela kha ilo Ipfi.

<sup>287</sup> O vha e goni. Yawee, nn̄enñe! Inwi ni nga si dzule no vheá filimu kha maþo awe tshifhinga tshoþe. Hai, hai. Nga u ɻavhanya, o ima kha ilo Ipfi, ho bvelelani? Lutombo lwa swotolela murahu, mibvumo ya thoma u vhomba, lupenyo lwa thoma u taidza, huno Yobo a sedza nthia huno a vhona bono, a ri, “Ndi a zwi ðivha zwauri Murengululi wanga u a tshila. Maðuvhani a u fhedzisela U ðo ima kha ili liphasi. Huno naho mbungu dza lukanda zwe no ði tshinyadza uyu muvhili, marambo na zweþe, ayo Maanda a hanyisaho a ðo vha heneffo. Ndi ðo vhona Mudzimu nga nñe muñe, Ane nda ðo mu vhona nga nñe muñe. Maþo anga a ðo vhona nahone hu si muñwe.” Naa izwo ndi zwone? “Naho tswio dzanga dzo liwa kha nñe, naho nga murahu ha musi mbungu dza lukanda dzi re kha muvhili wanga zwino, dzi tshi ðo u tshinyadza.”

<sup>288</sup> Ni a ðivha, mbungu dza lukanda a dzi ði kha inwi. Itsho tshivhungu tsho no ði vha kha inwi, mbungu dza lukanda lwanu. Naa izwo no no vhuya na zwi dzhiela nzhele? Arali ra ni džhenisa bogisini, huno ra li vala uri li si džhene maya; zwilumi zwi ðo ni la zwa ni fhedza, u tou fana, ngauri zwi kha inwi. Inwi ni tou vha tshivhalonyana tsha zwilumi fhedzi, tsha u tou thoma, nga ngomu.

<sup>289</sup> “Naho mbungu dza lukanda, mbungu dza lukanda lwanga dici tshi ntshinyadza, ḥama yanga, naho zwo ralo ḥamani yanga ndi do vhona Mudzimu.”

<sup>290</sup> Huno nga ayo matsheloni a mvuwo! Vhugala! Haleluya! Mateo, uyu muñwali muhulwane, 27:51, a ri, “Nga murahu ha musi O vuwa vhafuni, zwauri vhakhethwa vha Testamente Ndala, vhunzhi ha avho vho edelaho buseni la liphasi, vha a bva tshaloni, huno vha dzhena ngomu mudini huno vha bvelela kha vhanzhi.” Ayo Maanda a hanyisaho, a tshi kha di vha kha ayo marambo a Eliya ngeno ho vha hu si tshe na marambo, a tshi kha di vha kha Yobo ngeno ho vha hu si tshe na lebuladzadzwala buse lo salaho la muvhili wawe. Fhedzi Maanda a hanyisaho o vha a tshi kha di vha heneffho.

<sup>291</sup> “Arali uyu Muya we wa vusa Yesu vhafuni u tshi dzula kha inwi, U do hanyisa na muvhili wañu u faho.” Dzhielani nzhele, nga u ḥavhanya zwino.

<sup>292</sup> Inwi ni ri, “Oo, ndi tama ndo tshila murahu . . .” Inwi ni khou tshila kha tshifhinga tsha khwine. Zwino arali vho inwi nothe . . .

<sup>293</sup> Ndi a ni vhona ni tshi khou ñwala fhasi mañwe Mañwalo. Zwo luga, ñwalani fhasi Vhathesalonika Ya U Thoma 4:16. Dzhielani nzhele uri zwo naka hani, ni a vhona. Ngei . . . “Vhakhethwa, avho vho edelaho vhe kha Kristo, Mudzimu u do vha vhuisa Nae,” ni a vhona, vhakhethwa tshaloni, vha tshi khou awela. Vhunga zwe Eliya a vha e zwone; vhañwe vhunga zwe Elisha a vha e zwone; ni a vhona, vhañwe vhavho vha do hanyiswa, vhañwe vha do dzhiwa, vhañwe vha do vha tshaloni. Vha do tuwa Nae. “Lufhalafhala lwa Mudzimu lu do lila, huno vhafu vha re kha Kristo vha do vuwa u thoma. Huno rine vhane ra tshila nahone ro sala ri do tanganedzwa rothe nthā navho, u ḥangana na Murena muyani.” Maanda a hanyisaho kha vha tshilaho; Maanda a hanyisaho kha vhafu. Ni a vhona?

<sup>294</sup> Ayo Maanda a Mudzimu a hanyisaho eneo mathihi o imelwaho kha vhaporofita avha vhuvhili havho. Sedzani madzina avho, ndi katukutuku a tshi fana, Elisha, Eliya. Ni a vhona Muselwa na Muñwe? Muñwe wawho ndi Vho-Yesu; muñwe ndi Vho-Mme Yesu. Inwi ni a vhona, ndi katukutuku vho fana, hu tou-tou vha vhukati ha ene-ene Wa Munna na Wa Mufumakadzi. Ni a vhona?

<sup>295</sup> Eliya, huno sedzani uri zwo imelwa hani hafha. Zwino, Elisha . . . O takulelwa nthā nga u takulelwa ḥadulu, u imela Tshivhidzo, zwo luga, Eliya; huno Elisha o awela u swika kha mvuwo. Ni a vhona? Zwi tou fana na tshinoni, tshi ḥoda phapha mbili dza u qilinganisa. Ni a vhona? Tshivhidzo tsho imelwa heneffho kha avho vhaporofita vhavhili. “Ngauri rine vhane ra tshila nahone ro sala kha u da ha Murena, ri nga si rangele avho vho edelaho; ngauri Lufhalafhala lwa Mudzimu lu do lila,”

phapha idzo vhuvhili hadzo dici do da fhethu huthihi, huno ri do fhufha, haleluya, fhufha. Ngauri, (mini?) kha vha tshilaho, kana vho faho, ayo Maanda a hanyisaho a kha di tshila.

<sup>296</sup> Dzhielani nzhele. Elelwani, elelwani zwino, ro hanyiselwa u vhona zwine izwi zwithu zwa vha zwone. Sedzesani Maanda a hanyisaho a lino duvha. Elelwani, ri a hanyiswa. A si kale, u itela thuso....

<sup>297</sup> Huno ndi—ndi a elekanya uri Murena washu o amba, na ene Paulo o ralo, "Zwe Khotsi a ntsumbedza, a tho ngo dzumba tshithu. Ndi a ni vhudza." Huno kha aya maduvha a u fhedzisela musi ri tshi vhona Maanda a hanyisaho Awe e kha riñe, O vhuya a ri nea Maanda a hanyisaho, u vhona vhalwadze vha tshi fhodzwa. Ro vhona Maanda A Hanyisaho a tshi khou shuma vhukati hashu, vhunga zwe A vha e zwone khavho maduvhani a vhilulaho, ni a vhona, ni a vhona A tshi vhuisa murahu nga bono huno a vusa vhafu, ra vhona A tshi nea vhalwadze mutakalo.

<sup>298</sup> Lila duvha ndo vha ndi tshi khou vhudza muñwe. Donovan Weerts muñuku hafha, ndi a humbulela uri nothe ni a mu divha. Ndo vha ndi ngei ntha ndi tshi khou zwima nae. Muthu a tungufhadzaho muñuku.... Ndi munna muñuku wawhudzi. U da ngeno tshivhidzoni. U do.... U tou vha khonani yanga mbuya nga maanda. Huno u tou.... O ri, "A tho ngo ḥoda u ni dina."

<sup>299</sup> Nda sedza, huno ndevhe yawe, yo rembulutshela ndilani yothe, u bva nga ngomu u ya nn̄da. Huno nda ri, "Naa ni vuwa hani, Donovan?" Nda tou mu dzhia nga tshanda, nga ndila iyo, na pfuko. Nda ri, "Donovan, naa thaidzo ndi mini kha ndevhe yañu?"

<sup>300</sup> A ri, "A thi ñivhi, Mukomana Branham. Lwa miñwedzi i ḥodaho u swika ya rathi, ya sumbe, huno i dzulela u vha...."

Nda ri, "Ndi ngani ni songo amba tshiñwe tshithu nga hayo?"

<sup>301</sup> Ha pfi, "A—a tho ngo ḥoda u ni dina, Mukomana Branham."

Nda ri, "Naa ni a ñivha uri ndi mini?"

Ha pfi, "Ndi na muhumbulo."

<sup>302</sup> Ndo tou vhea tshanda tshanga khae, nda sa ambe na ipfi na kathihi. Maduvha mavhili nga murahu ha hezwo, ho vha hu si na na vhadzi. Naa ndi mini? Maanda a hanyisaho, ni a vhona, A do hanyisa muvhili wañu u faho. Ndèvhe yawe yo vha i tshi do lea, maluvhi awe o vha a tshi do vha a si tsheeho, ni a vhona, o vha a tshi do vha o fa. Fhedzi, Maanda a hanyisaho! Ni a vhona?

<sup>303</sup> Huno liñwe duvha musi ndo vha ndo neta, nñe muñe, nga ha.... Nda ri, "Arali inwi... Mutukana, ndi khwine ni tshi bvela phanda, ni na miñwaha ya futhanu. Inwi, arali ni tshi khou yo itela Murena tshiñwe tshithu, ndi khwine ni tshi t̄avhanyedza huno na tshi ita. Ni khou kalaha." Ni a vhona? Huno heneffo nga ayo matsheloni, Maanda a hanyisaho a ña, huno A ntendela u sedza seli ha xaradeni, huno nda ni vhona nothe nga hangei. Uh-huh. Ni a vhona? A ri, "Vhothe

vhe wa vhuya wa vha funa, na vhothe vhe vha u funa, wo newa vhone." Ni a vhona? Ndo vha vhona vhothe nga hangei nga u ralo. Naa ho vha hu mini? Maanda A Hanyisaho.

<sup>304</sup> Yohane a re mudzumbululi o vha o dala Maanda a hanyisaho, we a ima huno a vhona vhufhelo u bva u rangani.

<sup>305</sup> Yesaya o vha o dala Maanda a hanyisaho, huno a ima huno a vhona Nwahagidi na zweithe.

<sup>306</sup> Maanda A Hanyisaho! "Huno arali Muya wo vusaho Kristo vhafuni, u tshi dzula kha inwi, U do hanyisa muvhili u faho wa... muvhili u faho." Elelwani, Maanda a hanyisaho!

<sup>307</sup> Sedzani zwe ra vhona nga lino duvha. Maanda A Hanyisaho o da kha riñe, u pfuñulula Mapfundo A Sumbe. Naa ayo o vha e mini, vhuñali ha muthu? Hai, Maanda a Mudzimu a hanyisaho. Ni a vhona, Maanda a Mudzimu a hanyisaho o dzula o amba uri izwi zwi do itea. Ni a vhona, Maanda a Mudzimu a hanyisaho o ita uri shango li Li tanziele, uri ndi Ngoho. Muruñwa wa Murena, ndo ni vhudza, o vha e hone, nga Khavhu ya Mulilo; Maanda a hanyisaho a ita uri shango li tanziele uri Lone ndi Ngoho. Huno, kha hezwo, a vho ngo divha zwe A vha e zwone; huno riñe ro divha, itonu sedza nga iyi ndila, huno Ndi Murena washu ngei nthia, inwi ni a vhona.

<sup>308</sup> Ndi ene Uyo We a pfuñulula ayo Mapfundo. Ndi ene ayo Mapfundo, ngauri Ipfi la Mudzimu lothe ndi Kristo, huno Kristo ndi Mapfundo e a pfuñululwa. Naa u pfuñululwa ha Mapfundo ndi mini-ha? U dzumbulula Kristo.

<sup>309</sup> Huno Vharuñwa vhenevho vha sumbe, vhe vha imela Zwivhidzo Zwa Sumbe zweithe two vuledzea, huno a ro ngo kona na u Vha vhona. Vho ita, vho dzhia tshifanyiso, hu si riñe. Huno U hafhalaa, o ima hafhalaa, Muhatuli Muhulwane; a tshi sumbedza urí Ene ndi Alifa na Omega, murangi na mukhunyeledzi. Ndi thaluso-de nandi! Maanda A Hanyisaho o ita izwo kha riñe.

<sup>310</sup> Maanda A Hanyisaho a ita uri ri vhone u da Hawe. Maanda A Hanyisaho o ri dzhavhula kha lufu a ri isa Vhutshiloni. Maanda A Hanyisaho a ri nea vhuñalukanyi; u divha tsho khakheaho kha inwi, na zwine zwa tea u itwa; zwe na ita, na zwe na vha ni songo tea u vha no zwi ita; na zwe na vha no tea u zwi ita, na zwine na do vha zwone. Maanda A Hanyisaho, zweithe izwi zwithu!

<sup>311</sup> Murena Yesu washu o dala nga maanda Maanda a hanyisaho, O vha e One othe, o tangana. O vha o dala nga maanda Maanda a hanyisaho, O amba izwi, "Inwi tshinyadzani uyu muvhili, huno Ndi do u vusa nga mađuvha mararu." Ni amba nga ha fulufhelo kha Maanda a hanyisaho! "Tshinyadzani uyu muvhili, huno Ndi do... iyi thembele, huno Ndi do i vhuisa nga mađuvha mararu."

<sup>312</sup> Mulandu, ndi ngani O amba izwo? O zwi ḋivha uri ho vha ho ḥwaliwa nga Hae, ni a vhona, uri ho vha ho ḥwaliwa nga Hae, nga Ipfi la Mudzimu le la si kone u kundelwa. Ipfi lo ri, “Ndi nga si tendele Uyo Mukhethwa Wanga a tshi vhona u sina, nahone Ndi nga si litshe maya Wawe ngei vhudzulavhafu.” Huno O zwi ḋivha uri ayo Maanḍa a hanyisaho a do Mu vusa, uri hu nga si vhe na sele na nthihi i no tshinyala.

<sup>313</sup> O ri, “Inwi tshinyadzani iyi thembele, huno Ndi do i vhuisa murahu hafhu nga mađuvha mararu.”

<sup>314</sup> Ndi ngani? Ho vha hu vhuporofita, Ipfi la Mudzimu. Huno vhuporofita, arali Vhu Ipfi la Mudzimu la ngoho, vhu nga si kundelwe. Huno vhuporofita honoho vhuthihi na Ipfi la Mudzimu le la ri U do Mu vusa, zwi ri rine ro no di vuswa Nae. A zwi mangadzi O ri, “Ni songo ofha.” Huno zwe ḥwaliwa, zwauri, “Muya u re hone zwino, we wa vha u Khae, zwino u kha rine, u hanyisa na muvhili washu u faho.” Ni songo ofha, khonani, M-u-r-w-a o vuwa. Murwa o vuwa. A hu na . . .

<sup>315</sup> Zwino sedzani phenyiso. Rine, muñwe na muñwe, ro vha ro imelwa heneffho. Ho vha hu na vhakhethwa vha tshilaho vhe vha takulelwa ṭadulu, ho vha hu na Eliya o imaho heneffho; huno heneffho ho ima Mushe, vhakhethwa vho faho vho ime. . . Nahone, vhothe vhuvhili havho vho vha vhe na Maanḍa a hanyisaho. Uri kana muthihi o fa, huno muñwe ho ngo fa, vha hone vhothe heneffho.

<sup>316</sup> Dzhielani nzhele, oo, sedzani zwine rine zwino ra khou zwi vhona mađuvhani aya a u fhedzisela. Zwenezwo zwithihi zve A fulufhedzisa, Yohane 14:12. Zwino sedzani. [Tshikhala kha theiphi—Mudz.] Zwa vhukuma.

Vhatu vha ri, “Inwi ni amba uri ni na maanḍa?” Hai, hai, hai.

<sup>317</sup> Ri tou fana navho ngei kha Thavha ya Phenyliso, ni a vhona. Zwa vhukuma, a ri vhili maanḍa. Fhedzi, rine, vhunga—vhunga zve vha vha vhe zwone. . . Kha Thavha ya Phenyliso, vho vha vha sa khou ri, Mushe, i ri, “Vhonani ane, vhonani ane nda vha ene,” vhafunziwa vha ri, “vhonani ane nda vha ene, vhonani ane nda vha ene.” Ni a zwi ḋivha zve zwa bvelela? Dzhielani nzhele, vho vhona Yesu o newa vhugala. Ndi zwenezwo fhedzi zve vha vha vha tshi ṭoda u vhona zwi tshi imelwa, Yesu o newa vhugala.

<sup>318</sup> Huno zwe ralo na namusi, a ri lingedzi u vha muñwe muthu muhulu. A ri londi zwine vhathu vha amba nga ha rine. Dzina ḥashu a si tshithu; ndi Dzina ḥawé. Vhutshilo hashu, a si tshithu; ndi Vhutshilo Hawe. Ndi Maanḍa Awe, hu si maanḍa ashu. Huno hu na tshithu tshithihi fhedzi tshire ra funa u ita, ndi u Mu vhona o newa vhugala. Huno zwi nga kona u vha hani? Musi O newa vhugala kha rine, nga mvuwo Yawe i re kha rine. Ri Mu vhona o imelwa hafhu sa zve A vha e zwone, namusi.

<sup>319</sup> Naa izwo no zwi wana? Ni a vhona, lutamo lwashu a si u newa vhugala. Lutamo lwashu a si liñwe dzina lihulu. Lutamo lwashu a si u khwathisa tshiñwe tshivhidzo, kana u ita vho engedzeaho kha tshikolo tsha Swondaha, kana u lingedza u disa ngomu, u vhofha zwanda na milenzhe, u sukumedzela ngomu, u netshedza phathi ya mushashadzo, kana u disa vhomakone, dzigunubu, kana tshiñwe tshithu-vho tsha u ralo. Ulwo a si lutamo lwashu. Lutamo lwashu ndi u Mu vhona a tshi newa vhugala. O newa vhugala, (mini?) hu si nga u dikukumusa; fhedzi kha riñe, matshilo ashu, u sumbedza uri U a tshila nahone u a tshila kha riñe.

<sup>320</sup> Arali ndi tshi nga kona u dibvisa ndilani, ngauralo musi William Branham a sa khou vhuya a humbuliwa, na inwi ni sa vhui na humbuliwa, u swika ri tshi kona u vhona Yesu o newa vhugala vhukati hashu. U Mu vhona, ulwo ndi lutamo lwashu. Ayo ndi a hanyi-... ri nea Maanda a hanyisaho. Huno zwi ri nea dakalo, u zwi divha zwauri ri Nae, nama na shambo vhuvhili hazwo Zwawe, ri Muselwa Wawe; nahone ri tshi vhona ngona Dzawe dzo khwathisedzwaho dzenedzo nthibi, dzi tshi sumbedza kha riñe zwauri Ene zwino o vuwa vhafuni. Ni a vhona?

<sup>321</sup> A zwi mangadzi O ri, "Ni songo ofha", ngauri zwino, dzhielani nzhele, ri rengululwa nga Ene, nahone zwino ro vuwa Nae. Izwo ndi zwine Mvuwo ya amba zwone kha vhathu, "ro vuwa Nae"! Dzhielani nzhele. Zwino ri na Muya Wawe kha riñe, vhuñe ha manweledzo ho badelwaho nga vhudalo.

<sup>322</sup> Hai, inwi a ni ri, "Zwo luga, ndi a fhulufhela uri ndi a zwi kona." No no di zwi kona. A si, "Ndi do zwi kona." Ndo no di zwi kona. Na kathihi a tho ngo zwi kona; O nkonela zwone. Ni a vhona? Hu si nne; Ene! "Zwo luga, Mukomana Branham, vha ri..." A thi londi zwine vha amba. Henengei O zwi konela, nne. Ndi zwenezwo fhedzi zwine nda ḥoda, ndi a zwi londa.

<sup>323</sup> Ndi tou—ndi tou ḥoda u Mu vhona a tshi vhonadzwa. Naa ni nga zwi ita hani, na Mu vhidzela fhasi? Hai. U kha inwi. Ni a vhona, U kha inwi. "Zwo ralo, zwenezwo, Murena, arali ndi tshi nga dibvisa ndilani, Iwe u nga kona u vhonadza. Nne munę... Naa Ü nga zwi ita hani? Ngauri Wo zwi odeina nga u ralo. 'Vhothe vhe Khotsi a Nne a vha do da.'" Dzhielani nzhele. Vhugala!

<sup>324</sup> Vhutanzi uvho hothe ho kuvhanganyiwaho, vhune riñe ra vha nahonahone zwino matsheloni ano, oo, ndi elekanya nga ha ulwo luimbo:

Nga ayo matsheloni a muwoo,  
Musi thambo dza lufu dzi tshi do thukhulwa,  
Ri do vuwa, (Hañeluya) ri do vuwa!

<sup>325</sup> Inwi ni a zwi tenda izwo? [Tshivhidzo tshi ri, "Amene."—Mudz.] Ri do vuwa! Kha Ene ri vha tshipida Tshawe, Mvuwo, tshipihiri tsho dzumbululwaho tsha Mudzimu vhunga zwe zwa vha zwi zwone tshifhingani itsho, zwa Vhutshilo ha nga murahu ha lufu. Riñe zwino ri a tshila, vhe ra vha ro fa tshivhini

na dziphambuwoni. Luswayo Lwa Mvuwo lwa vhukuma lwo vunda lufu u mona na nne, huno ndi a tshila. Luswayo Lwa Mvuwo, ngei u rangani, lwo vunda luswayo lwa luswayo lwa Vharoma, Luswayo Lwa Mvuwo, lwa uri O'vha o swaiwa. Huno vhanna, musi vho fa, vho vha vha si tsheeho; fhedzi O vunda luswayo huno a dzumbulula tshiphiri. Huno zwino Mudzimu, nga Muya Mukhethwa Wawe, o vunda luswayo kha matshilo ashu, huno Kristo u a dzumbululwa musi A tshi tshila kha riñe, ngauri zwino ri hanyiswa Nae. Oo, siañari na siañari!

Ri do vuwa, (Halełuya!)  
 Ri ḫo vuwa! (Amene!)  
 Nga ayo matsheloni a mvuwo,  
 Musi tswinga dza lufu dzo vundiwa,  
 Ri ḫo vuwa, (Halełuya!) ri ḫo vuwa!

<sup>326</sup> Oo, a no ngo takala! Nñe ndo takala nga maanda! Murahurahu ngei fhasi, kha shede ḥukhu ya kale ya malasha nga mañwe matsheloni, tswayo dza vundiwa, huno nda vuwa Nae, tshivhumbwa tthiswa. Maanda a hanyisaho Awe; Murwa o vuwa.

<sup>327</sup> A si kale, ndo vhudzwa nganea ḥukhu nga ha mu—murei wa khovhe. Muthu a bva huno a hira murei wa khovhe wa kale uri a mu ise nn̄da u rea khovhe kha Khunzikhunzi ya Vhukovhela. Vho bva nga ayo matsheloni.

<sup>328</sup> Arali muñwe wa vhoiñwi o no rea khovhe henengei nn̄da ya salamoni, mulandu, inwi ni a zwi ñivha zwine zwa itea, hu vha na khuli lu shushaho ngei nn̄da. Ndi vhona murathu wanga muñku, Eddie Byskal, henengei fhasi, mufunziruñwa kha Maindia ngei nn̄da. Huno ro rea khovhe, riñe vhañe, nn̄da kha idzo khunzikhunzi.

<sup>329</sup> Ngauralo uyu murei wa khovhe o vha a tshi nga ndi muthu a si na tshenzhemo, ni a ñivha. O ya u rea khovhe, huno vha papamala vha ya nn̄da. Vho lindela uri tshedza tsha masiari tshi ñe, ni a ñivha. Huno vhone—huno vhone a vho ngo tsha pfa tshitsivhudzi tsha khuli, huno murei wa khovhe a thoma u nyanyulea tshoñthe, a ri, “I ri ni, ri khou papamala nn̄da u ya lwanzheni! Hei!” A nyanyulea tshoñthe.

<sup>330</sup> A ri, “Dzulani fhasi, murwa. Dzulani fhasi.” Murei wa khovhe wa kale, o fhumula, ni a ñivha. O ñivha zwe a vha a tshi khou amba nga hazwo. Ha pfi, “Itonu lindela u swika ḫuvha li tshi ña n̄tha, zwenezwo ri nga kona u vhona hune ra vha hone.”

Inwi ni ri, “Naa ndi fanela u vha Mumethodisi? Mubaphuthisi? Mupentekostaña?”

<sup>331</sup> Itonu lindela. Murwa u ña n̄tha, ri do vhona hune ra vha hone. Ndi ene Ipfi. Lindelani u swika ni tshi vhona Ipfi li tshi vhonadzwa, li tshi penya kha Mbeu, Khulane yo dzungudzwaho, ri do vhona hune ra vha hone. Naa ni a Mufuna? [Tshividzo tshi ri, “Amene.”—Mudz.]

<sup>332</sup> Ni mpfarele nge nda ni fareledza ngaurali. Naa ndi vhangana vha no khou yo sala madekwana a ḥamusi? Oo, itonu vhuya murahu-ha, madekwana a ḥamusi, ni a vhona. I tshi ṭodou rwa awara ya vhusumbe? Naa no vha ni na muñwe muthu-vho? [Murathu Neville u ri, “Hai.”—Mudz.]

Kha ri kotamise zwifhaṭuwo zwashu.

<sup>333</sup> Naa hu na muñwe fhano, kana vhanzhi, vhane vha sa vhe na aya Maan̄a a hanyisaho khavho? Murwa o no penya, huno no dzula kha iyi thaberenakele, no thetshelesa dzitheiphi, huno naho zwe ralo Muya na kathihi a u athu ni hanyisa u swika ni tshi kona u tevhela Ipfi la Mudzimu, uri vhoinwi vhasadzi na vhoinwi vhanna ni nga kona u thetshelesa Ipfi liñwe na liñwe le A li ñwala! Oo, itsho ndi tshitihu tshi re khombo. Mini-ha arali no vha ni tshi do vha mbeu yo faho, hu si na Vhutshilo kha inwi? Fhedzi hu na tshiñwe tshitihu kha inwi, tshi no ni vhudza, “Ndi—ndi ṭoda u vuwa, matsheloni ano. Ndi ṭoda u vuwa kha tshimo tshine nda vha khatsho. A thi ṭodi u tou vha mbeu yo faho, nda siiwa kha tshika na thanda i papamalaho. Ndi ṭoda u vuwa.”

<sup>334</sup> Naa ni do imisa tshanda tshañu, na ri, “Nthabeleleni, mukomana”? Mudzimu a ni fhaṭutshedze. Mudzimu a ni fhaṭutshedze. Nnenñe, sedzani zwanda; a hu na ndila na luthihi ya mbidzo ya alitari. Tshine ra tshi vhidza mbiđzo ya alitari, vhathu vha a da n̄ha u mona na alitari, nne a thi tou vha nga maan̄a khayo, naho zwe ralo. Iyo yo tou ingiwa kha tshivhidzo mađuvhani a mvuseledzo ya Methodisi. Ni a vhona?

<sup>335</sup> Bivhili yo ri, “Vhanzhi vhe vha tenda, ni a vhona, vho lovhedzwa.” Hu na dzivha hafha, lo dalaho mađi, lo lindelaho nkhetheni o ḥilugiselaho u vha o faho kha ene muñe.

<sup>336</sup> Zwino, inwi ni nga di swiṭwa ngomu, zwifhinga zwinzhi, nga Dzina la Murena Yesu; fhedzi u swika iyo mbeu i Vhutshilo, ni a vhona, Vhu nga si i hanyise. Hai, hai, hai. Ndovhedzo ya mađini i tou fana na ñwando wo waho u tshi bva ṭadulu; u kona u wela kha mbeu, fhedzi, a hu na Vhutshilo henefho, i nga si kone u tshila.

<sup>337</sup> Fhedzi arali iyo ndovhedzo ya mađini ya vhukuma, ya lufu kha inwi muñe, huno no lugela u fa kha tshiñwe na tshiñwe tshe na vhuya na funzwa nga dzindaela na dzidinomineisheni, zwe fhambanaho na Ipfi, huno ni tshi do tshimbila vhunga murwa kana ñwananyana wa Mudzimu, huno ni tshi khou amba zwenezwo mbiluni yañu, sedzesani zwine iyo ndovhedzo ya mađini ya do ita kha inwi matsheloni ano. “Shandukani, muñwe na muñwe wa vhoinwi, huno ni lovhedzwe nga Dzina la Yesu Kristo u itela khangwelo ya vhukhakhi hanu, tshivhi tshañu, huno ni do ṭanganedza Khułane, tshidzimu tsha u kumedzwa. Inwi ni do ṭanganedza Nungo dza u ṭuṭuwedza, Muya Mukhethwa. Ngauri pfulufhedziso ndi yañu, na vhañwe vhothe. Kha mirafho yothe, zwi do vha nga u ralo.”

<sup>338</sup> Khotsi Mudzimu, ndo—ndo amba nga maanda, huno nda dzhia tshifhinga tsha vhathu tshinzhi, fhedzi, Murena Mudzimu, a hu na u ima khazwo. Hu tou vhonala hu tshi nga u tou tea u litsha huno wa djudutshela, huno wa awela, huno na vhuya. Ri khou tshila kha shango li faho, vhukati ha vhathu vha faho; ri na Mulaedza wa Vhutshilo, nahone ri na vhučanzi ha mvuwo. Mudzimu a Funwaho, ri khou yo vha vha faho luthihi fhedzi, huno zwi do vha mini arali ri tshi litsha itshi tshifhinga tshi tshi ri fhira?

<sup>339</sup> Mbilu dzashu dzi khou swa; mimuya yashu yo dzikuwa; avha vho dzenaha ngomu. Huno vhanzhi vha khou pfa uyu Mulaedza matsheloni ano. Ee, vha madana mavhili kana mararu vho imisa zwanda zwavho. Vha ḥoda u tenda, Murena. Oo, ngoho iyo mbeu a yo ngo fa, Murena. Naa vho vha tshi nga imisa zwanda zwavho hani nga u ralo? Hu na tshinwe tshithu. Oo Mudzimu, ndi vhunje ha kale, ndi uyo mufumakadzi wa Yobo o imaho heneffo, a tshi ri, “Oo!” Fhedzi, Murena, i ri uyo Yobo, uyo mutendi, a dzhene ngomu, matsheloni ano, a fe tshoṭhe, huno a swiṭwe hafha kha iyi ndovhedzo ya madini.

<sup>340</sup> Marotha a nwando a bvaho Ṭadulu, Ipfi la Mudzimu li no ri A do ḥanzwa tshivhi tshinwe na tshinwe huno a tshi hangwela! Inwi ni lovhedzwa nga Dzina la Yesu Kristo, u itelani? Khangwelo ya tshivhi tshaṇu, zwihi zwo hangwelwaho nga Dzina la Yesu Kristo.

<sup>341</sup> Ngavhe, zwenezwo, Khotsi, ngavhe... Arali vha tshi lwala, ngavhe vha tshi bva vha tshi tshimbila vhe na mutakalo. Ngavhe, arali vhe vhaholefhalu, ngavhe vha tshi bva vha tshi tshimbila vhe fhasi ha Maanda a Muya Mukhethwa. Arali vho vha vhe vhaftazwivhi, ngavhe vha tshi bva vha tshi tshimbila vho ḥanzwiwa nahone vho kuna. Huno mashumele, nga u dzhena ngomu; Nungo dza u ḥuṭuwedza dzi bva N̄tha, Muya Mukhethwa, huno dzi vha ḥuwise, Murena. Hanyisa muvhili wavho u faho, zwenezwo ri do pfa ndimi ntswa dza vhukumakuma, maanda a Mudzimu, lufuno lu songo ambiwaho, tshilidzi tshi faho na tshilidzi tshi tshilaho; na Kristo o vuwaho, Muvhili, Muselwa a Mu imelaho kha ḥifasī.

<sup>342</sup> Khotsi, ndi Vhau. Vho imisa zwanda zwavho. Ndo rera Ipfi. Zwino, Khotsi, vha ḥanganedze, ndi a rabela. Dzinani la Yesu Kristo, ndi a zwi humbela. Amene.

<sup>343</sup> Ni a Mu funa? [Tshivhidzo tshi ri, “Amene.”—Mudz.] Naa Ha mangadzi? [“Amene.”] Naa ni a fushea uri inwi ni tshipida tsha iyo mvuwo ya Mvuwo, uri inwi no vuwa Nae? [“Amene.”] Imisani tshanḍa tshaṇu. No katelwa.

<sup>344</sup> “Vhana vhatuku vhanga,” vhunga Paulo a tshi do vha o amba. Hu si u lingedza u mu edzisela, fhedzi, lufuno, ndi a ni funa. Ndi sinda dzindila na tshinwe na tshinwe-vho, u swika ngeno, u swika uri ndi ambe na vho inwi. Ndi bva kha phanga,

u buđekanya madambuwo a mahada, na zwińwe-vho, u swika fhano. Ri fhufha nga mabufho. Īnwi ni reila u buđekanya shango, uri ri kone u swika fhethu huthihi. Ri a funana.

<sup>345</sup> Rine muńwe ndi tshipida tsha muńwe. Ni songo tendela Saňhane na kathihi a tshi ni vhudza tshińwe tshithu-vho. Rine muńwe e tshipida tsha muńwe, ri tshipida Tshawe. Huno ri vhadzulapo nga tshashu vha Muvhuso, ri tshi khou diphina nga idzi phaňhutshedzo, rođhe, dza mvuwo.

<sup>346</sup> Huno zwino, ni a vhona, inwi zwino no no di vuswa. Musi Mudzimu a tshi Mu vusa, O ni vusa. Murwa zwino u kha inwi, huno zwino ni khou alutshela ngomu ha Vhutshilo vhu fhufhumaho vhunga zwe A vha e zwone, u vusiwa tshođhe nga ilo đuvha la u fhedzisela. Vhukoni hanu, ni naho zwino. Ndi ngani ni tshi đivha? Muya wanu wo shanduka, naa a wo ngo ralo? Muvhili wanu u a Li thetshelesa, naa a wo ngo ralo? Nga u thetshelesa (mini, tshivhidzo?) Ipfi, line la vha Vhutshilo, zwenezwo inwi zwino ni a vuswa vhafuni. Ndi Mvuwo, na Yesu na nne. Ndi Mvuwo, na inwi na Yesu. Huno ndi Mvuwo, na inwi, nne, na Yesu. Rine rođhe ri...Kana, Yesu, inwi, na nne, rine rođhe ro vuswa khathihi.

<sup>347</sup> Huno ri do vuwa nga đuvha la u fhedzisela, naho mimuya yashu i tshi tütshela mivhili yashu, naho mivhili i tshi rusa, i tshi nga ya buseni, i tshi nga fhiswa, i tshi nga vha dasi ha lwanzhe. Bivhili yo amba, "Muruńwa o tevhutshela wawe kha lwanzhe, huno tshińwe na tshińwe tsho faho tsha da nga nňha." A hu na tshithu tshire tshi nga ri dzumba, kana tsha ri fhandekanya, na uyo Mudzimu ane ra mu funa nga maanda, we a ri vusa khathihi.

<sup>348</sup> Mudzimu a ni fhaňhutshedze. Ndo ni fareledza hafha. Arali vhańwe vhathu vha tshi kha di vha kha ulwo luđingo, vhone ngoho...Nga sente dza fuňhanu muniti, vho badela zwa vhukuma, matsheloni ano. Fhedzi, ndo tou sa kona u ima nga iyo awara, ndo do tea u bvela phanda.

<sup>349</sup> Zwino, Murena a tshi funa, ndi do vhuya murahu madekwana a ñamusi, u amba na vhoiñwi hafhu. Huno arali ndi sa koni, huno zwenezwo nođhe ni a đivha...Ndi zwi dzhia uri a ri kha...kana a hu na...Ri kha di vha kha luđingo? A ri tsha vha kha luđingo.

<sup>350</sup> Vhoiñwi nođhe ni a đivha hune nne nda khou ya, naa a ni ralo? Afurika! Ndo founela lwa tshifhinga tshilapfu; lwa miňwaha ndo lingedza u humela murahu. Zwino bono, Muya wa Murena wo lugisa ndila. Vho ri, musi avho ngwaniwapo vha shayaho vha tshi zwi pfa, zwauri a tho ngo da tshifhingani tsho fhiraho musi ndo vha ndi henengei, vho edela mavuni masiari na vhusiku, huno vha dzida na u lila, nahone vha tshi ri, "Murena, naa ro itani?" vha zwigidi vhavho. Avho vhathu a vha vhuyi vha tenda uri vha na maya. Ni a vhona? Huno vho lila huno vha dzida, huno vha lila.

<sup>351</sup> Ni songo rumela ipfi la u ri hai ngei phanda. Ndi a humbela ni songo ralo. Ni a vhona, arali iyo visa zwì tshi nga itea ya fhira nga kha henengei huno ya dzhena vhukati ha vhañwe vhashumeli, vha do nnyimisa henehfo. Ndi tea u dzhena ngomu sa muzwimi. Ndi khou ya kha khosikadzi ye ya disa mihwalo ya fumisumbe nga tshidimela ngei huno ya tsela fhasi muñanganoni. Ndi tea u gonya n̄tha huno nda zwima kha disi lawe. Huno ndi a dzhena ngomu, phasipoto yanga na tshiñwe na tshiñwe zwi vhidza muzwimi, hu si tshumelo ya vhurereli.

<sup>352</sup> Zwenezwo hu khou yo vha na mukomana muthihi a no ntanganedza, a ri, “Naa ndi ngani ni sa ri fareli muñangano muñuku?” Zwitadiamu zwe no di hiriwa. A vha vhuyi vha zwi ñivha. Ni a vhona? Oo, vhugala!

<sup>353</sup> Rabelani uri lufuno lwa Mudzimu lu songo thithiswa. Izwo, muya wanga wo lilela Afurika tshee nda tuwa, ngavhe ndi tshi kona u vhuyeleta hafhu, zwenezwo nda ni disela mulaedza wa muñangano muhulwane. Nñe hu na khonadzeo ya uri ndi nga si tsha ni vhona, u bva ñamusi, u swika ndi tshi vhuya murahu. Ri khou tuwa, nga mađuvha a si gathi zwino, nga la vhufumi la Shundunthule. Naa ni do nthabelela? [Tshivhidzo tshi ri, “Amene.”—Mudz.]

<sup>354</sup> Elelwani, inwi a ni ñivhi zwine vhuleme ha vha zwone, u swika ni tshi kwama henengei; ñanga thungo dzoñhe, na diabolo, huno ni songo elekanya uri a vha ñivhi zwine vha tea u ita. Ni a vhona? Huno ndi khwine ni tshi ñivha zwine na khou amba nga hazwo, musi ni tshi ima phanda havho. “Fhedzi ndi a ñivha we nda tenda Khae, nahone ndi a fulufhela uri U a kona u vhulunga tshe nda Mu kumedza tshone u swika nga ilo ñuvha.”

Zwino, hu na dziñwe sagaduku dici re hafha.

<sup>355</sup> Mudzimu a Funwaho, musi uyu Mulaedza matsheloni ano, wa mvuwo, na nñe ndo ima hafha, Murena, nahone ndi tshi khou sumbedza nga Ipfi uri ayo Maanda a hanyisaho a kha ñwana a tendaho. Ngauralo-ha, nga û tenda, nga lutendo, uri ayo Maanda a hanyisaho o shandukisa vhutshilo hanga. Huno avha vhatu vha a tenda, Murena, huno Lo shandukisa matshilo avho. Huno ri a rabelelana.

<sup>356</sup> Ndi khou vhea zwanda zwanga kha idzi sagaduku, uri... Ngavhe Mudzimu, We a hanyisa Yesu Kristo huno a Mu disa a tshi bva vhafuni, nahone uyo Muya we wa Mu vusa vhafuni, u vhe u tshi dzula muvhilini washu.

<sup>357</sup> Muya we wa vha u kha muvhili wa Elisha, uyo, nga murahu ha musi o no fa huno hu si tshe na tshithu nga nnda ha marambo, wo vha u na Maanda a hanyisaho khawo. Zwanda zwa vhaapostola zwe vha zwi na Maanda a hanyisaho khazwo. Thalukanyo dza vhaapostola, u vhona ha vhaapostola, ndi—ndimi dza vhatendi, zweñhe zwe vha zwi na Maanda a hanyisaho.

<sup>358</sup> Zwino ngavhe ayo Maanda a hanyisaho, musi ndi tshi vhea ili Ipfi khadzo, nahone zwā̄da zwanga u imela muñe, nga tshilidzi, wa ayo Maanda a hanyisaho, ngavhe A tshi hanyisa muñwe na muñwe wa iyi mivhili i lwalaho, huno vha ḥnewa mutakalo hafhu, Mudzimu, Dzinani ḥa Yesu Kristo.

<sup>359</sup> Ngavhe hu sa vhi u itela idzi sagaduku fhedzi, fhedzi u itela avho vhathu ngei nn̄da kha vhathetshelesi, muñwe na muñwe a no tambula. Avho vhana vhaṭuku, vhathu vha vhaaluwa, tshiñwe na tshiñwe tshire vha vha tshore, ngavhe ayo Maanda a hanyisaho a tshi vha hanyisa zwa zwino, Dzinani ḥa Yesu. Amene.

<sup>360</sup> Zwino, naa ndi vhangana vha re na Maanda a hanyisaho? [Tshivhidzo tshi ri, “Amene.”—Mudz.] Zwino vheanani zwā̄da zwā̄nu, arali ayo Maanda a hanyisaho e kha inwi.

<sup>361</sup> Zwino, hu na tshithu tshithihi fhedzi tsha uri One, a songo thithisea, itsho ndi u sa tenda hañu. Musadzi o kwama tshiambaro Tshawe, a ḥnewa mutakalo; swole ḥa Muroma lo pfela mare kha tshifhaṭuwo Tshawe, huno ḥa ya vhudzulavhafu. Ni a vhona? Ngauralo zwe do tea...zwi ya na nga uri ni ngafhi. Naa ni a Li tenda? [Tshivhidzo tshi ri, “Amene.”—Mudz.] Naa ni a Li tenda?

<sup>362</sup> Zwino ndi ṭođa ni tshi kotamisa tshifhaṭuwo tshañu huno na rabelelana. Itonu—itonu rabela ni phuletshedze, itonu ri, “Murena, uyu muthu” . . . Ni a vhona, itonu rabelelana.

<sup>363</sup> Mudzimu a Funwaho, ri ita izwi nga Dzina ḥa Yesu Kristo, Dzina fhedzi lo ḥnewaho vhathu line ri nga tshidzwa kana ra fhodzwa ngalo. Avha vhathu, vhanne vha vha vhadzulapo nga tshawho vha Muvhuso, muñe wa Maanda a hanyisaho, Li hanyisele khavho, Murena, zwenezwino. Huno ngavhe Muya u tshi ṭuwa kha goni wa ya kha goni, u bva kha Ipfi wa ya kha Ipfi, u swika hu tshi vhonadzwa Yesu Kristo nga vhudalo kha muñwe na muñwe wa mivhili, u itela lwa muvhili, lwa maya, kana thodea inwe-vho ine vha vha nayo, musi ri tshi vheana zwā̄da zwashu. Dzinani ḥa Yesu Kristo.



*Ndi U T̄avha Ha D̄uvha* TSV65-0418M  
(It Is The Rising Of The Sun)

Hoyu Mulaedza nga Mukomana William Marrion Branham, u rangani wo ḡewa nga Tshiisimane nga matsheloni a Swondaha, Lambamai 18, 1965, Thaberenekejeni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa ganqiswa u songo pfufhifhadzwa nga Tshiisimane. Heyi thalutshedzo ya Tshivenđa yo ganqiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)